



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.


About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>


NYPL RESEARCH LIBRARIES



3 3433 06817701 7







Ruardi
Y F H

OBSERVATIONES

QUAEDAM SELECTAE

D E

JURE JURANDO.

Oaths - Jurisp.

not in RA
12-31. 16
13

INAUGURALE
SELECTARUM QUARUMDAM
DE JURE JURANDO
OBSERVATIONUM SPECIMEN,

QUOD,
FAVENTE DEO OPTIMO MAXIMO,

SUB AUSPICIIS
SERENISSIMI AC CELSISSIMI PRINCIPIS

GULIELMI V,

PRINCIPIS ARAUSIAE ET NASSAVIAE,
ETC. ETC. ETC.

FOEDERATI BELGII GUBERNATORIS HEREDITARII,
ACADEMIAE GRONINGO-OMLANDICAE

RECTORIS MAGNIFICENTISSIMI ET SENATORIS PRIMARI, 1
ETC. ETC. ETC. ETC.

EX AUCTORITATE

RECTORIS MAGNIFICI,
IOANNIS RUARDI,

J. U. D. Eloq. Linguae Graecae et Latinae, et
Antiquitatum Graecarum Professoris Ordinarii.

UT ET

Amplissimi SENATUS ACADEMICI Consensu,
et Nobilissimae FACULTATIS JURIDICAE Decreto,
PRO GRADU DOCTORATUS,

Summisque in UTROQUE JURE Honoribus ac Privilegiis,
rite et legitime capessendis,

Eruditis ad examinandum offert

HENRICUS COLLOT D'ESCURY,

ROTTERODAMO-BATAVUS.


ad diem XXVII. Decembris MDCCXCIV. Hora XI. L. S.

G R O N I N G A E,

Apud A. GROENEWOLT ET FILIUM.

MDCCXCIV.

(L. D. W.)



ALL WEN
CLERK
TRAVEL

V I R O

NOBILISSIMO AMPLISSIMO

**JOANNI MARTINO
B A R O N I
COLLOT D'ESCURY,**

CIVI.

CIVITATIS ROTTERODAMENSIS CONSULI,
COLLEGII, QUOD PUBLICO NOMINE
RES MARITIMAS AD MOSAM
CURAT, AERARII PRAEFECTO,

PARENTI OPTIMO.

ARDET UT AESTIVO POST LAETAS TEMPORE MESSES
RUSTICUS AGRICOLAE DONA PARARE DEO.
QUALIS DEPOSITA MILES CUM CUSPIDE PARMA
EXUVIAS MARTI PONIT ET ARMA SUO.
TALIS EGO, ASTRAEAE LAETATUS MUNERA SANCTAE,
UT SOLET ELEO PULVERE VICTOR EQUUS,
LUCE PATER! FESTA, GRATI CUM THURIS HONORE,
MILITIAE REFERO PARTA TROPAEA TIBI.

H. COLLOT D'ESCURY.

OBSERVATIONES QUAEDAM SELECTAE

DE

JUREJURANDO.



CAPUT I

DE JUREJURANDO IN GENERE.

§. I.

Nostras qualescunque de jurejurando observationes exhibituri primum quidem hoc capite inquiramus, quid sit jusjurandum, tum originem ejus indagemus, denique divisiones, diversaque jurisjurandi genera proponamus.

Omnes res, quae aliquam doctrinae partem attingunt, ita sunt comparatae, ut veritatis indagacionem quam accuratissimam exigant, et a nemine, nisi qui il-

A

larum

OBSERVATIONES

larum naturam et indolem recte cognorit, pertractentur. Quicumque igitur argumentum gravioris cujusdam disciplinae explicare aggrediatur, in hanc curam cogitationemque incumbat, necesse est, ut rem ipsam velut materiam, quam tractet, sibi subjectam accurate definiat, cum definitio hanc habeat vim et praestantiam, ut res involutas aperiat, et, quomodo ab aliis rebus dijudicentur, commonstret. Unde ea semper fuit laus Mathematicorum tanquam propria, quod, quicquid dicerent scriberentve, geometrica subtilitate definirent, atque ita ad meliorem rerum intelligentiam viam munirent.

Ad hanc igitur normam nos componententes, quid sit illud, de quo sumus acturi, videamus.

Secundum CICERONEM *de Offic. III. 29.* (ut ab hoc ordiar) insjurandum est *Affirmatio religiosa, quod autem affirmate quasi Deo teste promiseris, id tenendum est.* Hanc definitionem, quam suam quoque fecit GROTIUS *de I. B. et P. II. 13. 1.* ita explicat NOODT,

ad

ad *D. L. I. de jurejur. Affirmatio a Cicerone non proponitur negationi, sed omnem designat asseverationem, sive negationem sive affirmationem complectatur. Estque praeterea affirmatio, qua inspiratur metus divini Numinis, quippe Deo invocato perjurii teste et vindice: quod quidem apud me tantum valet, ut cum OTTONE ad PUFFEND. de O. H. et C. L. I. II. I. Ciceronianam definitionem minus reprehendam, inprimis cum omnes fere ad eandem normam se exegerint. Notum est illud ARISTOTELIS, Affirmatio religiosa Deo teste adbibita. Vid. COCCEJUS in I. C. T. I. p. 612. Non dissimilia sunt, quae dederunt VOETIUS in Comment. ad D. T. I. p. 631. PUFFENDORFIUS de I. N. et Gent. L. IV. C. 2. §. 2. et de O. H. et C. L. I. C. II. I. Assertio religiosa, qua divinae misericordiae renunciamus, aut divinam poenam in nos deposcimus, nisi verum dicamus: quo loco ad TITII judicium sententiam meam adscribere non possum, cum περ οὐκας teste PLUTARCHO. ἢ κατὰ τὴν τύχην τῆς*

OBSERVATIONES

QUAEDAM SELECTAE

D E

JUREJURANDO.

tes, utrum Deus in jurejurando tantummodo vindex, an vero et vindex et testis simul invocetur. Nobis optima videtur sententia THOMASII unum altero tacite contineri statuentis. Vid. *Jurisp. divina Lib. II. Cap. 9. n. 42.*

§. II.

Cum jam in eo simus, ut, proposita jurisjurandi definitione, originem ejus indagemus, age illam a fonte repetamus, quo invento non erit dubium, quin ad perfidiam illud, quod quærimus, referendum sit.

Ea semper fuit generis humani perversitas, ut, licet naturæ praeceptis ad recte beateque vivendum esset conformatum, plerumque tamen ad scelus deprehenderetur pronum et a rectae vitae via deflectens. Quamvis cum loquela, conciliatrix illa humanae societatis, tum vero etiam ratio summa, insita hominis naturae, per quam homo, ut CICERO ait *de Offic. I. 4. consequentia cernit, causas rerum videt, earumque pro-*
gres.

DE JURE JURANDO.

gressus, et quasi antecessiones non ignorat, similitudine comparat et rebus praesentibus adjungit atque annedit futuras, facile totius vitae cursum videt, ad eamque degendam praeparat res necessarias, hominum praestantiam prae bestiis efficiat, est tamen, quod vitiorum nostrorum turpitudine illis quoque superiores nos esse, non sine quodam doloris sensu, agnoscamus. Vid. PUFFEND. §. N. et G. II. 1, 6. Et profecto, si ad normam rationis istius summae, cujus ea vis est, ut quae facienda sunt, ostendat, prohibeat vero contraria, atque adeo ad recte faciendum et impellat, et avocet a delicto, si ad istius rationis normam mortales omni tempore actiones suas composuissent, non esset profecto, quod ut alia vitia, sic omnium turpissimam illam perfidiam, tam generis humani historia, quam tristes experientia argueret. Dolendum itaque est, mortales, qui, si rationi, a Deo constitutae, morem gessissent, omnis felicitatis participes evasisent, ad rectam illam vivendi normam se non accommodasse. et

in vitae civilis usu conformasse. Quid? quod perversitas humana eo audaciae pervenit, ut utile ab honesto sejungeret, et cupiditatibus indulgens, in quaelibet vitia prolaberetur, quae quidem nemo melius exposuit, quam OVIDIUS *Metam. L. I. vs. 144.* sq. et SENECA in *Hippolyto. vs. 551.* sq.

Tum scelera demto fine, per cunctas domos

Iera, nullum caruit exemplo nefas,

A fratre frater, dextera nati parens

Cecidit, maritus conjugis ferro jacet,

Perimuntque foetus inpiæ matres suos.

Accedit, quod auri sacra fames (ut poeta dicit) homines tanquam stimulo excitavit, ad divitias sibi quavis ratione comparandas, atque adeo inprimis, quae utile ab honesto separet, temeritati quasi ansam dedit.

Ex quo aurum igitur illecebris suis hominum animos allicere ad se, et cupiditatibus effrenatis quasi irritos habere coepit, morum disciplina exolevit, et officium, quod in tribuendo suum cuique consistit, et

re-

rerum contractarum fides perierunt. (*) Etenim ex auri nimia cupiditate quantum malorum profluxerit, nemo, qui vel leviter mentis humanae sibi comparavit notitiam, est qui ignoret. Bene et ad rem accommodata, de auro locutus ANACREON (cujus licet tota potes amatoria, sit teste CICERONE *Tusc. Quaest. IV.* 33., continet tamen egregias sententias et ad recte vivendum praecepta idonea)

δια τούτον οὐκ ἀδελφοί,

δια τούτον οὐ τοῦκοι,

πολεμοί, φονοὶ δὲ αὐτόν,

το δὲ χεῖρον, οὐλομένης

δια τούτον οἱ φιλοῦντες.

Vid. Ode 46. idem ille argute istam cupiditatem irridet Ode 23. Omnes poetae, morum illi magistri, a Deo munere aliquo generi humano commendati,

A 5

quos

(*) *Quam egregie illud expressit* PROPERTIUS *III. II.*

48!

Aurum omnes victa jam pietate colunt

Auro pulsa fides, auro venalia jura:

Aurum lex sequitur, mox sine lege pudor.

quos qui non admiretur, nullus est animo tam agresti atque duro, omnes inquam in hoc unum conspirarunt, ut vitium illud exagitarent. (*) Quam egregie Polydorum a Thraciae Rege, fracto hospitii jure, eo animo, ut auro ejus potiretur, interemtum, quasi in tabula VIRGILIUS proposuit, adeo ut nemo non cum poeta exclamet.

Quid non mortalia pectora cogis

Auri sacra fames?

Vid. Aen. III. 49. sq. Quantopere esset exoptandum, homines semper Horatiana illa meminisse. Carm. L. IV. Ode 9. vs. 45.

Non

(*) *Vid. LUCRET. III. 59—66. SENECA in Hippolyto vs. 516 sq. TIBUL. II. 3, 35. HORAT. Carm. III. Ode 16. illosque e recentioribus secutus BOHLAVIUS Epit. 5. Oper. T. II. p. 74. de amore vero venali et corrupta pretio fide poetae Erotici inprimis legantur. multa dederunt BROUKH. et HEYNIUS ad TIBUL. I. 4, 57. et II. 4, 27. Caeterum dictum Ciceronis bis adjicere non alienum sit. Est, inquit, pecuniae fugienda cupiditas: nihil enim est tam angusti animi, tamque parvi, quam amare divitias; nihil honestius, magnificentiusque, quam pecuniam contemnere, si non habeas: si habeas ad beneficentiam liberalitatemque conferre, de Offic. I. 20.*

DE JURE JURANDO.

Non possidentem multa vocaveris

Recte beatum. Rectius occupat

Nomen beati, qui Deorum

Muneribus sapienter uti,

Duramque callet pauperiem pati,

Pejusque leto flagitium timet.

Ab illa auri cupiditate Avaritiam, fidei, probitati, caeterisque artibus bonis infestam, generis humani corruptricem, (*) jus bonumque, quod apud homines non legibus magis, quam natura olim valebat, subvertentem, originem duxisse si dixerim, dixero id, quod est verissimum: per illam eandem hebecit virtus, superbia et luxuria regnarunt, pudicitia prostrata fuit, verbo boni mores in praeceps lapsi, hominesque, ut SALLUSTII verbis utar *in Bello Catil. C. 10. aliud clausum in pectore, aliud in lingua promptum habere coeperunt.* Quae ratio,

(*) Bene OVIDIUS *Fast. I. 215.*

- - - quibus intumuit suffusa venter ab unda,
Quo plus sunt potae plus sitiuntur aquae.

Conf. Horat. Carm. L. II. Ode 2. vs. 13. sq.

tio, quod mortales, rationis inperium detrectantes, aeternisque illis et in mente humana conditis naturae fautricis ope praeceptis suum cuique tribuendi, neminem laedendi, et honeste vivendi observantiam negantes, suppliciorum metu tanquam freno coacti a scelere deterrendi essent. Utinam ea etiam mihi esset facultas, qua felicem illum statum, quo homines jus et aequum observabant, sed deinde in pejus conversum quasi in pictura exhiberem. Hoc ex rei dignitate frustra quis contendat, qui mentis humanae notitiam non sit assecutus, nec facultatis, quae in exprimendis imaginibus, unde vivae, ut Horatius ait, ducantur voces, constat, vim teneat. Lectores ideo Poetas, hac in re verae elegantiae magistros, doctosque naturae imitatores, adeant. Illos excitarunt BROUKH. ad TIBUL. I. 3. 35. BURM: ad LOTICH. T. I. p. 262. J. DE BOSCH (cujus eruditionem verae elegantiae gustu ornatam nunquam sine invidia quadam recorder) *Antwoord op de vraag over de regelen der dichtkunde*, p. 178 sq.

Hanc

Hanc nostram ratiocinationem, quae originem jurisjurandi attingit, si, adductis e prisca historia exemplis, probare vellemus, prius scribendi facultas, quam exemplorum copia deficeret. Quicumque enim Philosophorum more in historicorum scriptis habitat, hoc ad suam utilitatem inde referat, quod, quo magis apud gentem quamcunque divitiae augeantur et in pretio sint, eo magis earum comites luxuriam, inertiam, avaritiam, atque adeo perfidiam invalescere sibi persuadeat. Quantopere homines divitiis onusti a juris et bonae fidei tramite recedant, Hispani docuerunt, qui post Peruviam devictam crudelitati et perfidiae ita se dederunt, ut ipsam quasi barbariem superarint. Conf. ROBBERTZ. *Hist. Amer.* T. III. p. 399. ed. Nova Rotterod. Ao. 1779. (*) Quid?

quod

(*) *Quid immanius? quid atrocius? quam id, quod captis urbibus Nardenia et Antverpia contra datam fidem commiserunt: de Naardenia Vidd. WAGEN. V. H. T. VI. p. 405. sq. WATSON, Hist. Philippi II. T. II. p. 272. CERISIER Tableau de l'Hist. des Prov. Un. T. III. p. 203. de Antverpia vero iidem WAGEN. T. VII. p. 130. CERISIER T. III. p. 301. et WATSON T. III. p. 15. sq.*

quod Resp. Rom. e parva origine, civium integritate, fideque, ad summum gloriae fastigium cum escendisset, tandem aliquando auri cupiditate concidit, cum cives in vitia proni perfidiae perjuriique documenta proferrent: quid inde necessaria consecutione eveniret, quis in historia Romana adeo hospes est, qui nesciat? majores nempe religiosissimi mortalium (tales enim fuisse plus semel testatur GELLIVS *N. A. VII. 18. et XX. I. no. 60.* ne alios excitem) probe scientes, Remp. nulla alia re magis contineri, quam fide, qua, ut egregie DIONYS. HALIC. *Antiq. Rom. II. C. 75.* οὐτε μείζον, οὐτε ἡγετιμὸν παθὸς ἀνθρώποις οὐδέν, illam pro numine habuerunt, eique a Numa Pompilio templum primo, (Vid. DION. HALIC. *l. c.* et LIV. *L. I. C. 21.*) ab Atilio autem Calatino iterum dicatum, a Marco vero Aemilio Scauro renovatum est. Vid. CICER. *de N. D. II. 23* et *de Legg. II. 11.* (*) Sic clarissi-

mos

(*) *Meris nimirum ab Antiquis populis recepti rationem exhibet* CIC. *de Legg. l. l.* ut illa (templa) qui

mos cives Resp. enixa est, quorum in animis assidua Deorum cura infideret, Curium, quem aurum a Samnitibus oblatum repudiantem praedicat CICERO *de Sen.* C. 16. (*) Regulum, cujus tanta magnitudo animi erat et fortitudo, ut suppliciorum metus illum avertere non posset, quo minus hosti datam fidem servaret, et patriae commoda tueretur. Quid Paullum Aemilium, qui ex omni Macedonum gaza nihil domum suam, praeter nominis sempiternam gloriam detulit? Quid denique alios laudem? quorum nomina et facta omnium gentium litteris celebrantur. Quantum autem post devictam Asiam et Carthaginis interitum illa eadem Resp. a Majorum moribus et institutis degenerarit, pudet referre. Utinam hunc fructum ex recordatione earum

re-

qui habeant, Deos ipsos in animis suis collocatos putent. *Sic Romani Menti templum dicarant. Vid. CIC. l. l. conf. OVID. Fast. VI, 241. Sic Pudicitiae Romae erat sacellum a patriciis dicatum, a quo cum Plebejas arcere vellent, a Virginia Volumnio Cos. nupta Pudicitiae Plebejae ara est extructa. Vid. LIV. L. X. C. 23.*

(*) *Dignus igitur ille qui laudetur a poetis. Vid. BENTLEY ad MANIL. ASTRON. L. I. vs. 785.*

rerum, quae ante nos actae sunt, perciperemus, ut fidem, probitatem, et antiquos Majorum mores aemularemur, pecuniae nimiam cupidinem, luxum, perfidiam praesertim angue pejus et cane fugeremus! — sed in viam.

Jam vero quoniam perfidia, per mores depravatos in dies ingravescens, remedio quodam indigere videbatur, quo generi humano perniciosissima restringeretur, nullum efficacius ne fingi aut cogitari quidem potuit, quam illud, quod consistit in jurejurando, quo ad adstringendam fidem nullum vinculum arctius esse potest. Vid. CIC. *de Offic. III.* 31. quo (ut definitionem supra memoratam repetamus) *Deus testis veriloquii et vindex falsoquii invocatur*, atque adeo non judex humanus quis, sed ipsum Numen supremum vindex constituitur, et futurae ac sempiternae poenae metu religio ista confirmatur: sic enim homines ad servandam fidem *eo firmitus adstringuntur metu divini Numinis omniscii et omnipotentis, cujus vindictam per jusjurandum in se*

in-

invocant: ut scripsit PUFFEND. *de O. H. et C. I.*,
II, 2.

Quae cum ita sint, esse autem ita satis evictum esse arbitror, quis mihi non assentiat, statuenti, jurisjurandi usum licitum esse, quamvis hominum perversitati ejus origo sit tribuenda. Nec quis mihi jura succenseat, si multorum sententiae, jurisjurandi usum a Christo esse vetitum statuentium, me non adscribam. Atque jam eo processit disceptatio, ut quaestio, tam acerbe cum inter Patres Ecclesiae, tum inter viros ingenio et eruditionis fama praeclaros agitata, licitum sit secundum praecepta CHRISTI jurare, nec ne, sit pertractanda. Omnis autem haec quaestio ad loci sacri MATTH. V. 33. intelligentiam referatur.

Ab hujus loci interpretatione non parum abfuit, quin opinionum varietas hominumque dissensus me deterret: sed, ut de sermone divino meam sententiam exponam, cum instituti ratio a me exigere videatur, illud, quantum est situm in me, peragam et exequar.

Illud *μη ομνσαι ολως* quasi anſam dedit ſententiæ, quam Patres Eccleſiæ nonnulli protulerunt, ac ſi CHRISTUS omne omnino juſjurandum vetuiſſet. Omnes Patrum S. S. locos excitare, eoſdemque reſellere longum eſt; præterea quo minus id faciamus, obſtat diligentia WALCHII, qui omnes omnino locos in peculiari diſſertatione contulit, quocum conferri meretur honoribus non magis, quam eruditione nobilis WICHERSIUS in diſſertatione Philoſophica morali *de moralitate juxamentorum. Cap. II. p. II.* Non ſolum viri doctiſſimi, quos modo excitavi, ſed etiam alii ſunt, qui ſententias iſtorum, qui juſisjurandi uſum à Chriſto prohibitum exiſtimant, argumentis reſellant idoneis. Vidd. GROTIUS ad hunc Matthæi locum. Idem *J. B. et P. II. 13, 21.* SPENCER. *Legg. Ebraic. Ritual. p. 32.* COCCEJUS *in jure controverſo ad D. Tit. de jurejur.* OTTO ad PUFFEND. *de O. H. et C. I. II, 2.* KOECHERUS *annotat. ad HUGONEM GROTIUM de V. R. C. T. II. p. 198.*

p. 198. (*) alii. Et profecto, si ad rationem Philosophicam rem perpendamus, illos, qui jurisjurandi usum tollant, erroris arguere, non erit difficile. Nimirum, uti omnes gentes erant comparatae, ita Judaei ad jurandum erant proclives (quod vel notum illud, *μητε φάγειν, μητε πίνειν*, Actor. XXIII. 12. evincit) et vero etiam ad fidem dictorum confirmandam formularum multitudine utebantur. Ipsi disciplinae moralis et religionis sacrae magistri his formulis omnem vim negabant, atque nullam exinde obligationem oriri opinabantur. CHRISTUS ergo, pro ea, qua erat, sapientia, bene intelligebat, multum detrimenti ab hoc more in civitatem redundaturum, cum ita juranti nulla fides haberi posset, excipienti, nullam vim tali iurijurando

B 2

ran-

(*) *Etenim mihi quidem verum vidisse non videtur V. C. cum e GROTH verbis l. 1. L. II. §. 16. lex Christi iurejurando extra necessitatem vult abstineri, et ita coli veracitatem in quovis sermone, ut iusjurandum a nobis ne exigatur quidem: et L. IV. §. 12. juramento, quantum fieri potest, abstinendum, conclusit, auctorem eorum partibus fuisse, qui iusjurandum prohibent.*

rando inesse; praeterea non ignorabat, formulas ipsas a rebus defumtas tacite ad Deum referri, atque ita saepenumero perjurium, gravissimum illud crimen, committi. Quid igitur? depravato huic mori frenum velut imponi e re fore visum est, atque adeo JESUS OPT. MAX. omnino has jurisjurandi formulas prohibuit. Quod si observemus cum HEINSIO *Exercitat. p. 27.*, post *ὅλας* punctum delendum esse, non possumus non statuere, CHRISTUM, si re vera legem divinam abrogare voluisset, dicturum fuisse, *ne iurate omnino neque per Deum neque per coelum*, etc. Jam vero, cum illud omiserit, plurimorum Interpretum, praeceptum Christi ad formulas referentium, sententiae, nostram adscribere nulli dubitamus. Et sane, jurisjurandi usum e civitate bene constituta tollere CHRISTUM minime voluisse contendimus. Quomodo enim fieri posset, ut ille, qui de se ipse testatur vs. 17. se non venisse; *καταλυσαι, ἀλλὰ πληρῶσαι τον νομον*, legem Dei (quae *Deut. VI. 13* legitur) et alteram illam,

lam, a se laudatam, ουκ επιορκησεις, αποδωσεις δε το
 κρινον τους οφθαλμους (quod simpliciter, *jurabis per dominum*,
 cum ΚΥΡΚΙΟ in *Observat. sacris T. I. p. 27.* vertere
 non dubito) si dicto suo consentaneam agendi rationem
 institueret, tam facile abrogaret? Atque idem ille, qui
 mentis humanae omnem notitiam erat affecutus, et
 homines ad perfidiam pronos intelligebat, jusjuran-
 dum, quod in civitate auctoritate legum et magistra-
 tus comprobatur, improbaret? Quid? quod ipse ad tem-
 porum rationes se accommodans juravit. Vid. MATT.
 XXVI. 64. Quid PAULLUM Apostolum memorem? (*)
 qui profecto non jurasset, si jusjurandum vetitum no-
 visset. Præterea CHRISTUS *leges ceremoniales* qui-
 dem abrogare poterat, minime vero illas, gentibus o-
 mnibus communes, ab ipso Deo confirmatas, et per
 rectam rationem promulgatas. Etenim recta ratio o-
 mnes homines docuit, si quid desideretur, quod remedio ad-
 hibito comparari possit, remedium illud esse adhibendum.

(*) *Rom. I. 9. Corinb. II. 1. 23. et XI. 35.*

Jam vero, perfidia ingravescente, quòdnam aliud remedium excogitari potuit commodius jurejurando? Sic CHRISTUS (qui minime personam legislatoris civilis sustinebat) doctor moralis homines a temere adhibito jurejurando in sermone quotidiano (namque illum de sermone quotidiano egisse, evincit vocabulum λογος commate 37.) deterret, cum ejusmodi doctoris sit, hominum vitam privatum judicio suo submittere, quae vero ad statum civilem attinet, Magistratibus relinquere. Christum vero semper hanc personam suscepisse, ut evincatur, non longe quaerantur exempla.

Ex lege divina, uti CHRISTUS monet commate 21, capitali poena tenetur ille, qui alterum interemerit. At vero doctor moralis poenam aeternam constituit in illos, qui convicia tantummodo in alterum congererent. Nemo unus sane reperietur, qui id praeceptum hanc in rem datum esse contendat, ut in civitate re vera in calumniatores ex eo animadverteretur. — Similiter JESUS OPT. MAX. adulterium a Deo prohibi-

tum

tum memorat. Quid autem ipse? in intimos hominum animos penetrans vel cogitationem adulterii poenae subjecit, et hanc iterum legem in civitate ferri non posse, vere mihi videor existimare. Quid? quod nullam aliam rationem divortii admittit *παρεκτος λόγου πορνείας*. (*) i. e. non tantum adulterium, uti Belgae venterunt, sed omne illud, quod huic crimini quasi anfam praebeat. Et hoc etiam legislationi civili applicari non posse, contendo, quoniam plures eaeque iustae divortii causae reperiuntur: quare hac in re PAULLUS Apostolus paululum deflexit a CHRISTI monitis. Vid. ad Corinth. I. 7. 10, sq.

Quae cum ita sint, non neminem consentientem mihi me habiturum confido, si, CHRISTUM tantummodo pessimum illum temere jurandi morem castigare in animo habuisse, affirmem. Cum verba, tum res ipsa, in hanc sententiam nos deducunt. Atque adeo ad hanc

B 4

ra-

(*) Bene mihi egisse videtur MICHAELIS, qui non neminis conjecturam, *πορνείας legentis pro πορνείας, impro-
bavit. Vid. Legg. Moiaic. T. II. p. 340.*

rationem Christiana morum disciplina a Graecorum Philosophorum institutis diversa sit, (*) non secus atque ab ultione, adversus male meritos privatis concessa, de qua commate 38. *οφθαλμον αντι οφθαλμον. κ. τ. λ.*, ad quem locum Vid. Cl. LUSACIUS haec scribens:

„ Atque ista forte una parte disciplina morum apud Graecos Philosophos diversa fuit ab ea, quam nos is docuit, cui merito displicebat vetus dictum *οφθαλμον αντι οφθαλμον και οδοντα αντι οδοντα*.” Vid. *Exercitat. Academ. Cap. 8. p. 153.* et conferantur, quae supra diximus.

Sic igitur ad jurisjurandi usum servandum obstringimur, donec felicia ista tempora appareant, quibus homines veritatis amore ducantur adeo, ut nobilibus dicti memores,

Αρεσκεια δ' αριστον ανδρος εν πολει δικαιον πελει.

(vid. STOBÆUS *Serm. 39. p. 241.*) EPAMINONDÆ

(qui CICERONIS iudicio princeps fuit Graeciae

Tusc.

(*) *Formulas enim a Philosophis admissas fuisse, infra docebimus.*

Tusc. Quaest. I. 2.) virtutem imitentur, quem CORN. NEPOS testatur in vita C. 3. adeo veritatem dilexisse, ut ne joco quidem mentiretur; tum ad Xenocratem imitationis curam referant, cui tanta fides habebatur, ut, quo minus juratus testimonium diceret, cum jam ad aras accessisset, una voce omnes judices reclamarent. Vid. laud. *dans le voyage d'Anacharsis en Grece. T. II. p. 281.* Edit. Bipont.; denique barbaros Scythas sequantur, qui in egregia illa oratione ad ALEXANDRUM MAGNUM habita apud CURT. VII. 8, 29. de se ipsi dicunt: *jurando gratiam Scythas sancire ne credideris, colendo fidem jurant. Graecorum ista cautio est, qui pacta* (haec enim BONGARSII emendatio admittenda videtur, Vid. FREINSH. ad h. l.) *consignant et Deos invocant. Nos religionem in ipsa fide novimus: qui non reverentur homines, fallunt Deos.*

§. III.

A jurisjurandi definitione, originisque investigatione, ad divisiones diversaque genera ut progrediamur, instituti ratio ferre videtur.

Jam primum quidem monendum est, jusjurandum esse vel *promissorium* vel *assertorium*, quod iterum sive *voluntarium*, aut *necessarium*, vel denique *judiciale* est.

Promissorio jurejurando, ea, quae paciscimur, vel quae promittimus servaturos nos, addita Numinis supremi invocatione, habita semper temporis futuri ratione, affirmamus. At vero ex jure civili Romanorum ejusmodi religiosa affirmatio, facta inter privatos sine sollemnitate judiciali, nullam vim obligandi fortitur. Vid. VOET. *Comment. ad D. T. I. p. 633.* conf. NOODT. *Oper. T. II. p. 279.* et BARCLAJUS in *Comment. ad D. de jurejur. C. 3. (Thes. Jur. Ott. T. III. p. 616.)* Id autem ne cui fortasse mirum videatur, et a justitia, a qua nullo omnino tempore vacandum est, abhorrens,

(fo-

(solent enim homines saepenumero praejudicatis opinionibus imbuti res, quae sub oculos cadunt, dijudicare, illasque pro ea, quam tuentur, sententia, modo laudare, modo vituperare) ne id igitur fiat, res paulo diligentius investigetur.

Ex juris naturae principiis pacta sunt servanda: quicquid ergo promiseris, id tenendum est. Quod quidem recta ratio omnes mortales docuit, et, cum in fide colenda sita sit magna honestas, in negligenda autem turpitudine, uno et pari consensu sapientes comprobant. Quae quamvis ita sint, fuerunt tamen nonnulli, qui ad juris Rom. normam se conformantes nullum pactum, quod non in contractum abiisset, obligandi vim habere crederent.

Qui hos secutus est, FRANCISCUM CONNANUM

Ictum Gallum refutat GROTIUS *J. B. et P. L. II.*

C. II. init. Illius tamen eruditione minime vulgari praestantis viri patrocinium nonnulli susceperunt, atque illum in ea sententia non fuisse contenderunt. Vid. BARBEY-

RACIUS ad PUFFEND. *J. N. et G. L. HL. C.*

599. Cum autem, an revera ita censuerit CONNANUS, inquirere nihil attineat, id tantum observemus, pacta esse servanda, quod adeo veritati consentaneum est, ut res disputatione non egeat. conf. OTTO ad PUFFEND. *de O. H. et C. I. 9. 3.* At vero jure civili res aliter comparata est, cum ad mores hominum accommodatum illos, non quales esse debent, sed quales sunt, considerat. E contrario autem secundum jus naturae, per rectam rationem a Deo promulgatum, mortales perfecti habeantur, iidemque ratione duce viventes. Quoniam igitur legislatoris civilis est, in perspicientia ejus, quod necessitatis est, sollicite versari, et magnum studium multamque operam conferre in id, quod civibus conducatur, magnam sapientiam et prudentiam in statuendo id, quod in re quaque optimum sit, et in investigando, quo potissimum modo ea, quae vitiosa sunt, tollantur, ponat necesse est. Jam vero cum Romani, homines faciles ad promittendum, ad

exe-

exsequendum autem ea, quae vel jurati promiserant, tardiores esse, perspicerent, et vero etiam inde perjuriam, rixas, caedes denique originem ducere deprehenderent, probe scientes, litium numerum augeri identidem nequaquam esse e re civitatis, vim pactis nudis et iurijurando promissorio ademerunt, atque adeo actionem civibus suis ex tali pacto denegarunt. Vid. PAULUS *Recept. Sentent. L. II. Tit. 14. init.* Itaque cum jusjurandum promissorium majorem vim pacto nudo non habeat, necessaria consecutione, neminem hoc praestito causam suam firmare, efficitur. At hoc non eo valeat velim, ac si nunquam in foro Romano tale jusjurandum adhibitum censeam, cum hoc tantummodo velim significare, jusjurandum promissorium extra judicium factum nullam obligationem fortiri, sicut etiam non confirmat contractus, contra jus civile initos, qui caeteroquin juri naturae non repugnant. Sic v. c. in mutuo, si, quod solvi justo tempore debet, non solvatur, minime usurae exigi possunt, (licet pacto

cto

to nudo sit constitutum, usuras esse solvendas) quia pactum contractui stricti juris adjectum non obligat. Quid? quod pupillus, si contractum ineat cum altero, licet juratus non obligatur, quoniam in jure civili sine auctoritate tutoris interposita nihil agere censetur. Vid. *L. 25. §. 1. D. quando dies legat. et L. 43. D. de Obligat. et Act.* Contra libertus jurejurando officia et operas (de quibus vid. CUYAC. *ad Inst. L. 11. Tit. 9. §. 3.*) patrono si praestandas spondidisset, tenebatur vid. *L. 7. §. 2. D. de Oper. Libert.* — Verum enim vero hac in re jus Canonicum a jure Romano divertere, moneatur, cum omne jusjurandum, nisi quod aeternae salutis obstet, servari velit. Vid. HUBER *Praelect.* ad *D. Tit. de jurejur.* conf. BARCLAJUS ad *D. Titulum eundem C. 3. (Thes. Jur. Ott. T. III. p. 916.)* Romani autem cauti et prudentes, quemadmodum exposuimus, constituisse videntur. Etenim vanum jurisjurandi usum ita sustulerunt, quod, si in minimis negotiis adhiberetur, sanctitatem et vim mora-

lem

Item vix tueretur. Adde, si contractus, qui legibus repugnant, assumpto jurejurando firmentur, facile leges obsoletas jacere, et nullius momenti jus civile et esse et haberi, quod quidem patriarum quoque legum latores cognitum habuerunt et perspectum, cum statuerent, jusjurandum legibus contrarium nullam habiturum obligationem, quemadmodum observat VOET. *Comment.*

ad D. Tit. de jurejur.

De prima jurisjurandi divisione cum breviter, quantum quidem per argumenti gravitatem fieri potuit, a nobis dictum sit, ad alteram transeamus.

Affertorii jurisjurandi partes ita inter se colligatae sunt atque implicatae, ut omnes ad litem dirimendam et ad usum forensem sint comparatae, quamvis in explicanda quaque specie interpretes in contrarias sententias distrahantur. Ipsi Graeci et Latini jam ante nos ea de re differunt, cum hi *necessarium* vocarent, quod illi *judiciale* dicerent. HUBERUS in *Pract. ad D. Tit. de jurejur.* secutus CUJACIUM (a quo di-

versa

versa statuit MERILLIUS, quem iterum satis *acerbe* refellere conatur OSIUS AURELIUS *de Variant. C U-*
JACII Interpret. Dispunct. XVIII.) (Thes. Jur. Occ.
T. III. p. 735.) CUJACIUM ergo secutus *voluntarium*
 esse statuit, quod alteri ab altero, conventione inita,
 sive in judicio, sive extra illud defertur: *Necessarium*
 vero, quod delatam ab adversario jurisjurandi condi-
 tionem in eum transfert: *judiciale* denique, quod,
 jubente iudice, ab una alterave parte praestatur. Ita
 HUBERUS. Rectius, mea quidem sententia, VOETIUS
 (cum quo facit BARCLAJUS loco plus semel lauda-
 to) *voluntarium* vocat illud, quod pars parti defert, vel
 refert extra judicium, sive, ut ait VINNIUS *Select. jur.*
Quaest. L. I. C. 42., ante coeptum judicium sive ante
litem contestatam.

Bene autem hoc *voluntarium* dicitur, cum nullus
 ad jurandum cogatur, et nemo sit, qui iudicis perso-
 nam induere possit. In judicio vero, ubi relatum est
 jusjurandum, praestetur necesse est, cum iudex is sit,
 qui

qui cogere queat. Ergo hoc jusjurandum in iudiciis praestitum *voluntarium* posse nominari, non adducor, ut credam, et potius ad ejusdem VOETII, hoc *judiciale* esse statuentis, sententiam meam adscribo; praeterea *necessarium* illud esse putant, quod iudex auctori vel reo defert. conf. VOETIUS et BARCLAJUS l. l. adde VINNIUM *Select. Jur. Quaest. L. I. C. 42 et 43.*

Hoc loco inprimis erit agendum de jurejurando, quod, sive defertur sive refertur, in iudicio praestari solet. Omnes personae, quae liberam rerum suarum habent administrationem, jusjurandum soli deferre possunt: nam, cum deferendo jurejurando quis cum rem suam, tum jus quasi alienet, et lis omnis a jurejurando, quod praestet ille, cui defertur, pendeat, nemo certe jus suum alienare potest, nisi rerum suarum dominus sit. Ergo patresfamilias, tutores et curatores pro illis, quos tumentur, quorumque bona curae suae sunt commissa, civitatum patroni (victores enim regionum devictarum incolas in fidem recepisse,

illorumque patronos fuisse, nota res est. Vid. *cic. de Offic. I. II.*) ea tamen lege, ut mandato ad id negotium exsequendum sint instructi, recte ita jusjurandum deferunt. Excipiuntur igitur pupilli, quos sine auctoritate tutorum nihil agere posse, supra vidimus; servi etiam, ne in damnum dominorum jurent, prohibentur, cujus rei ratio evidens est, cum, quicquid servus acquireret, domino acquireret, atque adeo, illo non consentiente, nihil acquirere posset, nemini quippe invito rei cujusdam aëquisitio obtrudebatur: atqui deferendo jusjurando in negotiis pecuniariis dominium, si adversarius causa caderet, ad servum perveniret, qui caeteroquin in judicio personam non habebat. Postquam vero peculium sibi constituere servis licitum erat, (quod apud Athenienses obtinuisse, novimus) servi jusjurandum deferebant, si istius peculii liberam haberent administrationem. Vid. *L. 20. D. de jurejur.* Qui delirarent menteque capti essent, in judicio nihil agere potuisse, res ipsa loquitur, atque eandem fuisse prodi-

gorum rationem, qui ne audiendi quidem sunt, docet
L. 35. §. 1. D. de jurejur. Quibus vero deferatur
 jusjurandum, nihil refert, inquit *PAULLUS L. 26. D.*
b. t. cujus sexus aetatisve sint. In quo tamen, quem-
 admodum multis visum est, non sibi assentientem ha-
 buit *ULPIANUM*, qui *L. 34. §. 2. b. t.* scripsit: *Pu-*
pillo non deferatur jusjurandum.

Inventi itaque multi sunt, qui super hac re legisla-
 tores in contrarias sententias discessisse, sibi persuade-
 rent. Facile autem dijudicetur quaestio, si, missis alio-
 rum sententiis, cum *HUBERO* in *Praelect. ad D.*
b. t. observemus, *ULPIANUM* de jure, *PAULLUM*
 vero de facto locutum esse. *PAULLUS* quidem pupil-
 lum jurare volebat, cujus affirmationis ea vis esset, qua
 adversarius causa caderet; at, si nollet, non obstringe-
 bat *L. 38. D. b. t.* qua cautum: *manifestae turpitudi-*
nis et confessionis esse, nolle nec jurare, nec jusjuran-
dum referre. Quare dictum *ULPIANI*, *jusjurandum non*
deferatur pupillo, ita explicat *HUBERUS*, nulla cum

consecutione, nulla vi defertur, quia non necesse est, juret, et ad jusjurandum nullo modo cogi possit. Quod autem attinet ad *Princ. L. 4. de in litem jur. Pupillus si impubes est, jurare non potest*. Hoc tantum apud nonnullos valet, ut, quin ULPIANUS pupillum ad jusjurandum non admiserit, nullo pacto iis dubitari posse videatur. Enimvero jusjurandum in litem ratione causae tutelaris pupillo non permittitur, adeoque non de jurejurando, quod ab adversario volente pupillo defertur, sed de eo, quod adversus invitum praestari solet, agitur. Quin hoc modo contrarium ejus, quod Interpretes voluerant, ex lege elici possit, cum exceptio firmet regulam in casibus non exceptis. Porro observemus, ex eadem lege clarum esse et apertum, tutores invitos ad jusjurandum de facto patris, cujus nullam plane notitiam habent, cogi non posse, conf. Cl. LEY-SERUS *Meditat. ad Pandect. Sp. 136. n. v.* Neque etiam cogitur Procurator vid. *L. 34. §. 3. D. de jurejur.*

Servis quin jusjurandum deferri nequeat, si de ca-

pite

pite aut commodo dominorum agatur, hac potissimum ratione adducimur, ut credamus, quod nullo pacto contra dominos interrogari possint, atque id non tantum in causis pecuniariis obtineat, verum etiam in omnibus aliis, si gravissima adulterii, fraudati census, et majestatis crimina excipias. Vid. *L. I. C. de Quaest. Non.* quam legem difficilioris interpretationis, levi adhibita emendatione, egregie illustravit NOODT. *Probabil. L. IH. C. 5.* Neque solum non interrogari poterant contra dominum, in cujus iusta servitute erant, sed ne contra illum quidem, cui aliquando servierant. Vid. *L. 18. §. 6. D. de quaest. (*)*

C 3

Ve-

(*) Non potuisse ergo adhibitis tormentis in dominos interrogari, res ipsa loquitur. vid. CIC. pro Rege Dejot. Cap. I. More suo illud jus elusit TIBERIUS, qui servos vendi jubebat, dein torqueri, vid. TACIT. Annal. II. 30. in quo tamen AUGUSTUM ducem secutus est, ut ex DIONE CASSIO ad TACITI locum laudatum monet LIPSIUS. Porro CICERO testatur pro MILONE C. 22. de servis nullam quaestionem esse in dominum, nisi de incestu. Quod secus apud Athenienses, ubi Actor quaestionem servorum postulabat. Vid. Voyage d'Anacharsis en Grece. T. II. p. 294. atque ingeniosissime auctor addit. Conçoit-on qu'on exerce une pareille barbarie contre des hommes, dont il ne faudroit pas

Verum enimvero in deferendo jurejurando ita semper, et in omnibus negotiis ratione fervorum constitutum fuisse, cave putes: nam eorum jurijurando religio non denegabatur. *L. 25. ff. de jurejur.* Iccirco servo, delata conditione, in judicio jurante, istud jusjurandum dominum ad exceptionem ducebat. Vid. *L. 23. ff. eod.* Adde jusjurandum dominis ante manumissionem praestari solitum. vid. *L. 44. D. de liberali causa.* Illud servos non civiliter quidem obligabat, sed tamen sua religione eos ita dominis devinctos reddebat, ut patronis post manumissionem rursus jurejurando operas pollicerentur,

Ex

pas tenter la fidélité, s'ils sont attachés à leurs maîtres, et dont le témoignage doit être suspect s'ils ont à s'en plaindre. *Addere potuisset, nihil magis judicis officio esse contrarium, quam quaestionem adhiberi, qua eruatur veritas, si veritatem dicere possim illud, quod, ut doloribus liberentur, miserabiles fateantur. qua inmanitate quid detestabilius fingi aut inveniri potest? recte igitur defunctus SUECIAE Rex, GUSTAVUS Magnus detestabilem illam inmanitatem e foro suo exulari jussit. Vid. CATTEAU Tableau de la Suede, T. I. p. 128. quod recentioribus temporibus multi quoque Principes fecerunt.*

Ex dictis ergo, quale sit illud jusjurandum, quod in judicio deferatur, intellectum puto. Sequitur, ut, quando et quo casu illud praestetur, videamus. Secundum VOETIUM in *Comm. ad D. L. 10. de jurejur.* illa delatio in quacunque causa civili (in criminali vero non, quemadmodum observat LECTIUS in *libro singulari ad AEMIL. MACRUM de Publ. Judic. p. 71. Vid. Thes. Ott. Tom. I.*) obtinet, atque adeo etiam in causis pecuniariis, vid. PAULLI *Recept. Sentent. L. II. Tit. I. §. I.*, quod PLATO Philosophus arguebat, propter exiguam reverentiam erga Deos, qua saepenumero quis adduceretur, ut, lucri spe, si ad se inde commodum perveniret, religionem contemneret: vid. SCHULTING. in *Jurisp. ante Justin. p. 267.* Apud Romanos vero, ubi in judiciis tanta fides existimabatur, ut cum alteri quis ita damnum dedisset, ut in legem AQUILIAM incideret, in duplum convictus condemnaretur, si injuriam a se illatam esse negaret; Vid. §. 26. *Inst. de Action. conf. L. 2. §. 1. et L. 23. §.*

10. *D. ad Leg. Aquil.* apud Romanos ergo, in rebus pecuniariis admitti licebat. Sed haec quidem hactenus. Post jusjurandum ab actore delatum contrarium de calumniâ jusjurandum reo competit. Vid. PAULLI *Recept. Sentent. L. II. Tit. 1. §. 2.* et leges, quas excitat SCHULTINGIUS in *Jurisp. Antejus.* p. 268.

Cum homines adducantur maxime, ut eos justitiae capiat oblivio, in litibus instituendis ita sunt acerbi, ut, omnia maxime suis commodis metientes, nullum in anquirendo lucro, quod cum damno adversarii sibi acquirere sperant, modum teneant. Intempestive itaque ad litigandum accedunt, alios inpudenter in jus vocant, aspere ac contumeliose cum illis agunt, neque, licet petitionem suam inverecundam esse videant, planeque intelligant, facile adduci possunt, ut ab altercationibus inutilibus desistant ac deflectantur. Itaque jam olim pravae huic consuetudini, civitati damnum haud exiguum minanti, medicinam adhibere, legislatoribus e re fore visum est. In id ergo, ut lites con-

tumelia vacarent, mansuetudo et comitas, in pertractandis iis negotiis, de quibus agebatur in iudicio, observarentur, homines denique non tam libidine altercandi et iracundia, quam iustitiae studio ducerentur, quo jus suum consequi possent, multam operam conferebant. Igitur cum apud alias gentes, (*) tum apud Romanos, de calumnia jurari jubetur, *Ne quis alia ratione*, inquit PAULLUS l. 8. §. 5. D. *Qui satisd. cog.*,

C 5

vexan-

(*) *E GRAECIA jusjurandum de calumnia originem traxisse cum JANO A COSTA ad §. I. Instit. de Poena temere litig. observasse, non alienum sit. Ritum in capitulis iudicio observatum apud Athenienses, infra, ubi de Ritibus erit agendum, exponemus: illum exhibuit CL. LUSACIUS Exercitat. Acad. p. 172 sq. Apud ROMANOS vero, quod hic imprimis observetur, Actor et Reus apud Pontificem pecuniam, Sacramentum dictam, deponebant, victor recipiebat, victus autem amittebat. Vid. BRISSONIUS de V. S. voce Sacramentum et GRON. ad PLAUT. Rud. Act. v. Sc. 3. vs. 21. qui ex hoc more apud eundem PLAUTUM l. l. tum meo Pontifex perjurio es, quod alii aliter explicant, ita interpretatur, tibi ne ob id tanquam Pontifici debetur sacramentum. Errat igitur, monente GRONOVIO, RUD. FORNERIUS, cum auctoritate hujus loci, male intellecti, Pontifices de jurejurando cognovisse scribat. Vid. Thes. Jur. Ott. T. II. p. 283. In HOLLANDIA aliisque patriae nostrae regionibus jusjurandum calumniae non est in usu, sed unusquisque, antequam alterum in iudicio accusare velit, curare debet, ut res sua salva sit; vid. HUBER. Hedend. Rechtsgel. p. 773.*

vexandi magis adversarii causa forsitan, cum Romae possit satisfacere, in municipium evocet. Constitutum itaque est jusjurandum calumniae, quo Actor, se non calumniandi animo litem intendere, sed, quia se justam causam tueri existimat, querelas suas ad judicem perferre, sollemniter affirmat, pariter ac Reus, se non, ut Actori negotium faceat, sed ut impetum ejus injustum a se repellat, ei contradicere, atque adeo bona fide se in litigando versari, vel, ut legis verba adscribam, *jurare litigantes volumus, Actores quidem, quia non calumniantes inferant lites: fugientes vero, quia credunt satisfactionem competenter se facere, et non causa contentionis.* vid. *Novella 49. C. 3. conf. VINNIUS in Comment. ad Instit. L. IV. Tit. 16.* a quo tamen non possum non divertere in eo, quod statuat, apud veteres usurpatum jusjurandum calumniae in defuetudinem abiisse, revocatum autem esse a JUSTINIANO, licet ipse Imperator hujus jurisjurandi auctorem se jactet. §. I. *Institut. de Poena temer. litig.* Nimirum jusjurandum, de quo.

quo agimus, jure antiquo cognitum quidem fuit illud et adhibitum, sed tantummodo in iis causis, in quibus hominum animi proni ad rixas et proclives judicarentur. Eodem jure semper praestabatur ab una parte, si judicia mixta excipias, quod non observavit JANUS A COSTA ad §. I. *Instit. de Poena temere litig.* forte quia non diligentius perlegerit *L. 44. §. 4. D. de famil. excisc.* conf. BYNK. *Obs. Jur. Rom. L. VII. C. 9.* et VAN DER LINDEN *Supplem. ad VOETII Comm. Sect. I. p. 77.* Ratio autem, cur judicia mixta excipiantur, non longe est quaerenda: in judiciis mixtis, calumnia ab utraque parte timenda videtur, in aliis plerisque causis ab una parte tantum. Atqui, ubi eadem est ratio, idem sit effectus, ergo cautio ab utraque parte praestetur, cum ab utraque parte periculum immineat. Justinianus vero non revocavit usum jurisjurandi de calumnia, sed illud amplificavit, quoniam ab utraque parte in omnibus omnino litibus adhiberi voluit,

luit, cum antea, ab una modo parte, in quibusdam vero ab utraque obtinuerit.

Enimvero ita constitutum jusjurandum de calumnia homines religionis tanquam freno coercet, ne temere iudicium adeant, et in litigando contumeliose versentur: dignum igitur, quod ad imitationem trahatur, institutum, si modo caveatur, ne in minimis negotiis adhibeatur, praesertim ubi nullus calumniae metus adest, ut egregie observasse mihi videtur LEYSERUS in *Meditat. ad D. Vol. I. Specim. 740.*

Cum aliqua similitudo sit falsos accusatores inter, et illos, qui falso de calumnia jurant, hos lege REMMIA, (*) plane atque illos teneri, ut opinemur, conjectura

du-

(*) Critici dijudicent, utrum REMMIA, an MEMMIA scribendum sit. Illa lege teneri falsos accusatores docet L. I. §. 2. D. ad Sct. TURPILLIANUM. At quam poena illi, qui in istam legem incidant, plebiantur, non constat inter eruditos, et hac de re certum quid statuere, frustra quaeras; poenam vero illam fuisse, qua calumniatorum fronti littera K inureretur, nonnulli ad hanc sententiam verbis adducti CICERONIS in Orat. pro Roscio Amerino C. 20 existimaverunt. Sed meram banc esse conjecturam putat

circimur. Quo quid justius? quid praeclarius? Civitatis quidem bene constitutae multum interest, vitae tum publicae tum privatae censores esse severissimos, qui perditorum civium audaciam contineant: at caveatur necesse est, ne boni impune ab accusatoribus circumveniantur (*).

Si rationem, qua adducti legiflatores jusjurandum de calumnia constituerunt, inquiramus, num inter liberos et parentes, atque patronos inter et liberos ex jure Romano intercedat, est quod dubitemus. Et sane, si ad rationem Philosophicam rem exigamus, quo modo fieri possit, homines, tam arcto necessitudinis et amoris quasi vinculo conjunctos, tantae dementiae dicamne an impietatis fore, ut criminibus falsis in odium et in-

vi-

sat ERNESTUS *V. C.* *Vid.* Clavis Ciceroniana voce REMMIA. — *Caeterum digna est, quae de hac lege legatur commentatio* H. BRENCMANNI, *quam* ERNESTUS *l. l.* *et* VAN DER LINDEN *in* Supplem. ad VOETIUM *Sect. I. p. 78. commendarunt.*

(*) *Laudem meretur sane mos HOTTENTOTTORUM, apud quos accusatores, si accusationem suam probare nequeant, gravi poena afficiuntur. Vid.* D'ORVILLE *Hist. des differ. Peup. du monde T. IV. p. 446.*

quod ante litis contestationem, (*) et illud, quod post eandem contestatam praestatur: **ULPIANUM** intellexisse primum lege 7. §. 3., posterius vero lege 34., atque adeo, antequam deferretur jusjurandum, recte illud de calumnia exigi, nunquam vero ante litis contestationem. Et sane, si rem recte perpendamus, deferentes de calumnia jurare non magis pietati adversatur, quam quod coram Judice rem suam agant. Atque, cum non vivatur cum perfectis hominibus, sed cum iis, qui, non habita personarum ratione, litibus nimis indulgeant, recte **JUSTINIANUS** constituisse videtur,

id

(*) *Etenim ante litis contestationem quoque de calumnia jurabatur. Vid. NOVELLA 49. Cap. 3. Hoc jusjurandum porro a causarum patronis praestari, docet VINNIUS ad Instit. L. IV. Tit. 16. et ad eundem locum observat MARCILIUS, tempore CICERONIS non ita factum fuisse, sed hodie, curia ineunte, ad banc rationem quotannis jurari. In quibusdam tamen causis illos multis locis clientis loco jurare, ex jure Canonico derivavit SANDIUS L. 1. T. 9. Def. 1. — In Urbe GRONINGA jusjurandum calumniae, instrumentis probationis jam productis, non amplius admitti, ex Art. 21. Proc. Ord. voor Burgem. en Raad, in judicio Inferiori, quod dicitur Nedergerecht, ita explicato d. 29 Octob. 1777, colligi posse, mecum amicus quidam nuper admodum communicavit. conf. Nederger. Prothoc. No. 136. d. 1.*

id quod firmat conjecturam **CANNEGIERANAM**, ubi *banc communem*, inquit, *posuimus legem, contra omnem personam modis omnibus hoc nulli concedentes*. Vid. Novella 49. C. 3.

Praestito de calumnia jurejurando, deferitur judiciale ab actore, vel a reo, (si huic onus probationis incumbat) quod ille, cui deferatur, vel praestare, vel referre tenetur. *Manifestae* enim, inquit **PAULUS L. 38. D. de jurejur. turpitudinis est nolle nec jurare, nec jusjurandum referre. Sic heres fiduciarius (ut hoc utar) cum ob fidem, quam in eo defunctus collocaverat, violatam ei deferatur jusjurandum ab herede fideicommissario, illud praestet necesse est, ne recusans ad solutionem cogatur. Vid. §. 12. *Instit. de Fidecom. Hereditat.***

Quemadmodum ille, cui deferatur jusjurandum, jurare tenetur, eodem modo actor, si reus sibi delati jurisjurandi conditionem in eum transferat, juret necesse est. Vidd. Interpretes ad *Tit. D. de jurejur.* Hujus

vero affirmationis religiosae id jus, ea vis est, ut, si lis ob illud decisa sit, nihil amplius quaeri possit, et res in judicatae naturam abeat. *Vid. L. 56. D. de Re judic.* Quin et a sententia, postquam illud praestitum est, nulla appellatio obtineat, et jusjurandum majorem vim habeat, quam res judicata. *Vid. DESIDERIUS HERALDUS de rerum judic. auctor. L. II. C. 21. §. 4. Thes. Jur. Ott. T. II. p. 1261.*

His ita expositis, illud genus jurisjurandi, quod a VOETIO *necessarium*, ab aliis autem *judiciale* dicitur, breviter tractandum est. Est autem illud *suppletorium*, quod *judex etiam non rogatus defert Aitori, qui intentionem semiplene, v. c. per unum testem, probavit ad defectum probationis supplendum: vel purgatorium, quod judex defert reo, contra quem militant praesumptiones probatione semiplena minores, ut praestito hoc jurejurando ab iis sese purget et exoneret.* *Vid. WESTENBERG V. C. Princ. jur. secundum Ord. D. L. XII. Tit. 2. §. 60. et 61. Belgae dicimus de eed tot zijnen*

ontlaftiging, quemadmodum in foro *suppletorium* vocamus *de eed tot versterkinge van zijn aangeven*. Vid. HUBER. *ad D. Tit. de jurejur.* Est itaque *jusjurandum necessarium* secundum VOETIUM illud, quod *ob defectum probationis, seu in causis dubiis, judex partes etiam non presente desert actori vel reo*. Cum CAJUS in l. 31. *D. de jurejur.* non definiverit, quid per *causas dubias* intelligendum sit, interpretum plures dixerunt esse illas, in quibus actor versatur, si non habeat, quo actionem suam satis defendat ac rineatur, atque adeo unius tantum testis testimonium (quod nemo judicum in quacunque causa facile patitur admitti secundum legem 9. *C. de testibus*. conf. L. 20. *D. de Quæst.*) exhibere queat, qualem probationem *semiplenam* dixerunt; si res igitur in eo esset, *jusjurandum* adhibendum esset, inde dictum *suppletorium*.

At vero, quo minus hoc concedamus, facit observatio NOODTII *Opus. T. II. p. 287*. Observat enim

vir magnus, unius hominis testimonium non modo causam dubiam facere, sed plane actorem nihil adjuvare, ob legem 9 Codicis laudatam, qua cum conferri merentur illa, quae NOODTIUS *l. l.* excitavit. Sint igitur ex ejus sententia *causae dubiae*, cum ab utraque parte justa causa esse videatur, adeo ut judex dubius sit et incertus, quinam vel actor vel reus a certamine judiciali victor discedat. Ergo in ejusmodi causis secundum eum judicare, qui juravit, judicis esse, vere mihi dicere videor. At vero inveniuntur multi, qui vehementer dubitent, possitne iusjurandum istud a iudice deferri, putantes, in causis tantum, *inopia probationum* gravatis, jurejurando a iudice delato rem decidi oportere, quemadmodum Imperatores DIOCLETIANUS et MAXIMIANUS rescripserunt in *L. 3. C. de Rebus creditis*. Sed plerique male *inopiam probationum* explicant, cum omnem et qualemcunque inopiam intelligant. Melius erit, si hanc inopiae significationem tribuamus, quam NOODTIUS *Probab. L.*

III. C. 6. §. 3. ubi tanta, inquit, utrimque probationum copia, ut noceat ac turbet: adeo ubi per causa ac ratio, neque valde in alteram inclinans partem.

Eo si res est adducta, quin jusjurandum a judice deferri liceat, nullus dubito, inprimis cum ita salus et existimatio viri boni non pendeat a temere praestito jurejurando, quod judex cavere tenetur. Vid. LEYSER.

Med. ad D. Specim. 137. §. 1. Neque sic jurisjurandi religio reis occasionem facile praebeat fugiendi supplicii, quae opinio RUD. FORNERIUM adduxit ad credendum, jurisjurandi delationem illicitam esse. Vid. *Rer. Quot. L. V. C. 19.* Plura, quae hic congeri possent, pertractavit VINNIUS *Select. jur. Quaest. L. 1. C. 44.*

Jam vero in eo sumus, ut de *jurejurando in litem* agamus: sed cum hoc argumentum longum sit, illud quo minus tractemus, vetant arctiores limites, quibus circumscribimur, neque haber, quod doleat lector, dum latissime patent ea, quae de hoc jurejurando tra-

diderunt et praeceperunt NOODTIUS, VOETIUS et
 HUBERUS ad *D. Tit. de litem jurando*: quibus addi
 possunt breviores observationes, quas exhibuerunt GO-
 THOFREDUS *Animadv. Jur. Civ. C. I. (Thes. Jur.*
Ott. T. III. p. 269.) et LUD. VITALIS *Leſt. Var.*
L. I. Cap. 21. (Thes. Jur. Ott. T. II. p. 651.) ne alios
 excitem.

Et haec quidem de jurisjurandi divisionibus in me-
 dium proferre habebamus: quare hoc argumentum, ad
 finem ita perductum, hoc loco terminaretur, nisi pau-
 ca de *sacramento militari* dicere constituiſſem.

Olim apud Romanos *sacramentum* praestabatur, quod
 tantummodo voluntatis fuiſſe, male PEARCIUS ex
 LIVIO XXII. 38. colligit, Vid. ERNESTUS in cla-
 vi v. *sacramentum*, cum tantum sacramentum volun-
 tarium inter, et legitimam jurisjurandi adactionem Au-
 ctor laudatus diſtinxerit. Si igitur milites ſinguli ju-
 rejurando adigerentur, quo, jūſſu Coſſ. ſe conventu-
 ros, nec injūſſu eorum ſigna relicturos eſſe, promitte-
 rent,

rent, illud proprie *jusjurandum* dicebant; cum vero delectus esset habitus et ducibus obedientiam, patriaeque fidem, aliaque ad disciplinam militarem pertinentia, omnes simul, uno reliquis praeunte, (vid. *FESTUS* in voce *praejuratio*) jurati pollicerentur, illud *sacramentum* antiquitus vocabant. Vidd. Interpretes ad *FRONTIN. Strateg. IV. I, 4.* et praesertim sacramenti formulam exhibens *AULUS GELLIUS N. A. XVI. 4.* Quicumque animo et cogitatione jurisjurandi vim moralem complectitur, is simul, magnae utilitatis magnique ponderis illud *sacramentum* fuisse, multum etiam fiduciae praesidiique in eo positum, observet, et vero reperiat, magni momenti hunc militum jurandi morem fuisse, cum, nisi ita essent obstricti, jure cum hostibus pugnare non potuerint, quemadmodum ex illo, quod de *CATONE* narratur, conficiamus. vid. *CIC. de Offic. I. II.* Quantum etiam praesidii in eo collocarint, et quo jure, vel illud planum faciat, quod saepe totae legiones in illa loca alacres proficiscerentur,

unde se nunquam reversuros esse plane intelligerent, et vero ibi mortem oppetere mallent, quam sanctissimam obligationem prae ignavia dissolvere. Non est autem, quod illas affirmationes, quibus non, nisi capta urbe, aut victoria reportata, quemadmodum plus semel factum novimus, (*) se reversuros esse jurabant, ad sacramenta rite concepta referamus: cum haec temeritatis documenta sint, illa vero tum virtutem militarem corroborarent, tum disciplinae, quae in militia observanda est, mirum in modum profit, et vero etiam succum velut praebeat et alimentum. conf. MONTESQUIEU *Grandeur des Romains et leur decadence* p. 7.

Ad hoc sacramentum igitur cum se accommodarent, in conf. verba jurabant (**) (vid. LIV. II. 32. III.

(*) Vid. FLOR. I. 12, 8. FRONT. *Strat.* I. II. I. CAES. de B. C. III. 37. et LIV. II. 45 et 46.

(**) *Milites inde dicuntur jurati in arma* OVID. *Met.* XIII. 50 *et illa significatio ad alias res transit. sic enim* OVID. *A. A.* I. 687.

Jurabant omnes in laesi verba mariti.

III. 20. et XXII. II.) sive jurando repetebant verba, quae alius sive suo, sive alterius nomine praeiret, et quae fidei Coss. debitae juratam promissionem contineret. Vid. DUKER. ad FLOR. III. 16. 2. Atque ita deinde, perdita libertate, in verba Imperatorum jurarunt, vid. SUET. in OTTONE C. 8. TACIT. Ann. I. 7. et 34. quod cum milites facerent, gladios cervicibus admovebant, diris sese execrationibus devoventes. vid. COEL. RHODIGIN. Lect. Antiq. L. IV. C. 2. p. 168. quemadmodum apud Samnites magna pompa fiebat, cum velut victima miles altaribus admoveretur, cogereturque diro quodam carmine in caput familiamque jurare. vid. LIV. X. 38.

Ut autem militum jurejurando militari adactorum privilegia satis multa erant, nam (ut illud unum exci-

D 5

tem,

Apud eundem in facinus jurare occurrit. Met. I. 242. Atque ad eandem rationem adigere in verba de eo usurpatur, qui alteri jusjurandum defert. TACIT. Hist. IV. 21. GELL. VII. 18, 8. et PARIS apud OVIDIUM Her. Ep. XVI. 319.

- - - - - meque
Adstringam verbis in sacra jura tuis.

tem, cum omnia enumerare longum sit) peculium ca-
strense proprium habebant et ab auctoritate patria di-
versum, vid. *L. 3. C. de castrensi peculio*, ita etiam
contra officium agentes a sacramento solvebantur, at-
que adeo privilegia amittebant. vid. *L. 13, §. 3. D. de
re militari*.

Jam vero instituti ratio postulare videatur, ut de
jure, quod in patria nostra hoc de genere obtineat, non-
nulla in medium proferam. Enimvero, rationibus be-
ne subductis, cum hoc mihi argumentum ab ingenio
magis subacto videatur pertractandum, ne temeritatis
arguar, ad vim jurisjurandi moralem explicandam trans-
eamus.

C A P U T I I

DE VI JURIS JURANDI MORALI.

Hoc capite rei religiosissimæ cum vim et præstantiam, tum officia in ea observanda, a multis jam accurate copioseque disputata, tractaturi, nostras qualescunque observationes, ex fontibus optimorum scriptorum, quoad ejus a me fieri queat, derivatas hauriamus, Latissime sane patere videntur ea, quæ de jurisjurandi vi morali, tum a Ictis, tum a Philosophis tradita et præcepta sunt, cum, si nulla earum rerum, quas agas, officio vacare possit, in re religiosissima, quæ fidem, justitiæ fundamentum, dictorumque adeo et conventorum constantiam et veritatem, invocatione Numinis supremi confirmatam, et asseveratam, complectitur, officia et gravia sint et multa.

Ut ordine quodam disputatio absolvatur, ab eo ordiri

diri constituimus, unde omnes fere argumenti exordium ducunt. Nimirum, cum *nullum vinculum ad adstringendam fidem jurejurando majores arctius esse voluerint*, ut ait CICERO *de Offic. III. 33.* homines et ad jurandum cum reverentia accedant, et, quod jurarunt, religiose observent, necesse est. Vid. PUFFEND. *de O. H. et C. L. I, C. II. §. I.* Haec PUFFENDORFII praecepta tanquam fundamenta omnis rationationis nostrae ponantur, atque adeo omnem de hoc genere disputationem duae partitiones *Reverentia* et *Obligatio* conficiant.

§. I.

Ad reverentiam, quae duplici modo, et *ratione personarum* et *ratione rerum*, considerata est, pertinet illud, quod unusquisque, qui ad jusjurandum accedit, juret per illum Deum, cujus cultus sibi est probatus, eamque formulam adhibeat, religioni suae ac-

com-

DE JUREJURANDO.

62

commodatam, cum Atheum nulla vi jurare res ipsa loquatur.

Ergo, si apud Christianos paganus, vel Judaeus, five denique Muhamedanus in jus vocatur, eique jusjurandum ab actore defertur, formulam more suae gentis esse usurpandam, ratio et ipsa jurisjurandi institutio docent. Vidd. GROTI. *J. B. et P. II. 13. 12.* PUFFEND. *J. N. et G. IV, 2, 4. et de O. H. et C. I. II, 4.*

Et sane, jusjurandum eo animo in foro adhibetur, ut jurans se obligatum poenae divinae profiteatur, si Dei nomen et vindictam falso invocaverit. Jam vero, quo modo fieri queat, quempiam Deum ultorem extimescere, quem ne verum quidem Deum esse agnoverit, unde necessaria consecutione efficias, ita jurantem facile perjurium commisurum, si modo rationibus suis id conducere opinetur; atque si verum est, ut sane est verissimum, hominem ita esse comparatum, ut istius Dei, quem patrem velut reveretur, ultionem metuat,

non

non facile adducatur, ut illam provocet; porro, si
verum est, Deum quem non agnoscit, testem et
vindicem perjurii invocari, planum sit, facillime per-
jurii crimen commissurum. Atque finis affirmatio-
nis religiosae, quae nulla alia esse potest, quam ut
veritas eliciatur, ita tolleretur. Qua, quaeso, ratione
Christianus ageret, si apud Turcas illi iusjurandum
per Muhamedem deferretur, quemadmodum Galliae
Regi Ludovico IX, in pacis conditiones cum Sarace-
nis juraturo, accidisse novimus? Vid. MILLOT *Hist.*
Gall. T. 1. p. 250. Nonne se minime obligatum exi-
stimaret, si perjurii vindicem invocasset hominem mor-
tuum? Sic ergo parum cauti agemus, si homini a re-
ligione Christiana alieno formulam, ad nostram de Deo
cogitandi rationem conceptam, obtrudamus. Cave
tibi persuadeas, Turcam vel paganum, more suo ju-
rantem, Deo quodammodo non obligari, nam, *quam-*
quam sub falsis notis, inquit GROTIUS loco supra
laudato, *generali tamen complexione Numen intuetur,*
ideo-

ideoque Deus verus, si pejeratum sit, in suam injuriam id factum interpretatur. Quid? quod nostra sententia Sacri Codicis auctoritate firmatur. Jacobus enim Saceri Labani jusjurandum per Deos externos factum accepit. Vid. *Genes. XXXI, 53.* Atque cum GROTIUS et BARBEYRACIO, ad PUFFENDORFII locum excitatum, affirmamus, hoc exemplum recte laudari, quia, si *Josuae Cap. XXIV. 2.* intuemur, Tharam et Nahorem exterorum Deorum cultui addictos fuisse, planum erit et apertum.

Est igitur, quod laudemus Divi Pii rescriptum *L. 5. §. 1. D. de jurejur. jurejurando*, inquit, *quod propria superstitione juratum est, standum est.* Cum hoc rescripto quodammodo pugnare videtur *ULPIANUS §. 3. legis ejusdem*, nam jusjurandum *improbatae publice religionis* non admittit. Sed nulla rei inest difficultas, si *BYNKERSHOEKIUM Observat. Jur. Rom. L. VI. C. 2.* secuti per *improbata religionem* intelligamus illam, cujus causa Romae vel lege vel

Se-

Senatusconsulto coire non licuit, qualia erant Bacchanalia. Vid. LIV. *Lib. XXXIX, Cap. 18. sq.*

Quod vero ad Mennonitas attinet, quaeri potest, num illorum affirmatio simplex jurisjurandi vim habeat? Quod quidem affirmare non dubitem, cum, licet nullum jusjurandum praestent, tamen talis affirmatio sacramentum apud illos habeatur, atque ita effectum eundem fortiatur, quem jusjurandum, quod intellexerunt Ordines Frisiae, qui (renuente suprema Curia) Anabaptistis hanc libertatem concesserunt, qua simplici affirmatione uterentur, ea tamen conditione, ut, si falso affirmasse deprehenderentur, in perjurii poenam inciderent, Vid. HUBER. *Prael. ad D. Tit. de jurejurando n. 2.* Sed idem ille talem affirmationem in rebus judicialibus non admittit. Vid. *Hedend. Rechtsgeleertsb. p. 452.* Hollandi etiam formulam Mennonitarum (*by mannen waarheid*) recipiunt. Vid. VOET. *Comment. ad D. Tit. eod. n. 2.* Atque si exempla, quibus sententiae nostrae veritatem evin-

ceremus, ex historia petere vellemus, non longe erunt quaerenda: unum alterumve proferre satis habeamus. Cum anno 1578. Medioburgenses in eo essent, ut Mennonitas jurare cogerent, quo minus id fieret, impedivit Gulielmus primus, atque illos affirmatione sua uti voluit. *Vid. Leven van WILLEM de Iste T. III. p. 727. Conf. WAGEN. Vad. Hist. T. VII. p. 210. et CERISIER Tableau de l'Hist. Gen. des Prov. Un. T. III. p. 359.* Quid? quod anno 1747, cum quisque pro rata portione suam ad *donationem liberalem*, quae dicitur, pecuniam juratus conferret, Mennonitae assueta tantummodo formula usi sunt. *Vid. CERISIER l. l. Tom. X. p. 433.* Atque eadem quoque est Quakerorum ratio, qui nunquam jurant, ne in ipso quidem iudicio. *Vid. VOLTAIRE Melanges de Litterature et de Philosophie Chap. III.* In Anglia Gulielmus Rex illis, ut simplici affirmatione uterentur, concessit. Sed deinde etiam formulam illam, *coram Deo omnipotenti*, rescindere voluerunt, quod, magna cum

Clericorum indignatione confecti sunt. *Vid. MILLOT Hist. Angl. T. II. p. 449.*

Cum reverentiae ratio habenda sit, et requiratur, ut is, qui juret, rei vim moralem plane intelligat, non impuberes ii sint, qui ad jusjurandum admittantur, quare, mea quidem sententia, laudandum est concilium Francofurtanum, ex cujus decretis pessimus ille mos Burgundionum, quo impuberes jurarent, abrogatus est. *Vid. MILLOT Hist. Gall. T. I. p. 91.* Quemadmodum in promissis, sic in affirmatione religiosa usus rationis inprimis illud est, quod requiratur. Nemo facile Deum testem et vindicem invocare poterit, nisi cui se obliget, et, quanta sit rei religiosissimae vis moralis, intelligat, planeque sentiat.

Ergo ii, qui tantae rei non sunt capaces, et rationis non tantum participes, quantum rei tam gravis pondus exigere videtur, a jurerando arceantur, et a summo Imperante terminus constituatur, quo hominibus hujus affirmationis usus sine detrimento concedatur,

tur: quod sane magna difficultate laborat, cum difficilissima sit tantae rei dijudicatio, quoniam saepenumero vis judicii incredibilis pene, et praecox ingenium in nonnullis eluceat, in aliis vero mentis vigorem et facultates, quae animum attingunt, quasi sepultas jacentes et obsoletasprehendas. Dum igitur difficillimum est dijudicare, quando puer uti ratione incipiat, illud (ut GROTII in *J. B. et P. L. II. C. II. §. 5.* verba excitem) *ex quotidianis actibus, aut etiam ex eo, quod communiter in quaque regione accidit, desumendum est.* — Cum judicii defectus ratio sit, cur ad jurandum impuberes non admittantur, furiosos, et mente captos a sacramento itidem arcendos esse, res ipsa loquitur.

Quoslibet vero, qui judicio maturiore sunt praediti, et in eo versantur, ut jurisjurandi vim moralem, et rem, quae ad jurandum proponitur, intellectam habeant et perspectam, jurejurando se posse obligare, nemo facile negabit.

Jam vero inveniuntur multi, qui affirmant, Regis

non esse, dicta sua vel promissiones affirmatione religiosa confirmare, quod quam falsum sit, facile est ad existimandum. Miror sane, PUFFENDORFIUM, virum insigni eruditione clarissimum, in ea sententia fuisse; est vero, quod ignoscamus Gunthero, cum Fredericum Barbarossam ita dicentem fingat:

Juramenta petis? Regem jurare minori

Turpe reor. nudo jus et reverentia verbo

Regis inesse solet, quovis juramine major.

Ignoscamus, inquam, Gunthero, qui ad tempora, quibus vixit, se accommodavit; sed PUFFENDORFIO, qui, pulsa barbarie, cum homines jam ad cognitionis omnium rerum fastigium ascendissent, vixit, hanc sententiam proferenti, vix mihi tempero, quin succenseam. Verba excitasse sufficiat, ut quisque opinionis istius absurditatem intelligat. *Le serment*, inquit, *ne convient gueres aux Princes, sur tout par rapport a leurs inferieurs. Car outre, qu'il n'y a personne, qui ait plus d'interet, qu'eux de faire regarder la foi donnee,*

com -

comme une chose sacrée et inviolable, il est au dessous de leur caractère, et de leur haut rang, de rien faire, qui suppose, qu'on les soupçonne seulement de mensonge, de fraude, ou de perfidie. Vid. J. N. et G. L. IV. C. 2. §. 2. Conf. FELICE Leçons de Droit de la Nature T. II. p. 49.

Si re vera Principes ab omni tempore illi fuissent, qui rebus gestis PUFFENDORFIANAE opinionis veritatem evicissent, esset profecto, quod viri magni iudicium meum quoque facerem, sed, cum contrarium praestiterint plerique, quod nemo unus, qui non praejudicata opinione imbutus gentium annales evol-
verit, (*) facile denegabit, non possum adduci, ut
cre-

(*) *Quis quaeso mortalium perfidior; quam Philippus Macedo? Vid. Justin IX, 8. Conf. VALCKENAR. Orat. de Philippi Maced. indole p. 52. sq. Quis tam fuit in hoc vitio excellens, quam Ferdinandus Catholicus? qui a Gallis nax ἐχθρον perfidus dictus est. Vid. MILLOT Hist. Gall T. II. p. 49. Perfidiae ejus exempla enumerat ROBBERTZ. Hist. Amer. T. I. p. 254. et Hist. Caroli V. T. III. p. 12. coll. p. 23. Atque idem Auctor gravissimus Caroli Quinti perfidiae documentum exhibet. T. V. p. 293. Plura exci-
tare supervacaneum sit.*

credam, solos principes, jurisjurandi vinculo non esse adstringendos; inprimis, cum, ut supra monitum est, is sit jurisjurandi finis, ut tanquam frenum perfidiam coerceat, atque, si ea est indoles humani generis, ut homo hominem decipere studeat, necesse sit, secundum eandem indolem omnes vinculo communi esse constrictos. Inde ea ducatur consecutio, quod, cum principes ejusdem pravitatis moralis participes sint (quod praecipue contra Hobbesium affirmamus, qui *Cap. 15. de Cive*, omne illud, quod princeps agit, rectum dixit) imo vero, quo pluribus honoribus et divitiis affluant, eo magis cupiditatis, quae infinita est et insatiabilis, illecebris pelliciantur, ut, sprete fide, plura adipiscantur. Cum igitur pravitatis moralis et humanae inbecillitatis communionem cum reliquis hominibus habeant, uno contineantur cum illis eodemque vinculo.

Quod ad alteram argumenti PUFFENDORFII partem attinet, qua in Reges perfidiae et fraudis men-

da-

dacique suspicionem ne cadere quidem posse contendit, ut hoc eo valeat, nihil agant, quod talem suspicionem moveat. Fatemur suspicionem contra Principes non leviter et temere esse fovendam, sed cum experientia docuerit, non omnes homines perfidos esse, illosque tamen jurisjurandi vinculo uno contineri omnes, in eadem causa morali nullam differentiam Principem inter et civem admittendam esse censemus. Atqui, si valet omnis antecedens ratiocinatio, alterum argumentum PUFFENDORFII nihil habet, quo se tueatur; verum autem primum, verum igitur et extremum.

Cum omnia ratione animoque contempleris, affirmationum nulla est gravior, nulla sanctior, quam quae in jurejurando consistit. Quicumque igitur ad jurandum se accingit, animo deliberato ad illud accedat.

Vid. GROT. J. B. et P. L. II. C. 13. §. 2. PUFFEND. J. N. et G. IV, 2, 5. O. H. et C. I, II, 5. Atque ita homo rationis compos in eo proposito

dom accedunt, perjuros arbitretur? atque ita, quoniam omne illud, quod a jurisjurandi vi morali profiscitur, hanc habet viam, quae deducat ad veritatis affirmationem, invocatione Numinis supremi confirmatam, quisque *reservationes* illas, (quae dicuntur) *mentales* fugiat et averfetur.

Reservatio mentalis igitur (ut ad illas tranſeam) nobis videtur quaedam jurisjurandi, a mente ejus, cui juratur, aliena interpretatio. Quod ſi animo et cogitatione complectemur, nihil, quod magis fidei adverſetur, magisque animo bene conſtituto indignius ſit, et rei graviffimae ſanctitatem magis violet, fingi aut cogitare poſſe reperiemus. Etenim ſi in jurejurando aliud in ore promptum, aliud clauſum iu pectore gerimus, omnem vim, quae in eo obſervanda eſt, tollimus. Ne dicam, illos, qui *reservationes* adhibent, loquela, Dei munere conceſſa, abuti, cum non iccirco nobis data ſit, ut mendaciis dolos aliis ſtruamus, et ficto ore contraria dicamus iis, quae ſentiamus.

Quae

Quae cum ita se habeant, jam agamus, ut Lojolistarum opinionem refutemus. Putant nempe, juranti in judicio diversam a deferentis vel interrogantis judicis sententiam proferre licitum esse, et verba sua ita accommodare, ut menti suae convenienter jurari, deferens sibi persuadeat, (*Vid. OTTO ad PUFFEND. O. H. et C. I. II, 9.*) atque adeo ultra animi propositum neminem obligari; in qua quidem opinionis levitate Lojolistis plures consentientes reperiatis. Verum enim vero, cum in jurejurando verba ita sint concepta, ut, per enunciationem eorum, animi sententiam dictis consentaneam habere censeamur, religionis vinculo adstringimur, ad actiones nostras ita componendas, ut non pejerasse videamur. Homines enim non ii sunt, qui intimos animi recessus perscrutentur, quod solius est Dei, qui pro ea, qua est sapientia, hanc ob causam hominibus concessit, ut signis quibusdam animi actiones internas significarent. Nihil ergo est, quod magis Numinis supremi voluntati contrarium sit, quam
fal-

falsis, ut ita dicam, symbolis ipsam internam actionem obtegere. Praeterea, si nullam vim obligandi verba sollemniter enunciata haberent, si signis externis, quibus cum aliis hominibus nostram mentem cogitationemque communicemus, nulla religio inesset, quo tandem pacto societas humana contineretur, cujus natura, ut recte GROTIUS *J. B. et P. II*, 4, 3. *non patitur*, inquit, *ut actibus animi sufficienter indicatis nulla sit efficacia*. Quae si recte perpendamus, nulli dubitabimus, quin ii, qui reservationes mentales adhibeant, Deo debitam reverentiam negligant, cum, qui alterum dolo circumveniunt, actionesque internas sub specie jurisjurandi occultant, agant id, quo nihil magis officio possit esse contrarium, nam religionem contemnunt, et amorem, cujus vinculo caeteris hominibus sunt quasi alligati, violant.

Cum ita reservationes illae tantopere perfectioni naturali officiant, est sane, quod, memoria omnis aevi replicata, hanc perfidiam fuisse omnium fere tempo-

rum

rum, doleamus (*). Ipsos Romanos, qui initio Reip: fidei erant observantissimi, non semel in hoc vitium incidisse, observavit MONTESQUIEU. *de la Grandeur des Rom.* &c. pag: 69. Antiquae probitatis exemplum praebeat LIVIUS III, 20. Scilicet cum Tribuni Pl. more suo, delectus militum quo minus haberetur, impedire conarentur, causa interposita, Quintium eo tempore, quo milites in verba juraverant, hominem privatum fuisse, et sub hac specie cives religione sol-

ve-

(*) *Exempla* *banc in rem de Theodoberto Austrasiae Rege, de Flamingis aliisque dedit MILLOT Hist. Gall. T. I. p. 30. l. I. p. 334. et Hist. Angl. T. II. p. 337.. Auctoris gravissimi verba digna sunt, quae hic a me excitentur.* Un pareil serment, *inquit*, ne pouvoit, qu'inspirer la defiance, et sembloit ouvrir la porte au parjure, il en resulta un mepris general pour les sermens, dont l'usage cesse d'être utile, et devient souvent pernicieux, l'orsque la conscience admet les restrictions, qui favorisent la fausseté. *Sic majores nostri Jacobi II. legato dicebant, se animum bellandi cum Rege Populoque non habere: cum Regi re vera, non autem populo bellum inferre decrevissent.* Vid. CERISIER T. VIII. p. 253. *Quid Turcas memorem, qui jurejurando se non obstrictos arbitrantur, nisi ipsorum lingua verba affirmationis sint concepta.* Vid. BARBEYRAC. ad PUFFEND. J. N. et G. L. III. C. 6. §. 16. *De Pontificum Romanorum reservatione addatur.* ROBERTS. Hist. Cur. V. T. III p. 246.

verent, universus Populus Rom. sacramentum ratum esse decrevit. *Nondum*, enim ut egregie addit LIVIUS, *haec, quae nunc tenet seculum, negligentia Deum venerat; nec interpretando sibi quisque iusjurandum ei leges optas faciebat, sed suos potius mores ad ea accommodabat.*

Itidem in foedere omnes exceptiones, quae hanc ob causam sunt oppositae, ut rumperetur sub specie quadam iustitiae, cum reservationibus convenire, mihi vere dicere videor. Carthaginenses, (ut hoc utar) cum bellum eos inter et Romanos jam in eo esset, ut exardesceret, (*) Saguntum jure ab Annibale oppugnari contendebant, quia, cum foedus (quo utriusque populi focii caveretur) componebatur, Saguntini nondum erant focii Romanorum; quasi vero additum fuisset, rationem tantum habendam eorum, qui tunc focii essent, nec novos focios assumendos esse, eosque in fidem receptos non defendendos; haec ita
cum

(*) LIV. XXI, 18, et 19.

cum Carthagenienses contenderent, illorum causa erat iniquissima, et Punicam fidem prodebat.

Porro aliud est reservationum genus, quo latebra quaeratur fraudi et perjurio, quique illo utitur, merito versutus et fallax et sit et habeatur. *Testificationes*, cum inter duos foedus contrahitur, clam et infcio altero, at tamen sollemniter factas, me velle, nemo non videt. Ejus profecto sunt naturae, ut minime ex bona fide proficisci, sed potius foederum religionem et sanctitatem penitus tollere videantur. Etenim, si ita in jurejurando progrediare, tollatur potius omnis rei sanctissimae usus, ut inanis conceptio verborum, inutilis vindictae divinae provocatio. Nullam vero *testificationes* illas, quod monendum est ob exemplorum copiam (*), qua historia abundat, vim habere, nul-

lo-

(*) *Notissimae sunt ejusmodi testificationes, Montfortii Ducis Britanniae, vid. MILLOT Hist. Gall. T. I. p. 386. HENRICI II. contra foedus Crepiaci factum, vid. MEZERAY Hist. Gall. Part. II. p. 631. Charlottae denique Bourboniae, vid. Het Leven van WILLEM de 1^e T. II. p. 565. ut alia, quae hic congeri possint magno numero, praetermittamus.*

loque jure sustineri, nemo facile negabit. Quis enim Franciscum Primum, si *testificatione* fatis nota sibi a foederis servandi necessitate liberatus videretur, non perjurum diceret, si non ab alia parte excusari posset. Conf. *Van WESELE SCHOLTEN* Vir Ampl., idemque mihi amicissimus, in egregia illa *de foedere Madritano* dissertatione juridica, in qua eruditionis verae accurataeque virum agnoscas, *Cap. II. §. 3.*

Non solum *ratione personarum*, ut jam demonstravimus, verum etiam *ratione rerum*, de quibus juretur, reverentia observanda esse videtur. Nam, cum in omni vita rectissime praecipiat, ne res, quae sanctitate quadam sunt munitae, temere adhibeantur, sic jurisjurandi usum in minimis negotiis fugiamus, maximeque curemus, ut Numen supremum, quod invocamus, et vereamur et diligamus. Pleni sunt Philosophorum libri, plenae sapientium voces, quae a temere jurando mortales arceant; et recte praecipere videntur, qui monent, in pecuniola aut re minoris momenti, omne
jus-

jusjurandum esse fugiendum. Dignae sane sunt, quae legantur, ipsorum virorum excellentium sententiae; sed quo minus illas excitemus, facit diligentia HUGONIS GROTII, qui plerasque laudavit ad Matth. Cap. V. vs. 33. Et profecto, si omnes homines dicti Philonis memores semper fuissent, *εκ πολλοῦ καὶ ψευδοῦς* nasci, non tot temeritatis in eo genere exempla reperirentur tamque insignia. Bene igitur Pythia Lacedaemoniis praecipiebat, melius fore, si ita actiones suas ad iustitiae et fidei normam exigerent, ut jurisjurandi medicina non indigerent. Ita Herculi honori fuisse, quod semel duntaxat in vita jurasset, observat PLUTARCHUS *Quaest. Rom.* 28. Sed, cum mores adeo sint corrupti, ut saepenumero jusjurandum, tanquam perfidiae humanae remedium, adhibeatur, necesse sit, interdum cavendum est, ne temere ad illud accedamus, et judicis imprimis est curare, ne in judicio, ubi de commodo suo agitur, facile quis ad jurandum admittatur.

Praeclarum est, et dignum, quod ubivis recipiatur, illud, quod praecepit Imperatrix Russiae, *C'est ôter toute la force au serment, que de le rendre trop commun. On ne doit jamais admettre personne à prêter serment, que dans le cas où celui, qui jure n'y trouve aucun avantage pour lui même, et n'en procure aucun ni au juge ni au témoin. Vid. MILLOT Hist. Angl. T. II. p. 450.* Magna sit admiratio hujus legis, quam qui admirantur, et ad ejus praeceptum se accommodant, intelligere etiam et sapere plus quam ceteros arbitramur. Nam quicumque iudex, cum de aere alieno, de numeranda pecunia agatur, statim indulget, ut ad iusjurandum concurratur, facit id, quo nihil magis rei gravissimae sanctitatem evertens reperiri possit, et nihil habet, quod respondeat dicto Laberii: *Quid est iusjurandum? Emplastrum aeris alieni. Vid. AUL. GELL. N. A. XVI, 7. conf. MARCI LII Interpr. Legg. XII. Tabb. (Thes. Jur. T. IV. p. 292.)*

Cum

Cum miseros mortales saepe numero capiat oblivio, Deum immortalem sparsisse animos in corpora humana, ut essent, qui vitae modo atque constantia imitarentur imaginem, quam illorum, qui ad rectae rationis normam se ipsi componunt, animis expressit: cum ejus igitur veritatis nos capiat oblivio, non est, quod miremur, humanum genus, communes utilitates in medium conferendi, arctaque homines inter se societate devinciendi, officiis vacasse. Equidem illud etiam animadverto, mortales non modo in vicia ruisse praecipites, verum etiam, divina et humana miscentes, rerum illicitarum modum non tenuisse. Quod quantum divinae voluntati contrarium sit, quam inde dignum homine, nemo unus est, qui non intelligat planeque sentiat. Idcirco sic mihi persuasi, delictis magnum cumulum accedere, si eo usque quis progrediatur, ut de rebus illicitis Numen supremum testem invocet, et vindicem, si ea peragat, quas ejus voluntati adversentur et perfectioni naturali offi-

ciant. Quicumque ergo temeritati suae ita indulget, peccat in eo, quod vel temere vel illicite jurat.

Temere jurant, qui temporum rationes non observant, neque animo et cogitatione tales illorum mutationes complectuntur, quibus vel in perjurium incidunt, aut quid facere vel pati, quod contra bonos mores est, cogantur. Atque ita ille Eques Rom. temere egit, qui se nunquam uxorem repudiaturum jurabat, et tamen illam, in stupro deprehensam, rejecit, gratia jurisjurandi ab Imperatore facta scilicet! *Vid. Suet in Tiber. Cap. 35.* Quam temere egerunt Lacones, qui gravissima execratione se obstrinxerant, non prius, quam Messenas expugnassent, se reversuros. Quid vero? Obsidio per decem annos tracta expectationem fefellit, quam ob rem, ne perjurium committerent, promiscuum uxorum concubitus permiserunt. *Vid. Justin. III, 4.* Quid autem inde profluxerit, misera Partheniarum conditio satis evicit.

Neque etiam Jephtha temeritatis excusari potest, qui,
quid-

quidquid sibi obvium foret, Deo se immolaturum spondit. *Vid. Judic. Cap. XI, vs. 32. sq. conf.*

JOSEPH. *Antiq. Judaic. II, 9.*

In id igitur omni cura et cogitatione incumbamus, ut, antequam ad jurandum progredimur, rem ipsam velut materiam nobis ita subjectam habeamus, ut in temeritatem istam, cujus consecutionem modo videbamus, non incidamus. Nam pessimum illum nonnullorum morem, quo per ludibrium jusjurandum praestant, ne attingo quidem. Notum est, quod de HELIOGOBALI convivis narrat LAMPRID. in *Helio-
gob. C. 30. conf. SCRIP. HIST. ROM. VET. T. II, p. 343.*

Illicite vero jurant illi, qui rem quamcunque, quae officio boni viri, praeceptis juris Naturae, et legibus civitatis, verbo, quae perfectioni naturali obstat, jusjurando affirmant. Nam affirmatione religiosa, cum Deo teste promittamus, nos rem quampiam facturos, res ea sic sit comparata, ut termini habiles, qui di-

cuntur, non desiderantur. Quomodo enim hostium esse potest, aliquem ea esse impudentia, ne dicam impietate, ut Deum delicti testem invocare, et, si contra ejus praecepta agat, vindicem exposcere audeat? Ratiocinationem nostram exemplis firmemus. Impium erat illud jusjurandum, quod, Amphictionum jussu, in Graecia ab omnibus erat praestandum, atque ita erat conceptum, ut nemo, incolarum Cyrrae (qui sacrilégii rei erant) fertiles agros coleret. Vid. *Voyage d'Anacharsis en Grece* T. III. p. 68. Jam vero, cum fertilitas agrorum hanc ob causam mortalibus concessa sit, ut illos colant, et habeant, unde cibum sibi comparent, nemini jus est, se jusjurando obstringendi, quo tanto muneri rehunciet. — Porro, cum mortales amoris et necessitatis inter se vinculis sint conjuncti, impius sit, qui tam acres gerit inimicitias, ut jusjurando illas confirmet. Qualis Amilcar, qui filium Annibalem puerum adhaerens jurare jussit, nunquam se in amicitia cum Romanis fore: Vid. CORN.

N E P. in *Annib. C. 2.* conf. BARBEYRAC et PUF-
FEND. *J. N. et G. L. IV. C. 2. §. 9.* Atque uti-
nam WITTIUS, simili obligatione obstrictus, fidem
Annibalis non ad imitationem traxisset. Vid. CERISIER
Tableau de l'Hist. des Prov. Un. T. VI. p. 428. —

Cum omnia, quae promittimus, ejus naturae esse de-
beant, ut promissionis sint capacia, nulla virgo Vesta-
lium more virginitatem perpetuam jurare potest, cum
ita Naturae leges violet. (*) Quod si nihil est tam
contra naturam, quam procreationis neglectus, (ea
enim, quae voluntati divinae convenientia sunt, na-
tura requirit, aspernaturque contraria) nihilque tam
secundum naturam, quam liberis operam dare, certe
virginitatis vel coelibatus (qualis est Monachorum, et
contra quam egregie disputat RAYNAL *Hist. Philos.*

Polit.

(*) Minime itaque excusandi sunt Romani, qui Vesta-
les, postquam a Pontifice Maximo captae erant, (de
quo ritu nonnulla monet SCHULTING in *Juresp. An-
tejustin. p. 593.*) si forte naturae legibus obtempera-
rent, vivas sub terram defodiebant. Vid. LIVIUS
XXII, 57. conf. *Vill. 15.*

Polit. Sc. T. I. p. 161.) promissio, etiam si jurata, illicita est.

Verum enim vero, cum reverentia Numini supremo debita, et certe omni pondere gravior habenda quam reliqua omnia, jusjurandum de re illicita arceat, nullam profecto vim in eo consistere necesse est. Nec me solum, ut ita crederem, nobilitas (ut idoneo loco ostendam) summorum virorum et auctoritas, sed etiam ipsa ratio impulit.

§. II.

Cum reverentiam, quae in jurejurando observanda est, tum ratione personarum, tum ratione rerum consideraverimus, restat, ut latissimum, qui se aperit, disferendi campum ingrediamur, cum de *obligatione* dicendum sit.

Quicumque animo et cogitatione se converterit ad illa, quae diximus, superiore disputatione mihi maxime propositum fuisse, -ut ex ratione vim jurisjurandi

moralem demonstrarem, facile colligit. Cum jam obligationem tractemus, memoria replicanda sunt illa, quae supra a nobis in medium prolata sunt. Nimirum, affirmationem religiosam simul etiam provocationem vindictae divinae continere, tum ejusdem hanc esse vim, ut, nisi perfectae aetatis homo, ad illud sacramentum admittendus fit, porro, neque illud saepenumero, et in quovis negotio praestandum, omnem denique et qualemcunque reservationem omittendam esse, habita reverentiae Deo debitae ratione; haec igitur (quantum ab ingenii tenuitate postulari potest) demonstravimus. Quae si mente contemplemur, facillime profecto, rei sanctissimae obligationem et efficaciam non exiguam, imo vero gravissimam esse, intelligemus. Primum omnium quidem de quaestione, quae naturam obligationis attingit, aliquid dicendum est. In qua consideranda animos virorum eruditorum in contrarias sententias distrahi comperimus, cum nonnulli novam e jurejurando obligationem, alii contra novo tantum vinculo adstructam ori-

ri contendant. GROTIUS *de J. B. et P. L. II. C. 13.*
 §. 6. duplicem obligationem flagit, alteram, qua jusjurandum ad hominem, alteram vero, qua ad Deum referatur. Sed a viri immortalis sententia diversam sequi mihi liceat, cum rationes eaeque satis graves adsint, quae duplicem illam obligationem, quo minus admittam, me impedian. Jam primum omnium observandum est, hujus doctrinae commendationem, calidius admodum instituto, a Pontificibus esse factam. Nam, cum sibi juris divini vindicationem arrogarent, eorum intererat, jurantes Deo peculiariter obligari, atque adeo hanc opinionem quam maxime commendarent, ut ita omnes, qui jurarent, eorum voluntati se accommodarent. Vid. Ampl. WICHERS *in laud. dissertat. p. 53.* Quod igitur ad sententiam Grotianam attinet, nequaquam vir incomparabilis votum inter et jusjurandum, duas profecto res natura maxime diversas, distinguere videtur.

Quod si jurisjurandi haec vis atque natura sit, ut

no.

DE JURE JURANDO

91

novam obligationem pariat, per illud Deo aliquid quasi promittatur, necesse est.

Sed quo tamen modo hoc defendi possit, non facile dixerim. Nam, si ejusmodi sit jusjurandum, ut aliquid alteri ab altero promittatur, quod perfectioni naturali officiat, quo tandem pacto tale quid jure promitti possit, atque adeo jurans Deo obligetur, me ignorare profiteor.

Accedit, quod jurejurando promissorio nulla vis infit, si illa, quae promiseris, alter a te praestari nolit, atque adeo inanis sit promissio jurata. Quo modo igitur juratus et Deo quidem peculiariter obstrictus promissa exsolvat? ignoranti mihi Grotianae sententiae fautores succurrant. Primum omnium itaque teneamus, jusjurandum accessorium quoddam esse vinculum, quod obligationem confirmet, minime vero petere propriam pariat officii necessitatem. Jam vero, cum accessorium sit rei principalis, sequitur, ut peculiarem et a rei principalis obligatione diversam producere nequeat.

queat. Sed, quemadmodum diximus, additur tantum negotiis, ut, reverentia erga Deum, divinaeque vindictae metu, hominum animi ad servandam fidem commoveantur.

Caeterum facile fit plura contra GROTIUM proferre, sed ex dictis quale fit de quaestione iudicium, satis intellectum puto; qui plura cupiunt, adeant BARBEYRACIUM *ad PUFFEND. J. N. et G. L. IV, C. 2. §. 6. et Impp. ad Librum de O. H. et C. L. I. C. II. §. 6. conf. FELICE Leçons de Droit de la Nature T. I. p. 43.* Nos jam reliqua perfequamur.

Certum habeatur juranti obligationem incumbere, quaecunque jurarit, sanctissime servandi, quin ea vis jurisjurandi sit, ut iis, quibus amicitiae vinculo devincimur, contra jusjurandum quicquam a nobis contendentibus, non obsequamur, quod sane amici causa nemo vir bonus faciat, neque ullo modo patiatur, se adduci ad id, quod contra officium est. Conf. CICE-RO *de Offic. L. III. C. 10. et de Amicit. C. II.* Prae-

terea

terea cum, si aliquid, Deo teste adhibito, affirmetur, nulla alia re magis adducantur homines ad credendum, quam si talem religionem adesse noverint, nihil tam amori, quo homo homini conjungitur, repugnet, quam alterum sub specie affirmationis religiosae decipere, quo nihil magis ab officio hominis probi remotum esse arbitror. — Atque cum ita simus comparati, ut semper salutis nostrae rationem habeamus, nihil magis contra officium sit, quam, cum vindictam divinam, ac poenam gravissimam eamque sempiternam, provocaris, si dictis non constares, religionis vinculum contemnere.

Quae cum ita se habeant, sic mihi persuasi, obligationem, quae a jurejurando proficiscitur, esse perpetuam, nullaque ratione virum bonum esse adducendum, ad fidem fallendam, semperque et in omni causa memoria esse repetendum, Numen supremum perfidiae poenas exposcere. Verum enim vero, cum animum ad vitae humanae rationem conferas, quam pauci inveni-

en-

entur, qui cum Socrate comparare possint. Socrates enim, cum populus mortem posceret illorum Imperatorum, qui in pugna navali ad Arginusas civium interfectorum cadavera, vento impediti, non fustulerant, solus de Senatu Quingentorum, licet plebs undique fremeret, *οταν βουλευτικον* fervavit. Nam, ut XENOPHONTIS verba in medium proferam, *περι πλειονος σπουησας ευομαι, η χαρισασθαι τω δημω παρα το δικαιον*. Vid. *Memor. L. I. C. I. §. 18*. Dignum quoque est, quod legatur, illud, quod de JOANNE PRIMO, Galliae Rege, narrant MEZERAY *Hist. Gall. T. III. p. 66.* et MILLOT *Hist. Angl. T. I. p. 258.* conf. *Hist. Gall. T. I. p. 361.*

Quantopere esset exoptandum, ut omnes homines ad hanc normam se exigerent, neque per quamvis speciem ad perfidiam proni deprehenderentur. Quales quidem mihi esse videntur, qui nomine *absolutionis*, quae dicitur, *Papalis* dictis suis non constant, et disertis promissis, eisque jurejurando confirmatis, prop-

terea

terea fidem non habent, quod Pontifex Romanus eorum affirmationis religionem solverit. Atque hic locus me admonet, ut nobilissima quaestio a me dijudicetur, quae titulo illud jus sibi Papae vindicaverint, de quo antequam disceptare incipiam, pauca de ipsis Pontificibus, eorumque imperio monenda videntur.

Quicumque mentis humanae notitiam e rebus, quocumque tempore gestis, est affecutus, facillime agnoscet, a mundi inde primordiis ad nostra usque tempora superstitioni hominum animos maxime fuisse deditos, auctoritatemque illam Papalem insanac matris superstitionis filiam esse insanam. Primis post CHRISTUM temporibus exiguum admodum Paparum erat imperium, neque ulla fere differentia illos inter et reliquos Episcopos. *Vid. ROBERTZ. Hist. Car. V. T. I. p. 160.* Deinceps vero, cum hominum animi ad superstitionem magis magisque prolaberentur, paulatim illa potestas crevit, donec ad illa tempora, quibus ad summum fastigium escendit, perventum est. Quemadmodum

dum illi, qui summum imperium appetunt, non statim se quibuscunque negotiis immiscunt, sed a nonnullarum rerum cura, suis commodis maxime inservientium, exordium ducunt, ut ita paulatim ad illa, quae in Rep. summa sunt, tandem aliquando perveniant: sic Pontifices res, quae ad religionem pertinent, auctoritati suae subicere, et deinceps quavis ratione Principum et populorum negotiis se immiscere coeperunt, donec eo usque progressi sunt, ut hominibus persuaderent, se conditione esse humana majores, mortalium inbecillitatis minime participes (quod de se ipse jactabat Papa GREGORIUS. *Vid. MILLOT Hist. Mod. T. I. p. 242.*) auctoritatemque illam divinae esse originis, de qua arrogatione Lutherum inter et Eccium, duos praestantissimos viros, pari utrumque eruditione, magnae fuerunt controversiae, Lipsiae Ao. 1520 publice agitatae: Vid. ROBERTZ. *Hist. Car. V. T. III. p. 204.* Et profecto, pro temporum ruditate, qualemcunque opinionem hominum animis inculcare non erat difficile.

Quae

Quae igitur cum tanta fuerit de Pontificibus opinio, non est, quod magnopere miremur, illos pro lubitu quaecunque egisse, quae modo e re sua esse crederent. Atque inde repetatur prava Reges imperio privandi consuetudo, (*) eorumque regna pro arbitrio concedendi arrogatio, (**) populorum barbaries,

G

qua

(*) Ita HENRICUS IV. Imperator. Vid. MILLOT *Hist. Mod. T. I. p. 237.* Eodem modo INNOCENTIUS III. regnum Angliae Regi JOANNI ademit, eundemque in fidem receptum restituit. Vid. MILLOT *Hist. Gall. T. I. p. 221. et Hist. Angl. T. I. p. 163.*

(**) Ab hac opinione mos repetatur, quo Imperatores, tanquam Pontificum benignitate regnum capefferent, ab illis sollemniter corona ornabantur, de qua sollemnitate vid. D'ORVILLE *Hist. des differ. Peup. T. VI. p. 460.* CAROLUS quidem CALVUS tanquam donum Imperium a Papa accepit. Vidd. MEZERAY *Hist. Gall. T. I. p. 346.* et MILLOT *Hist. Gall. T. I. p. 130.* Sic CAROLUS MAGNUS, patrem PIPINUM imitatus, hanc sollemnitatem passus est, Vid. MIZERAY *Hist. Gall. T. I. p. 249,* cum pro temporum ruditate nullus, nisi a Pontifice coronatus, Imperator legitimus haberetur. Vid. ROBERTZ. *Hist. Car. V. T. III. p. 103.* Quid? quod multis post temporibus FERDINANDUS CAROLI V. frater a Papa coronari voluit. Vid. ROBERTZ. *l. l. T. VI. p. 255.*

Sed haec hactenus. Cum Pontifices regna distribuentes novimus, hominum ignaviam demiremur, nihil autem mirum magis ad aures accidat, quam illos, regna, nemini mortalium nota, huic illi concedentes, deprehendere. Cum itaque Portugallis omnes regiones orientem, Hispanis vero Occidentem versus de-

dis-

qua ista paterentur, Regum denique ignavia, qua officia, quae ultimi ordinis hominibus convenirent, Pontificibus praestarent, (*) et in omnibus negotiis, ad imperium pertinentibus, suam Paparum voluntati accommodarent. Ita constitutum imperium armis firmari debuit, ne ignavia perderentur illa, quae tanto opere erant parata. Quemadmodum Reges, illique, qui exteras gentis ditioni suae subjiciunt, disjunctissimas quasque terras, vi armorum et tributis sub sua retinent

dissent, Vid. REYNAL. Hist. Phil. Pol T. I. p. 74. et ROBERTZ. Hist. Amer T. I p. 180, merito illam agendi rationem Princeps Peruvianus demirabatur. Vid. ROBERTZ. l. l. T. III. p. 267.

(*) Sic (ut hoc utar) cum Pontifex equo veberetur, Reges frena tenebant, quod, Rege indignum, tanquam jus Pontifices exigebant. *Vid. MILLOT Hist. Mod. T. I. p. 301, et 304. Hist. Angl. T. I. p. 123. Ad banc rationem Comes Hollandiae eadem officia Episcopo Ultrajectino praestitit. Vid. CERISIER Tableau de l' Hist. des Prov. Un. T. I. p. 188. Quid inde evenerit, facile est ad existimandum. Clericorum superbia mirum in modum aucta est, Regesque a Pontificibus contumeliose habiti sunt: exemplum praebeat MONTESQUIEU de la Grandeur des Romains etc. p. 257. conf. quod de Philippo secundo narrat ROBERTZ. Hist. Car. V. T. VI. p. 181. seq. et WATSON in vita T. I. p. 57. MERCIER Fragmens de Politicq. et d' Hist. T. I. p. 327.*

nent potestate, ita Pontifices imperium, infidiis, temporum barbarie, hominumque ignorantia comparatum, non praeliorum magnitudine, aut numero copiarum, sed armis, tali imperio aptis, librorum, unde sapientiae fontes dimanant, remotione, (*) excommunicationis, aiunt, metu, (**) bullisque (†) imperium firmarunt.

G 2

Pla-

(*) *Exemplum sit Index a Papa confectus eorum librorum, quorum auctores haeretici habebantur, atque per hanc speciem omnes bonae notae libri amovebantur. Vid. MILLOT Hist. Gall. T. II. p. 167. Primum locum in Indice Sacram Codicem occupavisse, observat SCHARPIUS eloquentiae Aristarchus in dissert. Theol. p. 113.*

(**) *Excommunicationem, a Judaeis originem sortitam, (Vid. SPENCER. de Legg. Hebr. Ritual. p. 658,) neque antiquis Gallis incognitam, (Vid. CAESAR de B. G. VI, 13,) Principes pertimuisse non est, quod magnopere miremur, cum iidem, ac καταποτοι apud Graecos et execrati apud Latinos (Vid. DONAT. ad LIV. L. II. C. 5.) omnia jura, quae homo homini tribuat, amittebant, Vid. ROBERTZ. Hist. Car. V. T. III. p. 239. conf. T. V. p. 130. Prudenter igitur, pro temporum ignorantia, Didericus, Comes Hollandiae, excommunicationis metu Urbem Ultrajectinam ab obsidione liberavit. Vid. WAGEN. Hist. T. II. p. 230. conf. CERISIER T. I. p. 228.*

(†) *Notissima est illa Bulla Unam Sanctam, qua Regum auctoritas voluntati Pontificali subjiciebatur. Vidd. MEZERAY Hist. Gall. T. II. p. 791. Neque minus nobilis est illa in coena domini, cujus exceptionem*
Du-

Planâ igitur est ratio, qua Papae maxime adducti omni opere contenderunt, ne bonis literis pristina dignitas restitueretur. Nam, postquam studia humanitatis ac literarum ab interitu vindicata sunt, viri immortales doctrina animos excolere coeperunt, et a superstitione distracti cum aliis sapientiam communicarunt, et magnam partem auctoritati Pontificum exitum dederunt. (*)

Sed ad partem sermonis, unde digressi sumus, revertamur. Pontifices bene intellexerunt, nihil suis commodis conducere magis, quam si omnes homines juris-

Duci Albano Ultrajeſtini frustra opponebant. Vid. WAGEN. V. H. T. VI. p. 313. conf. WATSON Vit. Phil. II. T. II. p. 147. et CERISIER T. III. p. 156.

(*) *Non tantum bella, quae Pontifices inter et Imperatores per 600 annos grassata sunt, (Vid. MEZERAY T. I. p. 509. et MERCIER Fragmens de Politicq. et d'Hist. T. III. p. 299.) neque Concilium Constantiae, quod Paparum auctoritati Conciliorum subjecit (Vid. MEZERAY Hist. Gall. T. III. p. 191. et MILLOT Hist. Angl. T. I. p. 289.) quantum quidem reformatio, quae renatis literis originem suam debet, Pontificum imperium deleverunt. Vid. RAYNAL. Hist. Phil. Pol. T. I. p. 196. et imprimis ROBERTZ. Hist. Car. V. T. III. p. 221.*

risjurandi religione solvendi facultate gauderent.

Hac ratione illorum potestati magnus cumulus accessit, cum populos fidei vinculo, quo Regibus suis devinciebantur, solverent, omnemque inter justos et legitimos hostes foederum religionem tollerent. Sic

ALEXANDER *III.* Anglos a fide, Regi debita, libera-

vit. *Vid. MILLOT Hist. Angl. T. I. p. 129.* Sic

PAULUS *IV.* CAROLO QUINTO jurisjurandi gratiam fecit. *Vid. ROBBERTZ. Hist. Car. V. T. VI. p.*

149. Atque eadem ratione cum HENRICO *II.* Galliae

Rege actum est. *Vid. ROBBERTZ. l. l. p. 180. et*

WATSON *Vit. Philip. II. T. I. p. 55.*

Jam vero, si rem recte perpendamus, magnis et praeclaris viris assentiamur, nullam pestem majorem in hominum vitam invasisse, quam eorum opinionem, qui Papis in hac re summam auctoritatem tribuunt. (*) Prin-

G 3

ci-

(*) *Vid. ROBBERTZ. Hist. Car. V. T. IV. p. 113.*
WATSON *Vit. Philip. II. Tom III. p. 310.* et RAY-
NAL *Hist. Phil. Pol. T. I. p. 32.*

cipi quidem, qui a legum in civitate constitutarum observantia subjectos solvere, five, ut aiunt, *dispensare* potest, (*) quin quodammodo id jus competat, non omnino negare possumus. Nam, quemadmodum ille, qui jusjurandum defert, jurisjurandi gratiam facere potest, quia cuique integrum est renunciare juri in favorem suum introducto, et eadem, praestito jam jusjurando, illi facultas incumbit, (**) Princeps quoque non tantum, si ei juratum est, verum etiam, si contra bonos mores, legesque publicas, vel contra expressam ipsius voluntatem jusjurandum est susceptum, quo minus illa obligatio officii necessitatem pariat, impedire potest. *Vid. PUFFEND. J. N. et G. L. IV. C. 2. §. 24.* At vero idem Princeps juris Naturae leges neque immutet, neque ab earum observantia solvat quempiam, quod ne Deus ipse quidem po-

(*) *Vid. interpp. ad PUFFEND. de O. H. et C. L. I. C. 2. §. 9.*

(**) *Vid. RAEVARD. ad PLAUTI Rudent. Act. V. Sc. III, vs. 58.*

potest, cum, quicquid recta ratione constitutum est, et ad ejus normam exactum, immutabile et optimum sit, quod vero optimum, ab illo non sit recedendum, neque majori bono minus bonum anteponendum. Ergo, si jusjurandum ita sit conceptum, ut obligationem naturalem, atque adeo bonis moribus consentaneam, neque legibus publicis adversantem proferat, ejusdem nullo modo Princeps gratiam faciat. Quod si verum est, quo jure Pontifices affirmationis religiosae obligationem tollant, non facile dixerim.

Nam, cum Principes quidem ad eam rationem, quam memoravimus, jurisjurandi gratiam facientes, illud subiectis suis praestare possint, minime vero alienis, nullo jure Pontifices exterarum regionum cives a foederum et pactorum sancta obligatione dissolvere possunt: nam inepta est illa, ne dicam putida ostentatio, quasi vicarii JESU *Opt. Max.* in omnes omnino Christianos imperii jure gauderent. Neque, licet hoc concederemus, a quo tamen maxime sumus alieni, eo-

rum opinio, qui talem auctoritatem Papis concedunt, probabilitatis commendationem habet.

Nam, si cuiquam facultas illa daretur, qua, pro lubitu, affirmatione religiosa confirmatas obligationes tolleret, et foedera etiam maxime religiosa dissolveret, tranquillitas societatis humanae, cuius semper ratio habenda est, perturbaretur. Omnis iurisjurandi usus inanis et esset et haberetur verborum conceptio, si iurans, cum in damnum suum iurasset, haberet, quo confugeret, et a quo iurisjurandi gratiam peteret. (*) Numen supremum denique laederemus, si mox post iusjurandum, ad illum, qui ab ejus religione nos solveret, nos reciperemus. Quae cum ita sint, licet

GROTIUS *de J. B. et P. L. II. C. 13. §. 20.* Pontifices, quasi qui vicem summi imperantis gerant, id jus consecutos esse affirmare videatur, statuendum est,

ju-

(*) *Quodammodo illud quoque cogitasse censeantur Romano-Catholici, cum promissis juratis adderent, se, licet gratiam iurisjurandi acciperent, nihilominus fidelem servaturos. Vid. MATTHAEI Anal. Vet. Aevi. T. I. p. 666.*

jurantes propterea a jurisjurandi servandi necessitate minime liberatos esse, quod Papa illos jurisjurandi obligatione solverit.

Sit igitur affirmationis religiosae tanta vis, tanta religio, quae non dicam ab omni specie perfidiae mortales arcere, sed ab ipsa cogitatione perjurii detertere possit. Ac ne hoc ita a me proferri quispiam in animum inducat, ac si nunquam a data fide, cum temporum, tum aliarum rerum rationes recedere permittant, imo vero postulare videantur. Dicam quod sentio, et, ut arbitror, dicam vere. Nemo mortalium, si rem perfectioni naturali officientem jurarit, obligationis necessitate teneatur. Jam primum omnium illud teneamus, in omni promissione tres potissimum causas esse observandas; *illi qui promittit, ad promittendum sit idoneus: res ipsa promissi sit capax: et possit praestari a promittente. Vid. GROTII Oper. Theol. T. II. p. 61.* Ab his praeceptis, tanquam a fonte, omnis nostra ratiocinatio ducatur. Jusjurandum igitur,

unde damnum in genus humanum dimanaret, nullam officii necessitatem parit. Etenim actiones nostras ad doctrinae moralis leges exigere debemus, atque adeo nihil agere possumus, unde genus humanum aliquid detrimenti capiat. Atque nullum vinculum tam arctum est, tam indissolubile, quod nos obliget ad illa facienda, quae officio sunt contraria. Turpe est valdeque vitiosum, ad rem illicitam perpetrandam se obligare, et temporum adeo negligere rationem, ut, si quid promittis, consequentia non cernas, atque adeo generi humano damnum infligere possis, quod, cum contra officium sit, nequaquam ejusmodi jusjurandum fervandum est, et inprimis cavendum, ne culpa culpa addatur; nam, ut egregie PHILO Judaeus, laudatus a GROTIO *de J. B. et P. L. II. C. 13. §. 6. Dupla eligere mala, cum parte altera exonerari possis, insanabilis est furor et mentis inopia.* Sic Gallus quidam Eques cum juratus promississet, se, parta libertate, Gulielmum Primum interfectorum, laudari meretur, quod

quod jusjurandum violarit, licet se ad scelus obligare non debuisset. *Vid. CERISIER Tableau de l'Hist. des Prov. Un. T. III. p. 519.* Et cum saepe incidant tempora, quibus ea, quae justitiae consentanea erant, commutantur, ut, quae modo optima, dein temporum vicissitudine homine bene morato minime digna esse videantur, ita fit, ut non servare fidem rationum mutatione saepenumero justum sit. Atque hanc in rem exemplum Sauli conferre non alienum sit.

Scilicet jurat, se interfectorum quemcunque cibum gustantem ante solis occasum deprehenderet: quid autem? Jonathanus paterni mandati ignarus ad illud se non conformavit. *Vid. SAMUEL L. I. C. 14. vs. 24. sq.* Mea quidem sententia, Saulo nulla obligatio incumbat, quia leges ignorantem non obligant, et, quod hoc loco inprimis observandum est, sine dubio damnum in gentem Judaeam redundasset, si Jonathanus, talis tantusque vir, e medio esset sublatus. Porro multa, quae initio recta et ita comparata videantur, ut
pro-

promissionis sint capacia, temporibus fiunt non recta. Quare promissa, quae iis, quibus non sunt utilia, promiferis, saepenumero non sunt servanda, ut exemplis, et fabula petitis, ostendit CICERO *de Offic. L. III. C. 25*. Atque ex hac ratione HERODES nullo pacto fidem filiolae servare debuerat, incautus enim promiserat. *Vid. MATTH. C. 14. vs. 6. sq.* Nulla utilitas in illam, cui jurarat, ex impleta promissione redundabat, generi autem humano damnum infligebatur, iusjurandum ergo potius non servandum, quam tam taetrum facinus admittendum fuit. In simile fere causa Eques quidam Gallus forte Herodem ad imitationem traxisset, nisi temporum rationes, quo minus id fieret, obstitissent. *Vid. MILLOT Hist. Gall. T. I. p. 251. conf. SAVARY Lettres sur L' Egypte T. I. p. 329.*

Cum curandum sit, ne cui noceatur, et communis utilitas adjuvetur, sequitur, ut, quidquid hujus perfectionis naturalis praecepto repugnat, iurejurando

ne-

nequaquam sit affirmandum, juratum vero, non tenendum. *Vid. GROTIUS de J. B. et P. L. II. C. 13. §. 7. et PUFFEND. J. N. et G. L. IV, C. 2. §. 10.* Fieri potest, ut ad aliquid praestandum, quod re vera honesti habet commendationem, nos obligemus, mutatis autem temporibus, inhonestum illud fit, valdeque vitiosum. Sic, (ut hoc utar) juratus, te celaturum quid, quod fidei tuae commissum est, promissisti, in ea opinione versatus, illud honestum fore, ubi autem Reip. saluti illud contrarium cognoris, evanescit omnis obligatio. Quod recte intelligebat Nicomachus, cum, postquam per praesentes Deos jurasset, se, quae sibi committerentur, silentio esse tecturum, propositum Regi perniciosissimum esse cognosceret, *nulla religione, ut scelus tegat, se posse constringi*, affirmavit. *Vid. CURT. L. VI. C. 7. no. 5.*

Dum nihil ratum fit, quod per vim actum est, jusjurandum ita conceptum, nulla religione confirmari mihi vere videor esse dicturus; nam imprimis requiritur

tur, ut, quidquid agis, ex voluntate agas, cum haec animi facultas, Intelligentiae et Libertatis socia, animum adducat ad honestum et utile, actionesque humanas, cum internas, tum externas dirigat, coacta autem, nihil agere censeatur. Si vero voluntas temporibus cefferit, et alteri juratum sit, ejusmodi jurisjurandi effectus ita habeatur, ut, quantum promissum juratum perfectioni naturali non officiat, tantum valeat ad efficaciam.

Quicumque igitur vitae periculo ad actum illicitum praestandum cogatur, et ad id se obligarit, nulla religione tenetur. Quis enim est, qui, a natura ad honesta quaeque formatus, a sceleribus non abhorreat, et si metu mortis ad talem promissionem sit coactus, illam exsequi non denegat? Quin, si juraverit, potius statuendus est non jurasse, quia fieri nullo pacto potest, ut Deus invocetur et testis et vindex, si non ea peregeris, quae tum perfectioni naturali, tum ipsius Numinis supremi voluntati contraria sunt. Quare non erat, quod M. POMPONIUS *Trib. Pleb.*, qui ob

rationes satis idoneas L. Manlio diem dixerat, et ab ejus filio stricto et imposito gladio jurare coactus erat, ut a causa desisteret, (*Vid. LIVIUS L. VII. C. 5.*) non erat ergo, quod jusjurandum servaret. Aliter vero comparati erant juvenes illi Romani, qui, cum duce Metello transfugendi consilium cepissent, a Scipione vi coacti sunt, ut propositum relinquerent, et fidem Reip. juratum promitterent. *Vid. LIVIUS L. XXII. C. 53.* Illi profecto in perjurium incidissent, si pactis non stetissent, cum duplici modo, boni civis officio et affirmationis sanctitate, tenerentur.

Sed in casu priore sine perjurii suspitione, promissionem coactam non servare Tribunus facile potuerat, quia, servato jurejurando, non poterat non contra officium agere. Ab hac mea ratiocinatione illa consecutio proficiscatur, quod, cum violatum ejusmodi jusjurandum nulla perjurii suspicio consequatur, illi officio defint, qui mortem subire, quam jurejurando se obstringere malint, praefertim, si ii sint, qui vivi multam

uti-

utilitatem Reip. atque hominum societati afferre possint. Itaque vi coactus nemo obligatur, sed, cum illius fit, quem bonum virum dicimus, reverentiae Deo debitae non immemorem esse, semper iurijurando, licet vi coacto, stet, neque unquam ulla ratione adducatur, ut datam fidem fallat, quatenus res licita sit iurata.

Atque ita nos Stoicis non adscribimus, (quibus coacta voluntas tamen erat voluntas. *Vid. L. 21. §. 5. D. quod metus causa*) cum voluntatem hominis ad scelus perpetrandum cogi non posse existimemus. Praetores Romani a Stoicorum placitis maxime alieni, vi promittentibus exceptionem *quod metus causa* *Vid. L. 1. Tit. eod.* concedebant. Deinceps porro *Fredericus Imperat.* egregia lege constituit, sacramenta puberum per vim, vel per justum metum extorta, nullius esse momenti: *Vid. L. 1. C. si adversus venditionem.* Dignum est, quod observetur, nonnunquam summum Imperantem vi extorti iurijurandi gratiam facere, quem-

quemadmodum a Camera Imperiali factum est, cum Episcopis Bambergiae et Wurzburgiae jurisjurandi, quo iniquas pacis conditiones, easdemque vi expressas, confirmarant, gratiam fecerit. Vid. ROBERTZ. *Hist. Car. V. T. VI. p. 30.*

Hic locus me admonet, ut de abjuranda mentis cogitatione aliquid subjiciam. Quum nemo unus sit, qui non veritatem, i. e. quae mente et cogitatione sua complectitur, ex animi sententia profiteri debeat, licet multi mortales inventi sint, et adhucdum inveniantur, qui, quid sentiant, etsi optimum sit, tamen invidiae et periculi metu non audeant dicere, id tamen primum omnium teneamus, cogitationes nostras nullo pacto posse mutari, si intelligentia, qua illas percipimus, nos ad id non adducat. Ergo nemo facile suam animi de quacunque re sententiam abjuret; et risum moveant illi, qui ad hanc dementiam processerant, ut hominibus tale jusjurandum imponerent, quemadmodum Galilaeum a Galilaeis Copernicanam senten-

H

tiam

tiam abjurare coegerunt homines, qui ad harum rerum intelligentiam a natura parum habebant instrumenti. Vid. ONSNERI *Uagag. T. I. §. 422.* et conferatur, quod de *Richero* narrat MILLOT *Hist. Gall. T. II. p. 295.*

Expofui fere, ut potui, quae maxime ad illa pertinere arbitrabar, quae modum attingunt, quo iurijurandi religionem violare, licet. Reftat, ut ostendamus, quam late pateat jurantium obligatio.

Numini fupremo magnam habendam et tribuendam effe reverentiam omnes fatentur. Igitur, fi cujusdam rei testis, perjuriique vindex fit invocatus, illa invocatio et magni ponderis eft et gravis. Atque in omni caufa illud, quod juratum eft, teneatur, fi vel maxime commodorum nullam habueris rationem. Haec enim illius, quem bonum virum dicimus, nota fit, ut illud, quod juraverit, cum detrimento fuo praestet. Vid. *Pfal. XV. vs. 23.* Idcirco, fi qui temporibus adducti hofti promiferint, eft in eo fides conservanda, ut
egre-

gie præcepit CICERO *de Offic. L. 1. C. 13.* Hæc autem, cum minime a temporum rationibus pendere debeat, ipsa Deo habenda reverentia et justitia, perpetuae commendationis et famae fundamentum, homines bene moratos, ad perpetuam promissionum conservationem, etiam cum cujusvis mali metu, incitent necesse est. Ut bello cum Chænenſibus Hambroukii, alter ille Regulus, captus ab illis, cum in urbem missus eſſet, ut Belgas ad deditiorem incitaret, promississetque se rediturum, primum, ut venit, urbem dedendam eſſe non cenſuit, deinde, cum retineretur a filiabus, et ab amicis, ad hoſtes redire maluit, quam conventis non ſtare. Vid. CERISIER *Tableau de l'Hiſt. des Prov. Un. T. VI. p. 614.* Neque ſua laus Bellingio Præſecto denegetur: vid. WAGBN. *V. H. T. III. p. 464. et CERISIER T. II. p. 97.*

Si igitur hanc ratiocinationem veram aſſumamus, non poſſumus non, quotieſcunque cogitatione noſtra hiftoriam percurramus, multa, tum a Romanis,

tum ab aliis gentibus, perpetrata a fide aliena, deprehendere. Constans illa semper fuit ac perpetua Romanorum vox, *suo atque populi injussu nullum potuisse foedus fieri*, (vid. SALLUST. *B. I. Cap. 39.*) quo magis a fide alienum non aliud quid facile dixerim. Etenim cum gente, quae ita est comparata, et, si rationibus non conducat, statim ejusmodi exceptione se tuetur, nulla ratione vel pactum vel foedus iniiri potest. Ne alia excitem, sponsiones CAUDINA et NUMANTINA satis evineunt, si res quomodo sit peracta, inspicias, nihil magis bonae fidei repugnare, quam ita cum hoste agere. Nemo sit, qui mihi objiciat, sponsiones ejus esse naturae, ut Reges vel populi illas, a legato initas, improbare possint, atque adeo non injuste Romanos, egisse, cum pacem, in furcis Caudinis factam, auctoritate sua comprobare denegarent. Sponsionem inter et foedus satis magnam esse differentiam, est, quod nullo pacto negari queat. Vid. GROTIUS *J. B. et P. L. II. C. 15. §. 1. et 16.* Attamen

tamen, cum, si narrationem Livianam L. IX. ab initio inde inspicias, Romanorum res ita essent constitutae, ut, si illa sponsio non fieret, omnis exercitus vel occisione deleteretur, vel in captivitatem abduceretur, nihil magis aequitati naturali, juriq[ue] inter gentes constituto, conveniebat, quam datam fidem servare. Videtur PUFFEND. *J. N. et G. L. VIII. C. 9. §. 12.*

Jusjurandum dolo elicitum, ex eodem fonte derives; a quo illud, metu extortum, deduximus, quod, si perfectioni naturali officiat, non servandum est, si vero ab illa non recedit, nihil est, quod quempiam a tali religione solvat. Si enim res jurata ejusmodi sit, ut facile ad finem perducatur, neque contra officium quid exequendum sit, ac nihil minus juratus conventis stare denegat, illum non solum officio contrarium agere existimo, verum etiam perjuro simillimum esse judico. Sic, ut hoc utar, perjurus fit, qui, summo Imperante deferente, jusjurandum accommodatum ad Reip. statum, hoc vi coactum interpretetur. Cum praecavere,

ne quid Resp. detrimenti capiat, et civium commodam quavis ratione augere et amplificare imprimis sit Imperantis officium, nihilque ad illud efficiendum, accommodatum sit magis, quam praesentem Reip. statum nullo modo mutare, sed e contrario, quoad ejus fieri possit, illum firmiorem reddere et constantiorem, neminem futurum existimo, quin mihi assentiatur contententi, si omnes cives jusjurandum, praesentis Reip. status conservationem affirmans conservent, imperium posse subsistere. Hoc enim facto hominum turbulentorum audacia contineatur, et tranquillitas, qua nihil optabilius in Rep. esse queat, conservetur. Sed haec haec.

Jam vero, quae hoc etiam loco pertractetur, digna est quaestio, utrum erga piratas et hostes fides quoque servanda sit? Et profecto ipse CICERO *de Off. L. III. C. 29.* jusjurandum praedoni datum nullam obligationem fortiri existimans, *Si praedonibus, inquit, pactum pro capite pretium non attuleris, nulla fraus*

*fraus est, ne si juratus id quidem non feceris, nam per-
rata non est ex perduellum numero definitus, sed com-
munis hostis omnium, cum hoc nec fides debet, nec
jusjurandum esse commune.* Hujus ratiocinationis pa-
trocinium suscepit PUFFENDORFFIUS *J. N. et G.*
L. IV. C. 2. §. 8. Idcirco quidem, quia praedo,
societatis humanae hostis communis, legum divinarum
humanarumque nullam rationem habens, se illum esse
profitetur, qui nullo pacto Numinis supremi existen-
tiam credat, atque adeo etiam nullum commodum ex
ullo religionis vinculo percipere possit. At, meo qui-
dem judicio, recte GROTIUS *de J. B. et P. L.*
II. C. 13. §. 15. a Ciceroniana sententia plane alie-
nus est. Nam, licet cum praedone illud jus, quod
cum hoste legitimo, non intercedat (*Vid. L. III. C.*
3. §. 1. Oper. Cit.) nihilominus aliqua est juris so-
cietas, quoniam, ex principiis juris Naturae, officia,
quae homo homini debet, ei tribuenda sunt, nam,
si ex eo, quod alter officium negligit, ratiocinamur,

iccirco nos quoque ab officio posse recedere, turpis est et vitiosa ratiocinatio. Quid? quod juris civilis doctores praedoni jus perfectum tribuunt. *Vid. L. 31.*

§. 1. *Depositum vel contra.* Nonne pacta et foedera cum piratis plus semel intercesserunt? Memoria modo replicemus nobilissimum illud, quod magnam partem Pompejus pactis confecit, Bellum Piraticum Adde, quod cum praedonibus et fugitivis, qui in montibus Pyrenaeis erant, actum est, ut ex CAESARE *de B. C. L. III. C. 19.* monet GROTIUS *de J. B. et P. L. III. C. 19. §. 2.* Porro, si ad officii, quod in jurejurando versatur, rationem rem perpendamus, fidem etiam piratae esse servandam, facile est ad demonstrandum. Pudeat ergo illos, qui erga piratas perfidia utantur, quare Ruterus, vir caeteroquin incomparabilis, ab hac parte vehementer nobis reprehendendus esse videtur. Notares est et legipotes apud CERIS, *Tabl. de l'Hist. des Prov. Un. T. VI. p. 525. sq.*

At

At dicet aliquis eorum; qui Ciceronianae sententiae suam quoque adscripserunt, sint ista, sicut vis, gaudeant piratae jure Naturae, atque adeo illis officia perfecta tribuantur, idem illud jus Naturae, illos, qui generi humano exitiosi sunt, ex hominum communitate exterminari jubet. *Vid. GROTIUS de J. B. et P. L. II. C. 20. §. 8.* Igitur, quemcunque honestum est necare, eidem jus suum, quod ex fide data et accepta consecutus est, adimere licet. Ego vero non dubitem contendere, haec minime quaestioni, quam tractamus, applicari posse, quoniam, quicumque cum praedone paciscitur, simul etiam illi poenam bene meritam remittere, et illa, quae minus honeste fecit, non amplius imputare censetur.

Jam vero si piratis fides data sit servanda, summo jure id sibi hostes legitimi reposcant. In bello nempe, cum per vim justam decertamus, ut ita jus nostrum consequamur, omni ratione contra hostes agere licet. Non tamen ii sumus, qui BYNKERSHOEKIO

assentiamur, cum venenum et percussores sine distinctione posse adhiberi contendat. *Vid. Quaest. Jur. Pub. L. I. C. I.* Potius cum GROTIUS facimus, qui veneficium exceptit, et percussores, qui fidem expressam vel tacitam fallunt. *Vid. de J. B. et P. Lib. III, C. 4. §. 15. et 18.* Nam, cum dolo uti liceat

Dolus an virtus quis in hoste requiratur?

illi non iniusti sunt percussores, qui nocturno impetu hostium castra adoriuntur, et quosdam interficiunt, sicut Ulysses Thracum castra invasit. Unde egregie Penelope apud OVIDIUM *Heroid. Epist. I. vs. 41.*

Aufus es, o nimium nimiumque oblito tuorum,

Thracia nocturno tangere castra dolo;

perfidiam autem in bello arcendam esse, illud est, quod omnes existimant. Etenim hostis, cum quo pacifceris, tunc temporis hostis neque est, neque haberi potest: nam cum verbis res decertatur, eo animo conveniunt, ut ad pacem animi conformentur. Inde, quid

quid sit de illis statuendum, qui sub specie colloqui hostibus datam fidem fallunt, illamque non deberi opinantur, facilis est conclusio, cum, quacunque ratione agas, semper Deo debitae reverentiae ratio habenda sit, de qua re hoc capite satis multa jam diximus.

Verum enim vero cum operi inchoato, minime vero absoluto tanquam fastigium imponendum videriqueat, quidnam magis hujc loco conveniat? quam, cum de fide dictum sit, illius conservationem etiam atque etiam commendare, quod si explicate exponere aggrederer, exitum non reperiret oratio. Satis ergo habeamus legendum commendasse GROTIUM de *J. B. et P. Lib. III. Cap. 25.*

CAPUT TERTIUM.

DE RITIBUS ET FORMULIS.

§. I.

De ritibus in re, quam disceptationis argumentum sumimus, observatis hoc capite differere cum non alienum videatur, primum ritus, tum formulas considerabimus. Cum igitur duplex esset jusjurandum, alterum *corporale*, Gr. *σωματικόν*, alterum *incorporale*, de quo loquitur *L. 3. Cod. si minor se major.*, *εγγυητικόν* dictum, illudque signo quodam adhibito, hoc autem in aliquo, ut cum Ictis loquar, instrumento fieret, nobis, misso iurejurando incorporali, sive scripto, prius illud hic praecipue explicandum sumimus. Si quis autem iurisjurandi incorporalis exempla quaeratur,

fat, adeat ad CANGII *Glossar. Graecit. v. Opus.*
 Equidem ad varios, quibus jusjurandum significari
 potuit, ritus indagandos transeo.

Ab antiquissimis jam temporibus Deorum cultui de-
 cubra dicata fuerunt, neque Graeci et Romani Magos
 Persarum, qui Deos parietibus includi volebant, sa-
 quebantur, sed illis sacrificia in templis offerebant,
 atque easdem illos, quas homines, urbes incolere vo-
 lebant, ut ita augerent pietatem, si omnia, quae cer-
 nerentur, Deorum plena esse viderentur. (*) Hanc
 plurimarum gentium sententiam fuisse, demonstrare non
 cadit in instituti nostri rationem.

Cum itaque quaecunque religionis essent, in tem-
 plis peragerentur, in illis quoque homines se jureju-
 rando devinxisse, nemo miretur. *Vid. VALKEN. in*
Dissertat. Philol. de Ritib. jurisj. pag. 58. Ad hanc
 ita-

(*) *Vid. CICERO de Leg. II. 10. conf. VALCKEN. Diatr.*
Eurip. pag. 42. Majores nostri Deos cobibere parie-
tibus non ex Coelestium magnitudine arbitrabantur.
Vid. TACIT. de Mor. Germ. Cap. 9.

itaque rationem in sacellis domesticis jurabant, et sacramentum ibi praestitum sanctissimum praedicabant. Vid. XENOPH. EPHES. pag. 24. Conf. TRESLINGIUS, fraterno amore mihi conjunctus, in *Adv. Critic. Spec. Cap. III. pag. 59.* Apud eundem XENOPHONTIUM EPHESIUM Polyidus Anthiam se castam servaturum in templo Iidos jurat. Vid. pag. 69. Idem illud apud Macedonas quoque moris fuisse ex CURTIO L. IV, Cap. 7. merito colligi potest. Sic apud Chineses Provinciarum Praefecti coram genitiis in templo jurabant. Vid. D'ORVILLE *Hist. des differ. Peup. T. I. pag. 96.* Et apud Graecos, athletae in loco sacro super victimas immolatas jurabant, se per decem menses pugnis operam dedisse. Vid. *Voyage du Jeune Anacharsis en Grece. T. IV. p. 225.* In locis sacris jurantes ad aras accedebant, antequam vero juraretur, sacrificia nonnulli, post jusjurandum autem praestitum, alii offerebant. Apud Epirotas peracto sacrificio Regi fides jurabatur. Vid. PLUTARCH. in
Pyr-

Pyrro pag. 385. Post vota Imperatoribus Rom. fidem dabat fenatus Populusque Rom. hac formula *salutem honoremque Imperat. antiquiorem sibi carioremque futurum suis libetis*. Vid. BERN. ad PLINII *Paneg. Cap. 68*. Samnitum milites, sacrificio perfecto, ad aras, victimis circa caesis, et circumstantibus (strictis gladiis) Centurionibus, admovebantur, et diro quodam carmine in execrationem capitis familiaeque composito, jurare cogebantur, nisi irent in proelium, quo Imperatores ducerent. Vid. LIV. *L. X. C. 38*. Agamemnon apud HOMERUM, sacrificio nondum peracto, at vero inchoato, jurejurando se ipse adigit, Vid. *Iliad. r. vs. 252*. Qui plura cupit, adeat VALCKEN. *Dissert. laud. pag. 44*. conf. *Voyage d'Anacbarsis en Grece T. III. p. 150*. et FRITH *Aniq. Homer. p. 397*. De eo autem, quod jurantes aras tangebant, Vid. BROUKH. ad PROPERT. *L. III. El. 19. vs. 15*. conf. JUVEN. *Satyr. XIV. vs. 219*. Sic Ptolomaeus in templo Jovis, suantis in manus altaribus, ipsa fascula-

cra

tra Deorum tangens juravit. Vid. JUSTIN. *L. XXIV. C. 2.* et Annibal altaribus admotus, tactis sacris, jurejurando est adactus vid. LIV. *XXI. C. 1.* et NEPOS in vita Cap. 2. Adde omnes in hoc jurejurando observatos ritus exponentem, SILIUM ITALICUM *L. 1. vs. 118. sq.*

Apud Athenienses ad aras juratum fuisse, praeter illa, quae habet VALCKEN. *Dissert. laud. p. 42.* videri potest locus CICERONIS *pro Balbo Cap. 5.* ad hanc rationem P. R. ad columnam, Caesari dicatam, controversias, interposito per illum jurejurando, distrahebant. Vid. SÜET. *in Caes. Cap. 85.* Ex hoc more HORATIUS ad Augustum

Jurandasque tuum per nomen ponimus aras.

Vid. Epist. *L. II. 1, 16.* ibique LAMBINUS.

Christianos ad aras jurandi morem a Gentilibus accepisse docet VALCKEN. *Dissert. laud. p. 49.* conf. MILLOT *Hist. Angl. T. I. p. 283.* tactis quoque Evangeliiis jurarunt. Vid. D'ARNAUD. *Var. Conjs.*

L.

L. I. C. IO. p. 76. conf. MATTH. Ann. Vet. Aevi T. II. p. 749. BARCLAJUS Comment. ad D. Tit. de jurejur. Cap. I. (Thes. Jur. Ott. T. III. p. 911.) Addatur lex illa Lombardorum, quam laudat MONTESQUIEU *Esprit des Loix L. XXVIII. Cap. 18.* Posterioribus temporibus ita quoque Romae juratum fuisse, docet NOV. 72. *Cap. 8.* Atque etiam illi, qui servorum quaestionem exposcebant, tactis *sanctis scripturis* jurabant, se in petitione odii nullam habuisse rationem: Vid. *L. I. C. de jurejur. propter calumn.* Ita Hispani, dextra Euangelio imposita, Pacem Monasteriensem jurarunt. Vid. CERISIER *Tableau de l'Hist. des Prov. Un. T. VI. pag. 248.* conf. quod de Galliae Regis fratre narrat MILLOT *Hist. Gall. T. I. p. 248.* et digna sit, quae observetur, reservatio Portugalli cujusdam, qui se super Euangelium jurare fingebat, cum re vera alium librum supposuisset. Vid. RAYNAL *Hist. Phil. Pol. T. I. p. 169. (*)* Eodem

I

mo-

(*) *In Anglia quondam filia gravida aliquem, quem*
mo-

modo, quo Christiani, tactis Euangeliis, Muhamedani manu, *Alcorano* imposita, jurant. Vid. VALCKEN. *Dissert. laud. pag.* 53. conf. WATSON *Hist. Philippi II. T. I. p.* 162. Qui mos fortasse ab Atheniensibus profuxit, cum apud illos supra *leges Archontes*, magistratum auspicaturi, jurare tenerentur. Vid. *Voyage d'Anacharsis en Grece T. II. p.* 271. Si in genere hujus ritus rationem investigemus, inde reperatur, quod, cum, quaecunque oculi percipiunt, ad animum veluti transferant, ad rei religiosissimae vim confirmandam, nihil magis accommodatum fuerit, quam rerum sacrarum contactus.

Neque tantum super Euangelium Christiani jurabant, verum etiam super sanctorum reliquias, quas sanctas esse homines superstitiosi opinabantur, cum Duces exercituum saepenumero ab urbium obsidione desisterent,

ut

modo vellet, incertae stirpis patrem nuncupabat, quo vocato, super Euangelium jurabat, illum futurae prolis parentem esse. Vid. D'ORVILLE Hist. de differ. Peupl. T. VI. p. 378.

ut ejusmodi reliquias sibi conservarent. Vid. MONTESQUIEU *Grandeur des Romains* etc. pag. 249. Sic Robertus Galliae Rex, ne perjuria committerentur, super arcas, quae reliquias continuerant, cives jurejurando adigebat, atque illas perjurio optimam fore medicinam sibi persuadebat. Vid. MILLOT *Hist. Gall. T. I. p. 161*. Plura ejusmodi superstitionis exempla cum apud alios, tum apud Anglum eundem inveniuntur *Hist. T. I. p. 35. et 69*.

Res sacrae non modo a jurantibus, verum corporis quoque partes nobiliores, v. c. caput, tangebantur. Vid. Auctor *Hymn. in Ven. vs. 26. conf. SOPHOCLES in Trachin. vs. 1181. Edit. Brunck. Caput tangentes per illud jurabant, ut Briseis ad Achillem apud OVIDIUM *Heroid. Epist. III. vs. 103.**

Perque tuum nostrumque caput! quod junximus una. conf. Heroid. Epist. XIII. vs. 161. VIRGIL. Aen. L. IX. vs. 300. et IV, 357. OVID. Trist. L. V. El. 4. vs. 45. JUVEN. Satyr. VI. vs. 16. Oculos tangebant

(Vid. BROUKH. ad PROPERT. *L. I. El. 15. vs. 33.*) per illosque jurabant, quod praecipue amatorum erat. Inde OVIDIUS ad amicam *Amor. L. II. El. 16. vs. 43.*

At mibi te comitem juraras usque futuram

Per me, perque oculos, sidera nostra, tuos.

conf. *Amor. L. III. El. 3. vs. 10.* et TIBULL. *L. III. El. 6. vs. 47.*

In tangenda dextra magna erat religio, inprimis apud Hebraeos, (quemadmodum e *Prov. VI, 1. XI, 15. XX, 26.* et aliis locis colligi potest) et apud Graecos. Vid. SOPHOCLE. *Philoct.* vs. 813—816. *Oedip. Tyr.* vs. 1510. Atque ex hoc more Dido ad Aeneam apud VIRGIL. *Aen. L. IV. vs. 307.*

Nec te noster amor, nec te DATA DEXTERA quondam:
conf. OVID. *Heroid. Epist.* vs. 31. Inde obtestationes illae *per dexteram* (v. c. apud CICERONEM *pro Dejotaro. Cap. 3*) quae magni ponderis habebantur. Vid. CORTIUS ad SALLUST. *JUGURT. Cap. 10.*

Hic

Hic autem mos repetatur a sanctitate, quae in danda accipiendaeque dextera ponebatur, de qua nonnulla monuerunt CLAUDIUS CHIFLETIUS IC. *de jure Fideicommiss. Cap. IV. (Thes. Jur. Otton. T. V. p. 777.)* FEITHIUS *Antiq. Homer. p. 399.* FREINSH. ad CURT. *L. VI. C. 4. no. 14.* et VAN STAVEN ad NEPOTEM *in Datane Cap. 10.* Adde, quae de Antiochi porrecta, et Popilii negata dextera narrant LIVIUS *L. XLV. c. 12.* & POLYBIUS *Excerpt. Legat. c. 92.*

Jurantes quoque manus ad coelum tendebant. Abrahamum ita jurasse, cum se ex praeda nihil accepturum Regi Sodomae affirmaret, res nota est. Vid. *Genes. Cap. XIV. vs. 22.* Ita apud DANIELEM *Cap. XII. vs. 7.* occurrit quispian, qui manus utrasque ad coelum porrigit: et Agamemnon apud HOMERUM sublati manibus Jovem testem invocat. Vid. *Iliad. v. 254.* Latinus apud VIRG. *Aen. L. XII. vs. 196.*

Suspiciens coelum tenditque ad fulera dexteras.

Sic deinceps apud Belgas digitis elatis jurabatur, *met opgerechte vingeren*, teste MATTH. *Anal. Vet. Aevi. T. V. p. 601. (*)*. Cum ii, qui Deos precabantur, vel alloquebantur, ad coelum manus tenderent, ad illorum exemplum jurantes illud quoque fecisse, vere mihi dicere videor. Ac nemini ignotum sit, morem, quo in jurando manibus pectora tangebant, ab illo ritu derivari, quo tristitia affecti, magnoque luctu gravati pectora tundere solebant. (**)

Quemadmodum supplicum erat flexo genu ad deprecandam calamitatem, vel ad Deorum auxilium invocandum, aut nonnunquam etiam, cum ad Reges accederent, discumbere, non est, quod miremur, ad hanc rationem jurantes ita se jurejurando devinxisse.

Sic

(*) *Antiquitus jam digitos ad coelum fustulerunt, ut ex numismate Imp. Diocletiani et Maximiani colligi potest: Vid. OTTO in Dissert. de Perjurio per Genium Principis Cap. I. §. 6. (Dissert. P. I. p. 260)*

(**) *Videantur modo e multis, OVID. Heroid. Epist. XI vs. 91. Trist. L. I. El. 3. vs. 78. VIRG. Aen. L. XII. vs. 154. conf. vs. 871. et L. XI. vs. 37. et 86.*

Sic Reges Galliae, cum regnum capefferent, flexo genu jusjurandum praestabant Vidd. BURY *Vie de Henri IV. T. II. p. 269.* et MILLOT *Hist. Angl. T. I. p. 164. (*)*. Atque eodem corporis habitu majores nostros Philippo II fidem jurasse, Frisios vero stantes in antiquae libertatis signum, ad sacramentum accessisse, narrat CERISIER *Tableau de l'Hist. des Prov. Un. T. II. p. 598.* Tale quid memoriae proditum est de Spartanorum legatis, qui coram Xerxe, Persarum more, genua flectere denegasse perhibentur, Vid. HERODOT. *L. VII p. 485. Edit. 1592.* Non tamen veri est simile, alios, exceptis Frisii, Ordines Regionem genibus flexis jurasse, cum is corporis habitus quondam poenae loco esset (consulantur modo *Privileg. van Haarlem p. 98. et III.*) atque Frisii, cum Ao. 1500. adversus Albrechtum, Saxoniae Ducem, arma infelici eventu gesserant, ge-

(*) *Regem Poloniae in templo, genibus flexis, pacta conventionis se servaturum jura observat D'ORVILLE Hist. des differ. Peup. T. VI. p. 451.*

nubus flexis, supplicum more, poenam deprecari cogerentur. Vid. WAGEN. *V. H.T. IV. p. 318*. Praeterea, ut narrationem CERISIERII arguamus, facit PONTUS HEUTERUS, qui, dum ipse interfuisse testatur, in sua hujus inaugurationis narratione ne verbum quidem de singulari illa causa memorat. Vid. *Austriacar. L. XIV. Cap. 1—4*. Neque obstat, quod tempore inaugurati Caroli V. cives et incolas Belgii flexis genibus jurasse dicunt, cum A. MATTHAEUS *de Nobil. L. III. C. 1. p. 873*. eos detecto capite et prioribus sublatiis digitis iurandum praestitisse, tantummodo autumet, et SCHOTANUS *Fris. Histor. L. XVII. p. 574*. sqq. late de hac sollempnitate agens, genu flexi mentionem non faciat. Fortasse fabula ista ignotae appellationis *Band-Friesen* origini ortum suum debere censenda est,

Non solum corporis membra tangebant, verum etiam conjurati corporis humani sanguinem degustare solebant, et super illum iurandum cum execratione

con-

concipere, Vidd. FREINSH. et DUKER. ad FLOR. *IV*, *I*, 4. conf. CORTIUS ad SALLUST. *Catil. Cap.* 22. (*). Ita etiam medio aevo Scythas imitabantur, (*Freres d'armes*) cum foedus sociale sancirent, et ab utraque parte sanguinem ebiberent. Vid. MILLOT *Hist. Gall. T. I. p.* 380. Ad eandem rationem apud Siameses hodie amicitiam contrahentes, ut eo firmius et arctioribus quasi vinculis istud amicitiae foedus nectatur, amicus amici sanguinem degustat. Vid. D'ORVILLE *Hist. des differ. Peup. du Monde. T. I. p.* 486. Quicumque hujus moris originem indagare velit, sententiam fortasse probabilem reddere possit, cum a detestabili immanitate, qua homo hominem Deis sacrificabat, (**) illam deducat.

I 5

Cum

(*) *Ab ejusmodi conjuratione distinguatur militum, usque ad internecionem se pro patria dimicatu- ros, jurantium ritus, qui conjuratio dicebatur, quemadmodum docet VERTOT. Hist. des Revol. de la Rep. Rom. T. I. p.* 348.

(**) *Pleraque olim nationes barbarae, Deos sanguine humano placandos esse, existimarunt. Sic Germani Mercurio hominum sacrificia offerebant. Vid. TACIT. de*

Cum e re civitatis esse videatur, cives omnes, praefertim illos, qui ad munera publica animum appellant, jurejurando, quo patriae fidem, et legibus observantiam promittant, adigi, ita etiam non alienum videatur, illos, qui longinquo ventunt, qui sint, et qualis sit sua agendi ratio, profiteri. Ab hac ratione morem velim deducas, quo apud Romanos patriam, negotia, et nomina, jurejurando interposito, peregrini profiteri

A

CO-

de Mor. Germ. Cap. 9. Galli quoque. Vid. CAESAR de B. G. L. VI. C. 16. conf. CICERO pro Fontejo. Cap. 10. Majores nostri. Vid. CERISIER Tabl. de l'Hist. des Prov. Un. T. I. p. 110. Veteres populi barbari. Vid. Reg. II, 3. vs. 27. Barbari Americani. Vid. ROBERTZ. Hist. Am. T. II. p. 112. et p. 356. T. III. p. 44. et 48. conf. D'ORVILLE in opere plus semel laudato T. V. p. 217. Antiquitus Dani ita quoque agebant. Vid. l. l. T. VI. p. 411. et Sueci Regem suum, rebus Reip. desperatis, Deis, tanquam opimum, quod illis offerri possit, sacrificabant. Vid. l. l. pag. 423. Est sane, quod exhorrescamus, barbarum illum morem apud Graecos quoque et Romanos obtinuisse. De Graecis Vid. Voyage d'Anacharsis en Grece T. III. p. 15. et T. V. p. 12. De Romanis autem legatur LIVIUS L. XXII. C. 57. Recte vero PAULUS Recept. Sentent. L. V. Tit. 33. Qui hominem immolaverint, exve ejus sanguine litaverint, fanum templumve polluerint, bestiis objiuntur. Ad quem locum vid. SCHULTING. in Jurisp. Antejust. pag. 533. conf. de liberorum immolatione SPENCER de Legg. Heb. Ritual. pag. 366.

cogebantur. Vidd. GRONOV. *Obff. IV*, 3. et *Interp.*
ad PLAUT. *Trinum. Act. IV. sc. 2. vs. 30.*
 Censores inde *juratores* dicti sunt, (*) cum saepenu-
 mero universum populum Romanum jurejurando adi-
 gerent, et nulla alia de re diligentius quam de sacra-
 mento judicarent. Vid. CICER. *de Offic. L. III. C.*
 31. Romae porro Coss. apud abeuntes Magistratu
 jurabant, nihil se contra leges facturos, illos vero,
 se nihil contra easdem fecisse, Vid. GRONOV. *Obff.*
IV, 16. Dignum est, quod hic a me addatur Cicero-
 nis factum, qui cum in concione ex more, (quo nem-
 pe Coss., antequam jurarent, ad populum verba facie-
 bant) dicere vellet, et a Tribuno Plebis in medium
 proferre prohiberetur, quae constituerat, magna voce
 juravit, Remp. sua unius opera esse salvam, quale
 jusjurandum populus, juratus ipse, uno et pari consen-
 su approbavit. Vid. MIDDLETON *Histoire de Cice-*
ron. T. I. p. 358. Tanta erat viri magni existimatio,
 tan-

(*) Conf. TURNER. *Advers. L. XIX. Cap. 12.*

tanta apud cives suos nominis commendatio, et populi beneficiorum in se collatorum recordatio. Sed haec *ἢ παροδοί*.

Non tantum Coff. Romani se legum custodes fore jurabant, sed Archontes quoque apud Graecos eandem obligationem fuscipiebant, imo vero addebant, se nunquam dona accepturos. Vid. *Voyage d'Anacharsis en Grece T. II. p. 271*. Senatores autem, se bona consilia Reip. daturos. Vid. PETIT, *ad Legg. Attic. p. 192*; quemadmodum senatores Rom. se ex animi sententia (id est *ex conscientia et sincera fide*, quemadmodum explicat CUJACIUS in *L. 2. C. de jurejur. propter calumn. pro ex animi scientia jurent*, EX ANIMI SENTENTIA *legens in Obff. L. I. Cap. 21.*) judicatueros, quod e fide sua reque publica videretur. Vid. LIPS, *ad TACIT. Annal. L. IV. C. 21*. Athenis iudices jurati (quales quoque Romanorum erant, ut ex CICERONIS loco *Acad. Quaest. IV, 47.* colligi posse autumo) se obligabant, ut omni vi con-

tra illos agerent, qui praesentem Reip. statum mutare vellent, atque dira in se, familiamque, imprecatione ista sollemnitatis perorabatur. Vid. *Voyage d'Anacharsis en Grece T. II. p. 278.* Quemadmodum apud Judaeos nihil fere actum fuit in judicio, quod non jurisjurandi religione firmaretur, Vid. GROTIUS *ad Matib. Cap. V. vs. 33*, ita apud Graecos in causis judicialibus religiosae affirmationis usus saepenumero occurrit. Sic, ut hoc utar, (nam omnia enumerare longum est) aliquo caedis accusato, Actor, antequam iudices ad accusationis dijudicationem curam suam referrent, immolatis victimis ad aras τῶν ἁγίων Θεῶν jurabat, et, si calumniae gratia reum in jus vocavisset, in se, suamque familiam, exitium imprecabatur. Reus porro Deos in se, liberos, posterosque, ultores invocabat, nisi innocentiam suam probaret, atque adeo injuste se ab accusatore in periculum capitis esse adductum affirmabat. Prima habita oratione, reus in defensione sua se veritatis habuisse rationem, accusator autem, se
in

in agenda causa jure processisse iterum religiose affirmabat. Hac sollemnitate peracta, judicium erat, de accusatione judicium ferre, tum vero ille, qui a certamine judiciali victor discedebat, judices, qui ex animi sui voluntate sententiam dixerant, optime judicasse, sollemni adhibita imprecatione, jurabat. Vid. omnino, hunc ritum late et erudite exponentem, LUSACIUM *V. C. Exercit. Acad. Spec. III. p. 172. sq. (*)*. A Graecis ad Romanos profectus est ritus ille nobilissimus, cum per lancem liciumque furta conciperent, Deis invocatis testibus, se quaerendi furti animo domos intrare. Sed, cum tot sint virorum doctorum de hoc ritu sententiae, ut nemo ad nostra usque tempora hunc ritum recte exposuerit, ingenii mei mediocritati facile condonetur, si lectorem ad HEINECCIUM remittam, in *Antiq. Rom. ad Instit. IV, Tit. I. §. 13. sq. conf. CONRAD, ad GELLIUM N. A. XI, 18.*

Cum

(*) Cum hoc more confervi meretur ritus ille apud Ceilonae incolas in judicio receptus. Vid. D'ORVILLE *Oper. cit. T. II. p. 265.*

Cum apud Romanos juris civilis summo semper in honore fuerit cognitio atque interpretatio, et in id principes in civitate viri potissimum incumberent, ut cives consilio juvarent, atque juris scientia quam plurimis prodesse, posterioribus temporibus jurisprudentiae splendor deletus est, immo nullus esse coepit, cum gladio et *speciminibus*, quae dicuntur, *judicis* lites existimarentur. (*).

Etenim per miraculum Numen supremum voluntatem suam indicaturum sibi mortales persuadebant, cum illum, qui, ut hoc utar, manu ferrum igneum prehenderet, illamque intactam servaret, iudicio ipsius

Dei

(*) *Ista fuit sane jurisprudentiae conditio modii aevi temporibus, vidd. ROBERTZ. Hist. Car V. T. I. p. 104. WAGEN. V. H. T. III. p. 118. MILLOT Hist. Mod. T. I. p. 142. et 331. conf. SPENCER Legg. Ebraic. Ritual. p. 657. Itaque certamine judiciali lites saepenumero dirimebantur. Vid. MILLOT l. l. pag. 87. et 319. conf. MATTH. Anal. Vet. Aevi. T. III. p. 214. Quomodo in Gallia receptum fuerit ejusmodi certamen judiciale, ostendis MONTESQUIEU Esprit. des Loix. L. 28. C. 18. Danos, qui illud quoque. adhibebant, manubis malle, quam foeminarum more altercationibus lites dirimere, monet. D'ORVILLE Hist. des differ. Peup. du monde T. VI. p. 427.*

Dei absolutum esse crederent. In judiciis itaque ejusmodi probationes saepenumero obtinebant, quin et eo pervenit imbecillitas humana, ut jusjurandum etiam interponerent, cum Deum in perjurum statim animadverturum crederent. Sed quid moramur in incusanda ignorantia istorum hominum, qui, pro temporum ratione, aliter se gerere non potuerunt? Est vero, quod magis admiratione nostra dignum habeatur, cum ipsos Graecos et Romanos, sapientiae magistros, ab ejusmodi superstitione non alienos fuisse, videamus. Etenim, secundum Philostratum perjurii suspectis potum aliquem, *ὕδωρ του ελεγκμου* dictum, ministrabant, cujus ea vis credebatur, ut, *ευορκαις* gustu dulcis esset, *επιτορκαις* vero pustulis ac vomicis omne corpus inquinaretur. Vid. PHILOSTRATUS, laudatus a SPENCERO Legg. Ebr. Ritual. p. 656. (*). Non tamen is
sum,

(*) Cum hoc more quodammodo convenire videtur ritus ille in regno Monomotapae receptus, de quo D'ORVILLE Oper. Cit. T. IV. p. 399. aequè ac Ostiakenium ille, quem auctor laudatus memorat. T. IV. p. 327.

sum, qui, istam quoque Philosophorum reliquorumque hominum, qui cum eruditione, tum ingenio praestabant, sententiam fuisse, affirmare audeam; sed, cum gentium mores tractemus, et sapientes ad plebis de religione cogitandi rationem actiones suas conformarint, ejusmodi ritus, superstitione notatos, tacitus praeterire non possum. Neque hic mihi tempero, quin ritum quendam Graecorum, minus fortasse cognitum, proferam. Scilicet in Graecia quondam jurantes, posteaquam ferrum ignitum, quod per aliquod temporis momentum manibus portabant, in mare projecerant, ea, quae affirmassent, permansura esse, donec ferrum istud quasi emergens iterum appareret, sollemni modo jurare solebant. Id enim indicare videtur *Scholias. ad SOPHOCLE. Antig. vs. 264. T. III. p. 158. ed. BRUNCKII*; modo recte verba vertantur: Εἰωθασί γὰρ οἱ ὀρκισσύντες ταῦτα ποιεῖν. μύθρους γὰρ αἰροντες, ὅπως ἀν αἰωνία τὰ ὀρκία ὑπαρξή, ριπτοῦσιν αὐτοὺς εἰς θάλασσαν, καὶ ἐκ-αίρονται μὲν τὰ ὀρκία, ἕως αὐτοὶ φάνωσι.

K

Cum

Cum nullum intelligatur jusjurandum, quod non fiat cum execratione sui, Numine supremo vindice interposito, (Vid. NOODT. *Oper. T. II. p. 278*) et imprecationes adeo, si rei, quae vel promittitur, vel affirmatur, adjectae sunt, partem jurisjurandi minime exiguam constituent, (Vid. PUFFEND. *J. N. et G. L. IV. C. 3. §. 3.*) mirari definamus, jurisjurandi tum ritus, tum formulas saepenumero imprecationes continere. Apud Romanos itaque moris erat, Fecialem in foedere, sumto in manibus lapide, haec verba proferre, „ *Si recte ac sine dolo malo hoc foedus atque jusjurandum facio, Dii mihi cuncta praestent felicia; sin aliter aut ego aut cogito, caeteris omnibus salvis, solus ipse peream, uti lapis hic e manibus decidat.*” Ita ex POLYBIO hunc morem refert COEL. RHODIG. *Leß. Antiq. L. XXI. C. 15*, Atque illud est, quod *Jovem lapidem jurare* vocabant: conf. CARRIO ad GELLIIUM *N. A. L. I. C. 21*. Annibal, agnum laeva manu, dextera filicem retinens, si sciens
fal-

fälleret, Deos precabatur, ut ita se mactarent, quem-
admodum ipse agnum mactasset. Vid. LIV. L. XXI.
C. 45. Ita alio loco apud eundem LIVIUM L. XXII.
C. 53. *Si sciens fallo, tum me Jupiter Opt. Max.*
domum, familiam, remque meam pessimo leto afficias!
(*). Si fallerent, in caput suum quaevis mala impre-
cabantur, quod nonnunquam alia de causa faciebant,
de quo nonnulla monet BROUKH. ad TIBULL. L. I.
El. 2. vs. 12. conf. BURM. ad OVID. *Heroid. Epist.*
XX. vs. 127. Ita posterioribus temporibus, animas
suas devovebant, Vid. MATTH. *Anal. Vet. Aevi T. I.*
p. 649. vel se *excommunicationis* poenae subiciebant.
Vid. MONTESQUIEU *Esprit des Loix* L. XXXI.
C. 17. Admodum grave est illud Didonis.

Vel Pater Omnipotens adigat me fulmine ad Umbras
Pallentes Umbras Erebi, noctemque profundam,

K 2

An-

(*) *De hac formula consulatur* BRISSON. *de Formulis*
L. VIII. p. 710. *Pulchre admodum Cornelia apud*
PROPERTIUM Eleg. Ult.

Ipse loquar pro me, si fallo, poena sororum
Infelix humeros urgeat urna meos.

Ante, Pudor, quam te violo, aut tua jura resolv.

Vid. VIRG. *Aen. L. IV. vs. 25.*

Denique, nam plura referre non cadit in hujus disputationis brevitatem, dignus est ritus Ostiakenfium, qui legatur apud D'ORVILLE *Oper. cit. T. VI. p. 327.* confer. TREUER ad PUFFEND. *de O. H. et C. L. I. C. II. §. 3.*

§. II.

Hoc loco formularum, per corporis partes, per res qualescunque, et vero etiam per personas, amoris quasi vinculo nobis devinctas, conceptarum vis investiganda est.

Ut igitur alios, aliter hoc argumentum explicantes, missos faciam, cum Interpretes hoc tractarint ad PUFFEND. *de Offic. H. et C. Lib. I. Cap. II. §. 3.* quod ad formulas, a membris corporis humani sumptas, attinet, NOODTIO assentior (ad *Tit. D. de jurejur.*) statuenti, illum, qui per caput aut oculos ju-

jurat, in has corporis sui partes, nisi verum dicat, ultionem divinam exposcere. Ad hanc sententiam cum jurisjurandi vis, tum civitatis utilitas nos impellit, cum homines ita sint comparati, ut nulla alia re magis, quam praesentis periculi metu a perjurio deterreantur.

Quod autem attinet ad formulas, per alias personas conceptas, si illas prorsus nullius esse momenti dixerim, cum ab una parte amoris affectus, ab altera vero turpis adulatio illis originem dederit, dixero id, quod est verissimum. Etenim quo pacto dici potest, quempiam Dei vindictam in alterius caput posse jure suo invocare, et Numen supremum in insontem animadversurum, si alter peccaverit, quod non tantum rationi, verum justitiae divinae contrarium et esset, et haberetur? Quare hanc summorum virorum fuisse sententiam, qua aliorum hominum istiusmodi formulis salutem devoveri affirmant, non possum non mirari, atque igitur aliorum praeceptis obtemperare malim, qui formulas, per caput et salutem alterius ita interpre-

tantur, ac si jurantes dicerent, tam vero, quam ille vivit, tam, quod dico, verum est, vel quam vere illius vita mihi cara est, tam verum illud est, quod a me affirmatur.

Haec ad formularum naturam pertinentia, antequam ad illarum brevem enumerationem accederemus, monenda videbantur.

Itaque (cum jam ad ipsas formulas transeundum sit) primum omnium per Deos jurabant, et quidem formulis utebantur, *Dī mibi sint testes. Vos Dii testes facio. Testor Deos.* et similibus. Vid. OVID. *Heroid. Epist. XVII. vs. 142.* LIV. *L. I. C. 59.* SALLUST. *Jugurt. Cap. 70.* et *Catil. Cap. 32.* TACIT. *Histor. IV. 41.* et VIRGIL. *Aen. L. IV. vs. 492.* OVID. *A. A. L. III. vs. 457. (*)* Ad hanc rationem Graeci

ci

(*) Inde OVIDIUS *Metam. VII. 46.*
cogamque in foedera testes

Esse Deos.

Porro notandum est, ejusmodi obtestationes, etiam per alias res, frequentes esse. Nisus apud VIRGIL. *Aen. IX. vs. 429.*

.... caelum hoc et fidera testor,

Adda

ci-Θεὸς ἑνισόφους invocabant. Vid. SOPHOCLE. *Philoct.* vs. 1293. conf. VALKEN. ad *Phoeniss.* vs. 1671. Zeus ἑνισόφους apud EURIPIDEM invocatur. Vid. *Suppl.* vs. 1174. (*) Itaque vel Deos in genere, quemadmodum Legatus Romanus bellum indicens, (Vid. LIV. L. I. C. 32.) vel nonnullos peculiariter, jurantes testabantur et invocabant. Sic *Jovem*, ut perfidia, a Boccho commissae, testis adesset, Sylla obtestatur apud SALLUST. in *Jugurth. Cap.* 107. Alcmena, cum Amphitruoni persuadere vellet, se rem cum viro alieno non habuisse, per Jovis regnum, et per Junonem jurat:

Per supremi Regis regnum juro, et matrem familias

K 4

Ju-

Adde PROPERT. II. 7, 91. III. 19, 10. III. 13. 11. CLAUD. in *Rufin. L.* II. vs. 165. VIRG. *Aen.* II. vs. 431. PROP. *Eleg.* Ult.

Testor Majorum cineres.

(*) *Erant et aliae formulae apud Graecos v. c. ὅς τις* Zeus ο παντ' ὀρω αει. Vid. SOPHOCLE. *Antig.* vs. 184. conf. HOMER. *Iliad.* τ. vs. 258. *μη δὴν*, quae formula plerumque in negando adhibetur. Vid. ZEUNE ad XENOPH. *Cyr.* I. 4, 28. Ita apud Latinos ita me Rex Deorum faxit. Vid. PLAUT. *Capt. Act.* III. Sc. 4. vs. 89. Ita me Dii ament PLAUT. *Bacchid.* A. IV. S. 8. vs. 51. TERENT. *Eunuch.* A. IV. S. 1. et *Phorm.* A. II. S. 1. vs. 13.

JUNONEM, *quam me veteri et metuere est par maxime,*
Ut mi, extra unum te, mortalis nemo corpus corpore
Contigit, quo me impudicam faceret.

Vid. PLAUT. *Amphit. A. II. S. 2. vs. 201.*

Pulcherrima quoque sunt illa OVIDIANA *Heroid.*
Epist. XII. vs. 87.

Conscia sit JUNO, sacris praefecta maritis,
Et Dea, marmorea cujus in aede sumus.

Conf. *Heroid. Epist. II. vs. 41.* TIBULL. *L. III. E. 6.*
vs. 48. et IV. 13, 15. Saepissime autem Socrates il-
 lam jurabat. Vid. ZEUNE ad XENOPH. *Cyrop. L. I.*
C. 4. §. 12.

Anthia apud XENOPHONTEM Dianam testem in-
 vocat, quemadmodum deinceps quoque Eudoxus me-
 dicus per eandem jurat, in *Ephesiac. p. 15 et 45.*
 Add. OVID. *Heroid. Epist. XII. vs. 88.* conf. inprimis
 TRESLINGIUS noster *Adv. Critic. Spec. Cap. III. p. 53.*

Per Cererem et Proserpinam proprium foeminarum
 jusjurandum fuisse nonnullis placuit. Vid. SPANH. ad

CALLIM. *H. in Cerer.* init., formulam vero fuisse *Ec-cere* docent *Interpret.* ad PLAUT. *Amphis. A. II. S. I. vs. 4.*

Athenis frequenter jusjurandum per Apollinem concipiebatur, teste SPANH. ad CALLIM. *H. Apoll. vs. 68.* conf. HOMER. *Iliad. æ. vs. 86.* Saepe Tyrii Herculem jurabant, ut apud ACHILL. TAT. *Lib. V. p. 309* et HELIOD. *L. II. p. 114.* (*) Ab hoc autem jurejurando abstinebant mulieres, quia ejus Dei sacris nunquam intererant. Vid. GELL. *N. A. XI. 6.* (conf. MACROBIUS *Saturn. L. I. Cap. 12.* a Cl. CONRADI laudatus.) Hanc rationem magis probem, quam illam THYSI, putantis, iccirco foeminas non per Hercu-

K 5

lem

(*) Etenim Hercules praecipuum Numen Tyriorum erat, Vid. CHARITON p. 116. Atque inde ratio repetatur, quod Alexander Magnus ei sacrificare volebat. Vid. CURT. *L. IV. C. 2.* Qui per illum jurabant, formulam adhibebant Me Dius Fidius, de qua vid. CORT. ad SALLUST. *Catil. Cap. 35.* Non autem ita dictus Hercules, quasi filius Jovis, sed Deus fidei. Ceterum notetur error BEAUFORTII, qui Sancum et Dium Fidium ab Hercule distinguit (Vid. *Rep. Rom. T. I. p. 171.*) quoniam Ao. 1574 statua marmorea, Herculi dicata, humo eruta est, cui inscriptum erat Semoni. Sanco. Deo. Fidio. Vid. SCHARPIUS in *Dissert. Theol. p. 132.*

lem jurasse, quia Deianirae levitate interfectus fuisse dicitur. Vid. APOLLOD. *Bibl.* II. 7, 7. Cur autem viri per Castorem non jurarint, non tam facile dictu est. Vid. GELL. *l. c.* Foeminarum vero tritum est illud *Ecofer*. Vid. PLAUT. *Ampb.* A. I. S. III. vs. 10. Uterque Venerem jurabat, vid. OVID. *Amor.* II. 7, 27. et *Heroid. Epist.* II. vs. 39. PLAUT. *Rudent.* AG. V. Sc. 2. vs. 47.

Per Venerem hanc jurandum est tibi.

Ita etiam Judaei nonnunquam per Baalam, Malcham, aliosque Gentilium Deos jusjurandum praestitisse dicuntur. Vidd. loci e sacro Codice a SPENCERO *L. L. Ebraic. Ritual.* pag. 31, excitati.

Cum a plurimis populis Sol divino honore coleretur, (etenim illi sacrificabatur apud HOMER. *Iliad.* γ vs. 103.) per illum quoque jusjurandum fuisse conceptum, facile est ad intelligendum. Aegyptii itaque per Solem (sive, ut aiunt, per Osirin) jurarunt, ut Aegyptus ille apud XENOPHONTEN *SPHESIUM* pag.

66. vs. 23. της δε ετι φοβουμένης και υποπτυνουσης τον
 ηλιν επομνυι τους εν Αιγυπτω θεους σιμην τημενι. (*).

Identidem Aethiopes. Vid. HELIOD. L. IV. pag.

175. conf. idem L. VIII. pag. 384. et L. X. pag.

472. Ita quoque Climene (apud OVIDIUM *Metam.*
 L. L. vs. 768) ad Phaetontem.

Per jubar hoc, inquit, radiis infigne coruscis

Nate, tibi juro, quod nos audisque videtque,

Quo-

(*) Hunc XENOPHONTIS locum non recte mihi intellexisse videtur ABRESCHIIUS ο πανι *Obss. Misc. Nov. Vol. II. pag. 500*: cum τον ηλιν referat ad υποπτυνουσης, deceptus, ut opinor, depravata lectione τους θεους, pro qua substituere non dubito τον θεον. coll. pag. 57. vs. I. Felicius autem veram lectionem η μην pro vulgata σιμην auguratus esse videtur, conf. MARKLAND. ad MAXIM. TYR. pag. 714. Pari fere conjectura ARCHILLIS TATII locum p. 447. edit. Salm. pro επιμοσαι-ημιν. κ. τ. λ. η μην restituit Cl. RUARDI (cujus ingenium doctrinamque admirantur eruditi, humanitatem vero et benevolentiam discipuli) in *Specim. Critic. Cap. III. pag. 45*. Ad eandem ergo rationem, virum incomparabilem sanctus, apud HELIODORUM L. II. p. 117. edit. Parei pro ημιν ελευθεραν legendum puto η μην. Illa enim formula jurandi saepe numero occurrit. Vidd. ERNEST. ad HOMER. *Iliad.* α vs. 77. ZEUNE ad XENOPHONT. *Cyrop. II. 3. 12*. ABRESCH *ad Paraphr. Epist. ad Hebr. p. 424*. et VERHEYK. ad ANTONIN. LIBERAL. *Metam. pag. 6*.

Quoniam solem jurabant, mare quoque religiose invocatum fuisse, nobis non mirum videatur, neque etiam, cum mari saepe fidera, terram et alia, quae divino honore prosequerantur, conjunxisse, quemadmodum Latinus ad Aeneam apud VIRGIL. *Aen. L. XII. vs. 197.*

Haec eadem Aenea, terram, mare, fidera juro.

add. OVID. *Metam. L. III. vs. 638.* et VIRGIL. *Aen. L. VI. vs. 351.* conf. *l. l. in TRESLING. Adv. Crit. Spec. p. 53.*

Sic Callirrhoe ad Dionysium apud CHARITONEM *pag. 42.* ομοσα μοι την θαλασσαν, την κομισασαν με προς σε, και την Αφροδιτην, την δειξασαν με σοι, και τον Ερωτα τον νυμφαγωγον. Hinc mari perfidiae poenas exigendi facultatem tribuit Dido apud OVIDIUM *Heroid. Epist. VII. vs. 57.*

Nec violasse fidem tentantibus aequora predest.

Perfidiae poenas exigit iste locus.

Praecipue quum laesus amor: quia Mater Amoris

Nuda Cytheriacis edita fertur aquis. ()*

Per

(*) *Summo jure mihi in hoc loco poetae judicium desiderare*
vi-

Per Styga juratum fuisse non equidem affirmare audeam, quoniam proprium illud Deorum erat. Unde Juno:

Adjuro Stygii caput implacabile fontis,

Una superstitio superis quae reddita Divis

Vid. VIRGIL. *Aen. L. XII. vs. 816. (*)*. Cynicus tamen ille Menippus hoc sibi arrogavit, jurat enim *προς τῆς στυγας*. Vid. LUCIAN. *Dial. Mortuor.* 8. — Caeterum hodie Moluquenſes, cum bellum indicunt, coelum, mare, et terras testari, monet D'ORVILLE *Hist. des differ. Peup. du Monde. T. II. pag. 342.*

In primis Christiani illas personas in jurejurando in-

videtur NODELLUS meus, peritus ille barum rerum arbiter, cum Venus, quae nihil tanto ardore, quam Aeneae sui in Italiam adventum cupiebat, violatae in amore fidei non facile a filio poenas exactura intelligi queat. Vid. Not. Crit. Cap. IV. pag. 98.

(*) Conff. OVID. *Metam. L. II. vs. 44. L. I. vs. 188. et 737. L. III. vs. 290. et Fastor. L. III. vs. 322.* VIRGIL. *Aen. L. VI. vs. 324. et L. X. vs. 113. Addatur* HUIDEKOPER *Proeve van Taal en Dichtkunde. T. I. pag. 70.*

invocabant, quae sanctitatis commendationem habebant. Primum itaque per Deum Omnipotentem jurabant, et per Patrem quidem, Filium et Spiritum Sanctum, cujusmodi formulam exhibet MATTH. *Anal. Vet. Aevi. T. I. pag. 749. et T. II. pag. 649.* Coniunguntur nonnunquam Deus et sancti. Tempore inaugurationis suae Philippus II. se leges servaturum hac iuramentum formula promittebat: *Zoo moet mij God helpen en alle zijne Heiligen.* Vid. WAGEN. *V. H. T. V. pag. 337.* Ita quoque antiquis temporibus Comites Hollandiae iurabant, et quidem, antequam cives, se illorum imperio obtemperaturos, iurati sponderent. Vid. WAGEN. *V. H. T. III. pag. 348.*

Nonnunquam Deum et sacram scripturam iurabant. Vid. *Beßalsbrief Art. 51.* Immo vero Deum, sanctos et Evangeliorum fidem simul testabantur, et hoc modo quidem: *Sic me Deus adjuvet, et omnes sancti, fidesque sanctorum Evangeliorum.* Vid. MATTH. *Anal. Vet. Aevi. T. I. pag. 663. et T. II pag. 799.* Sim-
pli-

pliciter etiam per Sanctos jurantium exemplum exhibet
 MILLOT *Hist. Angl. T. I. pag. 328.* Hispani nonnunquam
 per *santa cruz.* Vid. CERISIER *Tableau de l'Hist. des Prov. Un. T. VI. pag. 225.*

Cum antiquitus Heroibus sacrificatum fuerit, (*)
 per illos etiam religiose affirmatum fuisse, nemo facile
 negabit. ~~Egregie~~ ad hunc morem alludit LUCANUS
 de Catone dicens.

Ecce parens verus patriae, dignissimus aris

Roma tuis; per quem nunquam jurare pudebit.

Et quem, si sceteris unquam cervice soluta,

Nunc olim factura Deum.

Vid. *Pharsal. L. IX. vs. 601.*

Romani, ut olim libera Rep. animi magnitudine et
 libertatis amore maxime excellebant, ita deinceps per-
 dita libertate, priscae gloriae immemores, tyrannidi
 ob-

(*) Hoc enim factum fuisse ex PLUTARCHO in *Thesco*
pag. 17. et in Cimone pag. 483. quae loca mihi
auctor operis voyage d'Anacharsis en Grece suppedit.
tavit et plura dabit T. V. pag. 229. conf. SPENCER
Legg. Ebraic. Ritual. p. 898.

obtemperantes, tanta fervilis ingenii documenta, quantaq; majores dignitatis et fortitudinis, protulerunt. (*)

Non tantum Imperatoribus, qui mortem cum vita commutarant, templa extruebant, quemadmodum Augusto factum esse novimus, qualemque honorem Tiberio Hispania ulterior concedi volebat, Vid. TACIT. *Annal. L. IV. C. 37.* Non tantum igitur illos isto honore prosequabantur, verum etiam per illorum gentium et salutem jurabant, cum Claudii instituto obtemperarent, qui *jusjurandum neque sanctius, ne-*

que

(*) Ut Romanorum effrenis fuerat libertas, dum Resp. stetit, ita et adulatio sine modo fuit, postquam uni parere coacti sunt. Qua in re poetae praesertim pudendum caeteris exemplum praebeunt. *Ita recte* GORALLUS ad PED. ALBINOV. vs. 59. — *Augustum praecipue poetae adulatione sua profecuti sunt. Indigna sunt illa* PROPERTII *L. III. El. 9. vs. 68.*

Vix timeat, salvo Caesare, Roma Jovem.
Conferantur HORAT. *Carm. L. IV. Ode 14 in fine et L. I. Ode 12.* OVID. *Metam L. I. vs. 200. seq. Fast. L. II. vs. 127. sq. Trist. L. V. El. 8: vs. 29. et inprimis illa.*

Di, precor, atque adeo, (neque enim mihi turba
roganda est)

Caesar, ades voto, maxime Dive, meo.
in Trist. L. III, El. I. vs. 77.

que crebrius instituit, quam per Augustum. Vid. SUET.
in Claud. Cap. II.

Ut foeminae suam Junonem, ita viri genium habere credebantur, qui illos, ad ea, quae agenda essent, impellerent, ab illis autem, quae omittenda essent, advocaret. Ita saltem Genium suum Socrates, humanae sapientiae oraculum, intelligebat. Vid. CICERO *de Divinat. L. I. C. 54.* (*) Quamquam et alii fuerunt, qui unicuique duos genios, alterum bonum, alterum malum tribuerent. (**) Vid. omnino CL. OTTO *in Dissertat. de Perjurio per Genium Principis. Cap. II. §. I. (Dissertationum P. I. pag. 263.)*

L

Mag-

(*) *Nemo, nisi qui ipsam antiquitatem ignorat, est quin sciat, quanta de Genio Socratico inter eruditos controversiae fuerint.* Vid. ROLLIN. *Hist. Anc. T. IV. pag. 359.* Recte vero BRUCKERUS (*Hist. Philol. Period. I. Part. Post. L. II. Cap. 2. §. 5.*) *de hac re, melius est, inquit, ignorantiam fateri, quam temere aliquid statuere.*

(**) *Inde HORATIUS Epist. L. II, 2, vs. 187.*
Scit Genius, natale comes qui temperat astringum,
Naturae Deus humanae, mortalis in unum
Quodque caput, vultu mutabilis, albus et ater.

Magnus profecto Geniis honor habebatur, unde **TRIBULLUS** Osirin precatur

Huc ades, et centum ludis Geniumque choreis

Concelebra, et multo tempora funde mero.

Vid. *L. I. El. 7. vs. 49.* conf. *L. IV. El. 5. vs. 7.* Cum Genius divinitatis particeps haberetur, et Principis Daemoni arae et templa ponerentur (Vid. *Cl. OTTO in Dissert. laud. Cap. II. §. 2.*) per illum juratum fuisse, non est, quod miremur, neque cum **CARPZOVIO** facere audeam, qui illud jusjurandum *impium et profanum* vocat. Vid. *Pract. Crimin. P. I. Q. 46. no. 40. pag. 299.* Etenim ad rationes istorum temporum cum accommodata ratiocinatio instituenda sit, per Genium jusjurandum posse concipi, aequè ac per alias personas, quae divinitatis participes habeantur, affirmare nullus dubito. Sed per Principis genium, diversum a caeteris, illisque majorem juratum fuisse, si indignam adulationem existimem, vere mihi videar existimare. Sua laus igitur tribuatur

Po-

Polycarpo, qui hac formula se adigi noluit, vid. GROTIUS ad MATTH. *Cap. V. vs. 34.* CAROLUS autem MAGNUS summa laude cumulari meretur, quod morem istum prohibuerit. Conf. OTTO ad PUFFEND. *de O. H. et C. Lib. I. Cap. II. §. 3.* et inprimis in laudata *Dissert. Cap. II. §. 7. (*)*.

Quemadmodum neminem fore arbitror, quin formulae per genium Principis jurandi adulationem dedisse originem mecum consentiat, ita quoque, meo judicio, vere dicam, si amoris affectum homines excitasse, ad jusjurandum per personas sibi carissimas concipiendum, affirmem. Per Hephæstionem religiosissimum fore jusjurandum, Alexander voluit teste FREINSH. ad CURT. X. Cap. 4. Ita per Drusillae numen Caligula, vid. SUET. *in vita Cap. 24.*

Ad hanc itaque rationem nobilissimus ille locus MARTIALIS, cujus explicatio tantos dissensus inter

L 2

eru-

(*) *Exteris gentibus haec quoque recepta formula. Vid. CURT. VI, II. 18.*

eruditos excitavit, nobis explicandus esse videtur.

Locus ita se habet.

Ecce negas jurasque mihi per templa Tonantis.

Non credo: jura Vorpe per Ancbialum.

Vid. *Lib. XI. Epig. 95.*

MARTIALIS contra Judaeum quendam, quasi turpem consuetudinem cum puero suo habuisset, suspicionem fovebat; Judaeus, ut criminis suspensionem a se averteret, illud a se perpetratum esse negat, negationem autem jurejurando, *per templa tonantis*, (*) confirmat. Non credit MARTIALIS, jurari autem *per Ancbialum* cupit. Quis igitur ille *Anchialus*? Optime GESNERUS (*in Nov. Linguae Rom. Thesauro T. I. pag. 330. in voce Anchialus*) SPENCERUM secutus est, qui post RIGALTIIUM, *Anchialum* (**) ita interpretatur, ut sit ipse ama-

fi-

(*) *Judaei saepenumero per templum, i. e. per illum, cui templum consecratum est, jurabant. Vid. GROTIUS ad MATTH. Cap. XXIII. vs. 21. et 22.*

(**) *Multi huic nomini (Anchialo) notionem Hebraicam tribuere voluerunt. Omnium fere, qui de hoc loco scripserunt, sententias exhibuit SPENCER de Legg. He-*

sius, quo cum Judaeum nefandam Venerem exercuisse, poeta sibi persuadebat. Et haec sententia multum habet, quo se tueatur, cum Veteres in jurejurando, ut majorem assertionibus fidem adderent, illud obtestarentur, quod statim perjurii poenas irrogaret, nocendique vim et haberet, et exercere posset. Ergo rectè MARTIALIS significare videtur, pejeraturum facile Judaeum, quidquid juret aliud: pro amore autem in *Ancbialum*, per illum non juraturum falso. Praeterea nomen *Ancbiali* non incognitum fuit Romanis, cum *Ancbiale*, Urbs Thraciae, a Sardanapalo condita, existeret. Vid. SIMSONII *Cbronic. pag. 945.* (Edit. WESSEL.) Memorat adhuc *Ancbialum* praedonem XENOPHON EPHES. *pag. 60.* Conff. quae dedit

L 3

GES-

Hebr. Ritual. pag. 631. Conff. A. L. ZACHARIAS in *Biblioth. Brem. Nov. Clas. V. pag. 367.* et NIC. BARKEY *pag. 389* sq. *illosque secutus* WALCHIUS *Dissert. de jurej. pag. 33.* *Nos autem ab his diversam* SPENCERI *explicationem, missis* ISAACI VOSSII (cui assentitur BYNKERSHOEKIUS in *OBSS. Jur. Rom. Lib. VI. Cap. 2*) et Doct. VAN ROYEN (vid. *Conject. Critic. pag. 72.*) *conjecturis, sequamur.*

GESNERUS *L. I.* Denique pueros meritorios (quos quanti Veteres facerent, vel una Elegia TIBULLIANA *L. I. 9.* evincat) saepe jurabant, atque adeo nostram de *Anchiale* sententiam moribus receptis non repugnare, nemo non videt. Ita, ut unum XENOPHONTEM proferam, Abrocomas Hippothoum per Hyperanthem, ejus amasium, adjurat. in *Epbesiac. p. 43.*

Enimvero, sicut adulatio causa fuit, quod per Genium Caesaris juraretur, et amoris affectus homini persuasit, ut, per personas, quibus cum amicitiae vel amoris societatem habebat, jurejurando se adigeret, ita quoque superbia et animi elatio Reges et Nobiles incitavit, ut sola formula *per fidem Principis* vel *Nobilium* se obligarent. Ita in detestabili illa proscriptione, quam contra *Patris Patrem* Philippus secundus edidit, omnia promissa *per fidem Regis* affirmabantur. Vidd. WAGEN. *V. H. T. VII. pag. 346.* et CERISIER *T. III. pag. 444.* Et Nobiles Batavi in nobilissima illa declaratione (vulgo *Acte van non pre-*

prejuditie). sibi legum suarum privilegiorumque observantiam hac formula promiserunt, *bij adelijke trouwe, eer, en vroomigheid*. Vid. WAGEN. *V. H. T. X.* pag. 338. Hanc formulam multa ante secula in usu fuisse, colligi merito potest. Vid. MATTH. *Anal. Ves. Aevi T. V.* pag. 601. (*) Apud Anglos juravit Henricus III. *Foi d'homme, Foi de Chevalier, Foi de Chevallier. Foi de Roi*. Vid. MILLOT *Hist. Angl. T. I.* pag. 193. *Foi de Gentilhomme* admodum tritum erat Francisco I. Galliae Regi. Vid. BURY *Vie de Henri IV. T. II.* pag. 123. sq. (**).

L 4

Ve-

(*) *Dicunt enim Nobiles, qui Jacobae Bavariensi fidem et obedientiam pollicebantur, Alle deeze voersz. punten, geloften, ende voorwaerden, hebben wy ten heyligen met opgerechten vingeren onbedwongen bewooren met lyslicken ende gestaefden eede by onser trouwen ende eeren vast ende volcomelycken te houden.*

(**) *Auctor laudatus, lepidum Galli cujusdam versiculum, nonnullorum Regum affirmandi formulas continentem, memorat.*

Quand *La Pague Dieu* deceda LOUIS XI.
Par le jour Dieu lui succeda CHARLES VIII.
Le Diable m'emporte s'en tint pres. LOUIS XII.
Foi de Gentilhomme vint apres, FRANCOIS I.

Verum enim vero cum nullum sit jusjurandum, quod non divinae vindictae invocationem contineat, hae formulae nullius sint momenti, et nunquam pro vera affirmatione habeantur. Conf. OTTO ad PURFEND. *de O. H. et C. Lib. I. Cap. II. §. 3.* Ejusdem quoque pretii sint formulae a rebus desumptae, v. c. per cramben, et per capparin, quod proprium erat Zenonis, vid. COEL. RHODIG. *Lect. Antiq. L. XXVII, C. 28.* per sceptrum, ut Achilles apud HOMERUM *Iliad. α vs. 234.* (*) per arma, quod Normannorum erat, vid. MILLOT *Hist. Gall. T. I.*

pag.

(*) Ita quoque Latinus apud VIRGILIUM *Aen. L. XII. vs. 206. quem VIRGILII locum ex Homero adumbratum esse egregie docet summus HEYNIUS. Pulchra quoque est imago Turenii, cum dicat*

Votre attente, o Grand Roi, ne sera point trompée
Lui repondit Turenne, embrassant ses genoux:
J'en atteste ce fer, et j'en jure par vous.

Vid. VOLTAIRE *Henriade Chant. X. Nec minus illa nobilissimae virginis, καλεῖσθαι ita dictae,*

J'ose a tes yeux jurer par mon courage,
Par cette épée, et par mon pucelage
Que tu seras huilé bientôt a Rheims.

Vid. *La Pucelle Chant. II.*

pag. 122. Vel per omnia illa, quae enumerat JUVENALIS *Satyr. XIII. vs. 78. sq.*; Haec, inquam, nullius valoris, sed potius poetices ornamenta et orationis, animorum motus exprimentis, elegantiae habeantur. (*) Sic Brutus per castissimum Lucretiae sanguinem se *Tarquinium superbum* exsequiturum jurat. Vidd. LIN. *L. I. Cap. 59.* et OVID. *Fast. L. II. vs. 839.*

Stillantemque tenens generoso sanguine cultum,

Edidit impavidos, ore minante, sonos:

Per tibi ego hunc juro fortem castumque cruorem,

Perque tuos Manes, qui mihi numen erunt:

Tarquinium poenas profuga cum stirpe daturum.

Jam satis est virtus dissimulata diu.

Qui de Ritibus et formulis plura cupit, adeat ANNAEUM ROBERTUM *Rer. Judicat. L. I. Cap. II.*
Nos jam hic subsistamus.

A 5

CA-

(*) *Quantam iis fidem attribuerint poetae, patet e solo Tibulli loco L. II. El. VI. vs. 13. Ejusdem est, et Ovidii doctrina:*

— Perjuria ridet amantum

Jupiter. — — —

C A P U T IV.

*DE PERJURIO ET VIOLATI JURIS**JURANDI POENA.*

§. I.

Cum in omni re id agendum sit, ut ejus notionem animo comprehensam habeamus et insignitam, dum ultimo loco perjurii crimen, pro ingenii tenuitate, tractandum videtur, ab exponenda ejus notione initium faciam.

Primum omnium quidem Cleanthes, ejusque discipulus Chrysippus, duo praestantissimi Philosophi, uterque Stoici, (*) occurrunt, de perjurii notione di-

ver-

(*) Conf. BRUCKER *Hist. Phil. Per. I. Part. Post. L. II. C. 9. Sect. 2.*

verba statuentes: cum Cleanthes *εὐορκεῖν* inter et *ἐπιορκεῖν* distingueret, Chrysippus autem, non modo *ἀληθορκεῖν* inter, et *ψευδορκεῖν*, differentiam statueret, sed Cleanthis quoque distinctionem aliter interpretaretur. Vid. STOBÆI *Serm.* 28. pag. 196. cf. GROTI. ad MATT. Cap. V. vs. 33. Cleanthes, in jurejurando fidei servandae animum habere, vel contrarium sibi jurantem proponere, statuebat, hoc *εὐορκεῖν*, illud vero *ἐπιορκεῖν* vocabat. E contrario, ut Chrysippi opinio fert, in ipso jurisjurandi negotio primum aliquis *ἀληθορκεῖ*, vel *ψευδορκεῖ*, i. e. vel rem, re vera ita se habentem, jurejurando affirmat, vel aliquid jurat, quod, licet falsum sit, verum tamen esse arbitratur. Praeterea, quemadmodum quis, non tunc temporis, cum paciscitur, sed cum pacti conditionibus obtemperandum est, conventis stare, vel ab illis recedere dicitur, ita quoque quemcunque, qui se alteri affirmatione religiosa obligat, non hoc temporis articulo, quo jurat, sed, cum promissionem juratam exsequi

de-

débet, vel hominem probum, vel perjurum dici haberi-
que, atque adeo *eupræm* vel *exiopræm* arbitratur. Haec
Chryssippi sententia, quae Cleanthis opinionem subvertit,
digna, quam amplecteretur, CICERONI, cujus au-
thoritatem sequimur, visa est, cum *falsum jurare*, in-
quit, *non est perjurare, sed quod ex animi tui senten-*
tia juraris, sicut verbis concipitur more nostro, id non
facere, perjurium est. Vid. *de Offic. L. III. C. 29.*

Distinguunt porro nonnulli inter PEJERATIONEM et
PERJURIUM, cum PEJERATIONEM dicant, *juramentum*
ejus, qui, se verum dicere jurat, dum falsum dicit.
PERJURIUM vero, *violatio juramenti, quando scilicet*
non facis, quod te facturum ex animi licet tui senten-
tia jurasti. Vid. WOLFII *Instit. Jur. Nat. et Gent.*
§. 371.

Re vera, missis distinctionibus, perjurium *species*
laesae Majestatis divinae est, et mendacium, jurejuran-
do firmatum: Vid. CARPZOV. *Pract. Crim. Part.*
I. Quaest. 46. p. 195.

Qui-

Quicumque ea, quae superiore disputatione dicta sunt, et illam maxime partem, quae jurisjurandi vim moralem attingit, attenta mente consideret, is, cum in servanda fide tanta sit laus, tanta religio, in ea negligenda, et vero etiam vituperanda, magnam sitam esse turpitudinem et impietatem, sibi in animum inducet. Etenim cum pejurando hominum expectationem, imprimis illorum, quibus juratum est, turpiter fallamus, amoris, iis debito, vim inferimus, et nonnunquam societatis ordinem conturbamus, cum nulla sit societas, quae sine fide consistat. Quod vero in hoc crimine summum est, Numen supremum contemnit perjurus, vel, si non contemnit, ei tamen reverentiam debitam denegat.

Et nihilominus non anquirendum est, quae causa turpium eorum criminum sit, dum nullum officium tam sanctum est atque sollemne, quod non detestabilis illa ambitio, ejusdemque socia, scelerata avaritia, comminuere ac violare soleat. conf. CICERO *pro Quintio*.

de Cap. 6. Unusquisque enim, qui mentis humanae cognitionem complectatur, cumque ea historiam coniungat, facillime cognitum habebit et perspectum, ambitionem et avaritiam, fidei illas felicitatisque et quietis (*) inimicas, in hominum animis domicilium quasi collocasse, imo regnum tenuisse. (**) At, cum natura ita facti simus, ut ea cupiamus, quae rationes nostras augere, et vero etiam adjumenta quaedam magnitudinis nostrae esse videantur: mirari definamus, haec vitia nos tam facile allicere ad se posse, et quasi retibus irretitos habere. Ut enim res multae, quae suaviter quidem, externa pulchritudinis specie, sensus nostros afficiunt, non modo nihil ad felicitatem nostram profunt, sed eam potius impediunt, ita ambitio et avaritia nitido quasi amictu, iis hominibus, qui

(*) *Ex rei veritate mihi dixisse videtur. Illustr. LARREY Hist. des Sept. Sages. T. I. pag. 229.* L'Ambition et L'Avarice fatiguent également ceux, qui sont remués par ces Passions, et ceux, contre qui elles les mettent en mouvement.

(**) *Vid. supra Cap. I. pag. 8. sq.*

qui nihil antiquius habent, quam honorum divitiarumque copiam sibi congerere, se commendantes, iis perniciosissimae sunt, cum *illos falsos fieri* non tantum *subigant*, (ut ait SALLUST. *Bell. Catil. Cap. 10.*) verum etiam ad perjurium impellant, et a fide avocent. Si jam ex hominum natura ductis rationibus, historiam quoque in auxilium cogamus, vitia illa, non ansam quasi dedisse, sed causam et fundamentum perjurii fuisse, nulli dubitabimus.

Nemo est, qui sordidam Carthageniensium avaritiam ignorat, nemo, quin illos omnium mortalium perfidissimos sciat, et cum perjurii crimine tam familiares, ut *Punica fides* in proverbium abierit. Vid. CORTE ad SALLUST. in *Jugurt. Cap. 108.* conf. ERASM. *Adag. pag. 347.* (*) Porro, cum Romanis tanta esset

(*) *Perfidissimi sane erant Poeni: plus semel enim a pactis decessere.* Vid. SIGON. ad LIVIUM L. XXI. Cap. 2. *Merito inde foedifragi dicuntur* CICER. *de Offic. L. I. C. 12.* gensque astu fallere laeta SIL. ITALIC. L. VI. vs. 482. *Quid ergo dicendum de Annibale, qui perfidia plus quam Punica erat* teste

set dominandi libido, qua sibi auctoritatem quasi fatalem crederent, tot perjurii documenta dederunt, quae nemo, nisi qui plane in historia hospes est, ignorat. Gentes commemoro, (*) quid tandem de personis privatis? Quot non inveniuntur, qui, ut quid conse-

quan-

LIVIO L. XXI. Cap. 4? *Aliter vero Asbenienses comparati erant, quorum in Romanos tanta fides fuit, ut, quidquid sincera fide gereretur id Romani, Attica fieri, praedicarent. Vid. VELLEJ. PATERC. L. II. C. 23. no. 5. Male Interpretes, ut ad b. l. observat BURMANNUS Graecam fidem et Atticam confundunt, cum Graeca in malam partem diceretur, ob fallaciam et levitatem huic genti tanquam propriam. Vid. RADERUS ad CURT. L. VII, C. 8, 29. ERASM. Adag. pag. 577. Testimoniorum (inquit CICERO pro Flacco Cap. 4.) religionem et fidem nunquam ista natio (quam in Oratione pro Ligario Cap. 4. idem levem vocat.) coluit. Effet profecto exoptandum, illud, quod olim apud quendam Americae populum obtinuisse testatur D'ORVILLIUS (Hist. de differ. Peupl. du Monde. T. V. pag. 218.) ad nostram quoque gentem posse referri. Sed vid. RAYNAL. Hist. Phil. Pol. T. I. pag. 345.*

(*) Carthagenienses tantum et Romanos memoravi; sed quid de Thessalis et Laconibus statuendum sit videri potest, dans le voyage d'Anacharsis en Grece. T. IV. p. 105. conf. EURIP. *Androm.* vs. 446. sq. De Cretensibus nobile est Epimenidis dictum, Κρητες αὐτὸ θεοὶ, laudatum illud a PAULO in *Epist. ad Tit.* C. I. vs. 12. Caeterum quam familiare perjurii crimen Regibus fuerit, praeter illa, quae supra Cap. II. pag. 69. exposuimus, multis ostendit ANNAEUS ROBERT. *Res Judicat.* L. I. C. II. p. 200.

quantur, vel quaecunque periculum vitent, (*) facile se perjurii foeditate commaculati patiantur?

Cum itaque originem et causas perjurii consideraverimus, illasque a vitiis, quae multis hominibus quasi fatalia sunt, repetendas esse arbitrati sumus, age, tam taetri criminis consecutionem necessariam proponamus.

Primum ergo hoc certum habeamus, planeque nobis persuadeamus, cum promissa invocatione Dei confirmata violamus, nos religionem contemnere, sine qua nulla gens splendorem suum conservare, libertatem tueri, tranquillitatem et felicitatem intactas posteris remittere potest. Et quis, quaeso, magis a Numine supremo alienum se profitetur, quam, qui, simulata erga illud reverentia, alterum decipit? Deum ergo

M

re-

(*) *Pulchra sunt illa, quae de ejusmodi metu leguntur apud CHARRON. de la sagesse L. III. C. 8. n. 7.* C'est donner temoignage de mepriser Dieu, et de craindre les hommes. Or qu' y a t-il de plus monstrueux, que d'être couard a l'endroit des hommes, et brave a l'endroit de Dieu?

religionemque cum se nihili aestimare perjurus ostendat, officia, quae homo homini debet, parvi pendat quoque, aliorum felicitatem, de sua tantummodo follicitus, nihil curet, bonos mores negligat, et cum leges, ut recte HORATIUS (*) pronunciat, sine moribus vanae sint, et nihil proficiant, illas contemnat necesse est. Praeterea, quoniam *firmamentum stabilitatis, constantiaeque ejus, quam in amicitia quaerimus, fides est*, (verba sunt CICERONIS *de Amicit. C. 18.*) nunquam amicitiae focius sit fidei contemptor, cum, suas omnes cogitationes abiciens in utilitatem suam, sanctissimum amicitiae vinculum facile dissolvat. Et, quamquam natura gigni sensum diligendi, et benevolentiae caritatem intelligat, tamen amorem, vel dicam potius conjugium (ita comparatum natura, ut jucundissima, illaque aeterna societas iniretur,) commodorum rationibus in consilium adhibitis, despecta fide repudiabit, contemnet perjurus. Haec ne quis magni-

(*) Vid. *Carm. L. III. Ode 34. vs. 35.*

nificentius, quam pro rei veritate, dicta putet, cum, quicumque mecum vel unam civitatem Romanam consideret, is, ubi perjurium saepenumero committitur, sibi quoque, quicquid ad officia, Deo debita, et ad boni viri notam pertineat, despectum jacere et obsoletum, mihi statuenti assentiatur. Quot quantique apud Romanos inventi sunt, qui in testimoniis, in judicio dicendis, minime religiosi versabantur? Quot testamentorum subjectores, et circumscriptores? (*) Conf. SALLUST. *Bell. Catil. Cap. 16.* Quot, qui creditum abjurabant, jurejurando affirmantes, creditoribus, sua repetentibus, se nihil debere? Vid. CORTE ad SALLUST. *Bell. Catil. Cap. 25.* (**) Quot amicitia juncti, qui sanctissimam societatem turpiter

M 2

vio-

(*) *His merito LEX CORNELIA de falsis poenam irrogat. Vid. §. 7. Instit. de Publ. Judic.*

(**) *Ad hunc morem alludit PLAUTUS in Prolog. Rudent. vs. 13.*

Qui falsas lites falsis testimoniis
Petunt: quique in jure abjurant pecuniam,
Eorum referimus nomina exscripta ad Jovem.

violabant? Quot amantum perjuria? (*) Sed omnia persequi longum est.

Cum itaque ea hominum perversitas fit, ut a fide saepenumero declinent, et vero etiam in gravissimum perjurii crimen incidant, est profecto, quod laetemur, poenas cum divinas, tum humanas in perjuros esse constitutas.

§. II.

Jam vero ab ipso perjurio ad hujus criminis poenas sua sponte delabitur disputatio. Ipse Deus Opt. Max. id ubique egit, ut homines rationis tanquam freno a crimine cohiberet, cum vero ejusmodi imperium derectarent, neque Dei monitis parerent, ostenderent-

que,

(*) *De bis queritur Ariadne apud CATULLUM Epistal. vs. 143. sq. Non ejusmodi sunt, quae in re amatoria poetis laudantur, et de quibus Cap. III. p. 169. verbo diximus, ubi addi meretur carmen Sophocleum apud STOBÆUM Floril. Serm. XXVIII. p. 196, et Platonis de illis dictum ibidem Serm. LXI. p. 393, quod imitati sunt TIBULLUS L. I. El. 4. vs. 21. et HORAT. Carm. L. II. Ode 8. vs. 13. conf. NODELLUS meus in Not. Crit. C. IV. p. 103. Lepidum est de jurejurando amatorio ROUSSAVII dictum Jure moi, non par l'amour, ferment qu'on ne tient, que quand il est superflu, mais par ce nom sacré de l'honneur. Vid. La Nouvelle Héloïse. T. I. p. 132.*

que, altius in animos descendere exempla vindicati
criminis, quam praecepta, quibus a Deo ad virtutum
studia ducebantur, Numen supremum, ut alia vitia,
sic perjurii illud suppliciorum metu depellere instituit.
Primum itaque Deus, ne perjuria committerentur,
edixit, (Vid. *Levitic. XIX. vs. 12.*) atque identidem
edictum, facta futurae poenae mentione, firmavit: v.
c. *Exod. XX. vs. 7.* et *Deuter. V. vs. 11.* Itaque
Judaei jurisjurandi vim intactam servabant, et nihil
magis metuebant, quam a Dei monitis deflectere,
(vid. *Josua IX. vs. 20*) cum, si ipsi jam poenas ef-
fugerent, eae tamen liberis et nepotibus infligerentur.
Vid. GROTIUS *de J. B. et P. L. II. C. 21. §. 14.*

Magna sine dubio est et perdifficilis quaestio, an,
filium paterni criminis heredem fieri, aequitati con-
sentaneum sit. Et profecto dijudicatio hujus rei, de
qua jam antiquis temporibus varia fuit Philosophorum
sententia, nobis latum, in quem excurreremus, cam-
pum praeberet, si in hoc spatium ingredi vellemus.

Sed, cum illud nos nimis a proposita via abducatur,
de hac re pauca proferre satis habeamus.

Dicent fortasse nonnulli; ista sane injusta sunt,
posteroribus ob delicta Parentum puniri, cum ipsi sint
infantes, et a tanto crimine abhorreant; atque iccirco
EURIPIDIS, Deis, majorum delicta posteris imputanti-
bus, iniquitatis labem adspurgentis (*) querelam, su-
am facient. Porro, si perjurus sceleris poenas effu-
gerit, igiturne illae a posteris expetentur? si pater de-
liquerit, filiusne condemnabitur? Haec satis speciosa
sunt, atque ita quoque ratiocinari videtur *Timon* ille
apud PLUTARCHUM *l. l.* Ad talem vero ratioci-
nationem, secundum GROTIUM, brevis est respon-
sio. Cum Deus dominio pleno in homines gaudeat,
utcumque velit, de vita et rebus nostris constituere po-
test, atque adeo suo jure in posteroribus majorum delicta
vindicat; quantus vero criminis reum dolor afficiat,

■

(*) V. PLUTARCH. *de Sera Num. Vind.* pag. 48.
et WYTTENBACH. *V. Cl. in Animadv. ad hunc librum*
pag. 63.

si filios et nepotes, sua culpa miseros, sibi persuaderat, omnes facile intelligunt, qui ipsam humanam naturam non ignorant. Cum ergo Deus id maxime egerit, ut ipsos criminis reos hoc modo castigaret, lex divina ultra abnepotes, quos superstites, atavus perjurus adspicere poterat, non progreditur, quemadmodum observat GROTIUS *de J. B. et P. L. II. C. XXI. §. 14.* — Sed quid homunciones, in Dei consilia, nobis ignota, curiose inquiremus? (*)

Cum et Graeci et Romani suos quoque Deos tales esse putarent, qui non tantum de genere hominum bene mererentur, verum etiam, qualis quisque esset, quid a-

M 4

ge-

(*) *Haec hac de re vir Doctus et amicus mecum communicavit.* „vulgari legis divinae interpretationi, qua
 „Deum O. M. parentum crimina in liberos vindicare probent, obstat locus *Ezechiel XVIII, 20.* Quid?
 „quod Deus *Exod. XX, 5.* indicat, se esse eundem
 „illum, qui Israelitas, eorumque, ratione idololatriae
 „vestigia parentum secutos, liberos et nepotes circiter IV. secula servitute Aegyptiaca puniverat, tandemque, qui quarto in linea recta gradu ab istis distabant, in libertatem redegerat, seque adeo id, quod Abrahamo *Genes XV: 13 et 16.* praedixerat, jam impluisse. Sed haec *απαργα.* — *Illud απαργα* tamen latiore inquisitione meretur, neque ab eo me valde alienum esse sentio.

geret, iatuerentur, (*) et tum piorum, tum impiorum rationem haberent, quam late pateat apud illos divina de perjurio vindicta, facile est intellectu. Et profecto, quoniam Dii, quicquid contra religionem admitteretur, graviter ulciscabantur, (vid. CICER. *de Legg. L. II. C. 17*) perjurii poena per se maxima esse credebatur. Pulcherrima sunt, et digna, quae hoc loco memorentur ista poetae:

Οξυς θεων σφθαλμος εις τα παντ' ιδειν,

Ερος θ' εκας ενειν ουχ ορμαινον

Τοις ζωσιν ημιν, ουδε προσδοκωμεν

Λαιμονον, ω μελει τα του θητου βίου,

Λικην δεδωκεν ω τε της επιρκιας. (**)

Sunt, praeter haec, multa, quae hic excitari possint, poetarum inprimis, loca; sed ea jam dudum, prae aliis, VALCKENARII diligentia collegit, vid.

(*) *Conf. Interpretes ad PLINII Panegy. Cap. 80.*

(**) *Haec, quemadmodum a Cl. LUSACIO correpta et emendata sunt, exhibere non dubitavimus. Conf. Exercit. Acad. Cap. VIII. p. 151.*

vid. *Diatrib. Eurip. pag. 186.* Pauca tamen, nescio num ab aliis occupata, cum lectore communicabo. Plerique feram Numinis vindictam memorant, qua Deos, licet lento gradu ad ultionem procederent, commissi tamen perjurii memores, tarditatem supplicii gravitate compensare significarent. (*) Ad hanc rationem Agamemnon apud HOMERUM, cum Menelaus contra datam acceptamque fidem a Pandaro vulneratus esset, perfidia ista fore, ut suam poenam fortia-
tur, praedicat, additque egregie.

Εἰπερ γὰρ τε καὶ αὐτὸς Ὀλυμπίος οὐκ ἐτέλεισται

Ἐκ τε καὶ οἷε τέλει σὺν τε μεγάλῃ ἀπίστειαν

Σὺν σφῆσι κεφαλῆσι, γυναιξί, καὶ τέκνεσσιν.

M 5

Vid.

(*) SOLONIS *illud* πάντως ὑστερον ἤλθε διὰ (Vid. *Poet. Gnom. a BRUNCKIO editi pag. 74.*) *cujusque animo insculptum sit, neque illud ejusdem praetereamus;*

ἡ σιγῶσα συναδε τὰ γιγνομένα, πρὸ τ' ὅντα
τῷ δὲ χρόνῳ πάντως ἤλθε ἀποτισομένη.

Vid. l. l. pag. 79, et conferatur bujus *Elegiae elegantissima MELANCHTONIS versio, a BRUNCKIO exhibita in Oper. citat. pag. 88; Add. Cl. LUSACIUS Exercit. Acad. Cap. IV. pag. 73. Merito inde Dei, Scelerum Ultiores, dicuntur. Vid. ARNTZEN. ad PLINII Paneg. Cap. 49.*

Vid. *Iliad.* 3 vs. 160. (*)

Cum perjuri, tum metu, tum conscientia, ob contemtam religionem, suos ipsi animos vexent, (**) et in poenam divinam incurrant, necesse sit, recte LUCRETIVS *L. V. vs. 1155.* cecinit:

Nec facile est, placidam ac pacatam degere vitam,

Qui violat factis communia foedera pacis.

Et si, fallit enim Divum genus, humanumque,

Perpetuo tamen id fore clam, diffidere debet.

Conf. JUVEN. *Satyr. XIII.* init.

Quae poetarum loca, a nobis prolata, si cum aliis

con-

(*) *Hic quoque nobilissimum illud TIBULLI dictum meminisse juvat.*

—— ——— Et si quis primo perjuriam celat,
Sera tamen tacitis poena venit pedibus.

Vid. *L. I. El. 4. vs. 21.*

(**) *Ideo hoc causae fuisse putem, quod ante simulacrum Jovis, τοῦ Ὀπύου, (ita enim appellabatur hominum pater atque Deorum vid. CUJAC. Obsf. L. II. C. 19. aequae ac πῶτος vid. DIONYS. HALIC. L. IV. p. 257.) aenea tabula fuerit, in qua incisi Elegi, teste PAUSANIA, ad pejerantium terrorem compositi: vid. ANN. ROBERT. Rer. Judicat. L. I. Cap. 11. pag. 188.*

conferamus, hoc ad intelligentiam nostram inde consequemur, quod, Deos perjuris, quos divini supplicii metus a scelere revocare non potuerit, non solum iratos, sed ultores et esse, et haberi agnoscemus. Atque hanc causam esse puto, cur VALCKENARIUS V. Cl. illa, quae apud Stobaeum leguntur, sic mutata

(Συγγνωμάς τοι τοὺς θεοὺς εἶναι δοκεῖς,

Ὅταν τις ὀρκῷ θάνατον ἐκφεύγειν θέλῃ

Ἡ δόρμον, ἢ βίαία πολέμων κακὰ,

Ἡ τοῖσιν αὐθενταῖσι κοινῇ δόρμον

Ἡ γὰρ ἀπὸ θήσαν εἰσὶν ἀσυνετώτεροι,

Εἰ γὰρ ἀπεικὴ προσθεῖν ἡγούνται δικῆς.)

interpretatus sit, (*) ac si poeta dixisset, Deos nunquam lenitati locum dare, neque jure indulgentiam anteponere. Sed, si de hoc carmine iudicium ferre mihi concederetur, potissimum ad Cl. LUSACII interpretationem accedens, saepenumero Deos aequitatem summo juri praeferre, poetam dixisse statuerem.

(*) *Vid. Diatr. Eurip. pag. 187.*

rem: vid. *Exercit. Acad. Cap. VIII. pag. 157.* Etenim Dei nonnunquam, uti diximus, tarde ulciscuntur, unde egregie Cynthiam suam, ne iterum pejerando Deorum poenas in se provocet, PROPERTIUS monere videtur:

Desine jam revocare tuis perjuria verbis

Cynthia; et oblitos parce monere Deos.

Vid. L. I. El. 15. vs. 25. ()*

Neque tantum in perjuros ipsos, verum in posteros quoque, ob hanc sceleris atrocitatem Dii animadvertere credebantur. Dictum Euripidis exhibuimus; (**) sed videantur inprimis VALCKENARII annotata ad *Hippol. vs. 826.* et WYTTENB. in *animadv.* ad FLUTARCHI *l. l. pag. 63.* Caeterum, ut exempla in auxilium vocemus, posteros Laomedontis ob ejus perfidi-

(*) Ita, mihi locus PROPERTII explicandus esse videtur, cum vis vocabuli revocare hanc interpretationem patiatur. Vid. GRONOV. laudatus a NODELLO V. Cl. in *Obss. Critic. pag. 73.*

(**) Vid. *supra Cap. IV. pag. 182.*

diam punitos esse, nota res est, et apud omnes fere poetas pervulgata (*) Conf., quod de Ctesylla narrat,

ANTONIN. LIBER. *Met. C. I.*

Enimvero, missis de divina vindicta Veterum testimoniis, quibus similia addere in promptu esset, si longioribus esse vel liberet, vel liceret, ad illa transeamus, quae modos complectuntur, quibus mortales tam nefandum crimen tollere et vindicare constituerunt.

Scilicet, ut est hominum natura, humani supplicii metu a scelere revocantur, Deorum vindictam alio tempore, post mortem nempe, expetendam parum curant, et tantummodo rationes suas ita ineunt, ut poenam judicalem effugiant. Recte hoc intellexit Juvenalis *Satyr. XIII. 80. sq.*

Fa.

(*) *Inde apud VIRGILIUM Georg. L. I. vs. 502.*

Laomedontaeae luimus perjuriam Trojae

Quamquam summus Poetarum Interpres, HEYNIUS b. l. aliter interpretetur, nostram tamen interpretationem probare videtur HORAT. Carm. L. III. Od. 3. vs. 21.

*. . . Facile et pronum est, superos contemnere testes,
Si mortalis idem nemo sciat, adspice, quanta
Voce neget, quae sit ficti constantia vultus.*

Sed, ut cupiditates auctae sunt, aucta hominum audacia, et in crimine perpetrando insolentior facta est. Postquam igitur, sanctitatem illam societatis hominum, Numine supremo interposito tum iudice, tum teste, temeritas sceleratorum sustulit, et aperte ea facere instituit, quae memoriae iudicis, et persecutioni modo furriperet, legum latores atque custodes graves poenas perjuris infligere coeperunt. Aegyptii reliquis gentibus facem quasi praetulerunt, cum illos morte dignos judicarent, qui tam parvam Deorum rationem habuissent, ut, iis interpositis, tum vindicibus, tum testibus, nihilominus tamen a data fide recederent. Vid. DIODOR. SICUL. L. I. C. 77. Apud Romanos, Decemviri, iudices, qui contra jusjurandum in iudicio versati erant, capite puniendos esse, constituerunt; cum e contrario adversus tam taetrum facinus,

Grac-

Graeci molliores reperiantur castigatores. Vid. *RET-
TUS* ad *Legg. Attic. pag. 401.*

Enimvero, memorata illa poena judicibus, non tanquam perjuris, infligebatur, sed iccirco potius, quia, contra leges jus dicentes, sententias, quae a bono judice proficiscerentur, indignas tulerant. Quorum haec tendant, diligentissimus harum rerum existimator, cum jus Romanum perjuris lenissimum esse sciat, facile intelliget. Et hoc quidem latius nobis explicandum erit.

Ergo, quoniam non semper ex intima Philosophia juris disciplina, sed interdum quoque ex Praetoris edicto et XII. tabulis haurienda est, hoc loco non inquiramus, quid jurisprudentia, ad optimae Philosophiae normam exacta, contra perjuros statuere debu-erit, sed quid juris Romani conditores legibus suis de hoc crimine sanxerint.

Scilicet Numa Pompilius, primos inter Romanorum legis latores nobilissimus, Fidei quidem templum di-

carat, illamque honore religioso coleptam esse mandaverat, (*) de perjuris autem nihil statuerat; quemadmodum quoque XII Tabulae nullam a perjuri reo poenam repetebant, cum tantummodo jurisjurandi sancte servandi commendationem continearet. AD ADSTRINGENDAM FIDEM ARCTUM, SANCTUM, INVIO-LATUM QUE VINCULUM JUSJURANDUM ESTO. Ita legem exhibet TERRATSON. *Hist. de la Jurisp. Rom. Part. II. §. 12. pag. 181.* Neque ulla lex reperitur, quae perjuri poenam continet, cum Cenforibus hujus criminis vindicatio concessa esset, qui quidem, (teste CICERONE *de Offic. L. III. Cap. 31*) nulla alia de re diligentius, quam de jurejurando, judicabant.

Enimvero, quicumque Cenforium munus attente mente consideret, illud ita fuisse constitutum intelligat, ut morum disciplinam contineret, ubique, non angustis certorum hominum terminis septum, sed per

O-

(*) *Vid. Supra Cap. I. pag. 14.*

omnium ordinum cives vagatum, suum de moribus
 judicium et censuram exercens. Hujus, ut ita di-
 cam, imperii fines non egrediebatur, atque nunquam
 in graviorum criminum animadversionem, tanquam in
 auxilium vocabatur. Conf. VAL. MAX. II. 4. Quo-
 niam igitur *crimina capitalia*, quorum poena legibus
 erat definita, Cenforum judicio et animadversioni non
 suberant, nihil poterant amplius, quam illis, quos
 condemnabant, notas adscribere: quicunque vero
 ab illis notabatur, infamis et erat et habebatur.
 Poena igitur Cenforia, sive illam levem, sive gra-
 vem dicas, erat ignominia, et illa eadem gravissimi
 criminis, perjurii, poena, (*) quam ergo, si sceleris
 atrocitatem spectas, potius nullam dixeris. Juris Ro-
 mani incredibilem lenitatem, ac pene dicam, illicitam
 inauditamque clementiam! Diis scilicet injurias suas

N

cu-

(*) Vid. TERRATSON. *Oper. Citat.* pag. 183. OTTO
Dissert. de Perjur. per Princip. Gen. Cap. III. §.
 I. (*Dissert. P. I. pag. 278.*) CARPZOV. *Pract.*
Crim. P. I. Quaest. 46. pag. 298.

curae esse sibi persuadebant, *Perjurii poena divina exitium, humana dedecus*, inquit CICERO *de Legg. L. II. Cap. 9.* Ita libera Republica. Sed quid tandem, cum Imperatores suo imperio omnia subjecerant, perdita libertate factum est? num melior ab hac parte Romana jurisprudencia, atque praestantior? Dicam, quod sentio, et, ut opinor, dicam vere.

ALEXANDER Imper. in *L. 2. C. de Rebus Creditis. Jurisjurandi contempta religio*, inquit, *fatis Deum ultorem habet. Periculum autem corporis, vel Majestatis crimen, secundum constituta Divorum Parentum meorum, et si per Principis venerationem quodam calore fuerit pejeratum, inferri non placet.* Quam diversas haec lex interpretationes nata sit, difficile est enumerare. (*) Recte vero illos, qui omnino hanc legem ad perjurium per Principem, ut ita juris Romani mollitiem excusent, referri volunt, mihi erroris

25-

(*) *Plurimorum Interpretum sententias exposuit* CARPZOV. *Pract. Crim. P. I. Quaest. 46. pag. 296.*

arguere videtur CUIACIUS in *Obff. L. II. Cap. 19.*, cum huc faciunt CARPZOV. *l. l. pag. 297.* OTTO *Oper. Citat. pag. 281.* et LEYSERUS *Meditat. ad D. T. VIII. pag. 618.* LEYSERI vero sententiae, qui, cum pugnam hujus legis cum aliis dirimere non sit, illam a compileribus Codicis insertam esse arbitratur, atque ideo quidem, quia, ejus opinione, perjurium multis legibus coercetur non adscribo, neque etiam recte REUSNERUM, a CARPZOVIO in *Oper, citat. pag. 297.* excitatum, ALEXANDRI philosophiam defendere existimo.

Quod primum igitur ad LEYSERI sententiam attinet, Leges, quas memorat, non perjurium coercent, sed crimen, propter quod perjurium est commissum.

Ita contra perjurium actionem de dolo dandam esse, Labeo existimabat. Vid. *L. 21. D. de dolo malo*, PAULUS vero, lege sequente, *poenam perju-*

rei sufficere contendebat; cum vero poenae genus non exprefferit, divinam ultionem, in *L. 2. C. de Reb. Cred.*, propositam, Ictum intellexisse, merito colligi potest.

Quoniam stellionatus crimen ad illud refertur, si quis fraude et dolo malo cum altero egerit, v. c. in pignore dando pro auro aes subjecerit, dignum re vera est scelus, quod judiciali animadversione puniatur: punitur ergo, quicumque hoc crimen commiserit, exilio, non vero perjurium, quo forte usus est, ut ita facilius fraudem suam occultaret. Hic sensus mihi legis *Ult. D. de Crim. Stellion.* esse videtur. conf. *MATTH. de Crimin. pag. 247.*

Caeterum, si illud assumamus, de quo nemo est, qui dubitet, tempore liberae Reip. infames fuisse perjuros, atque ita quoque habitos, reliquae leges, quae sententiae nostrae contrariam opinionem firmare videantur, ita explicari possint, ut aequo Marte e certamine discedamus. Imperatores *ARCADIUS* et *HONORIUS* in *L. 41. C. de Transact.* illos, qui in
trans-

transaetione juratam fidem fallerent, *infamia notari* volunt, addunt autem, *rerum proprietate careat et emolumento, quod ex pactione vel transaetione illa fuerit consecutus*. Cum ratio, neminem ex contractu, in quo fraudulentur egerit, commodum posse percipere doceat, ex hac lege nullam aliam perjurii poenam, quam infamiae illam facile elicies.

Quemadmodum Graeci suas *ψευδομαρτυριαν* actiones adversus testes, et *κακοτεχνιαν*, adversus illum, cui testimonium dixerant, habebant, (Vid. PETIT. in *Legg. Attic. pag. 449*) ita Romani acriter quoque falsum testimonium vindicabant. Vid. *L. 13. C. de Testib. (*)* Cum autem Imper. ZENO in hac lege falsos testes, primum de perjurio, conveniri dicat, non aliam hoc significationem habeat, quam in *L.*

N 3

22.

(*) *Praeter banc legem, in falsa, et diversa inter se testimonia dicentes, quoque poena statuitur in L. 27. D. de Lege Cornelia de Falsis. Antiquitus vero, ex XII. Tabb. falsum testimonium dicentes e saxo Tarpeio dejectos fuisse res nota est. Vid. AUL. GELL. L. XX. C. I. Conf. PARDULPH. PRATEJ. in Jurisprud. Vet. Tbes. Jur. OTTON. T. IV. pag. 466.*

22. *D. de dolo malo.* Atque ita porro principes civitate viri, si qualibet actione judiciali conveniantur, non fide jussionem, sed cautionem juratoriam praestant, quam si violarint, dignitate, *qua se per suum videlicet perjurium, indignos esse probaverint, spoliantur.* Vid. *L. 17. C. de Dignitat.*

Non ergo tanquam perjuri puniuntur, sed propterea, quod privilegio, in favorem suum introducto, turpiter abusi sint. Qui plura cupiunt, MATTHAEUM *de Crimin.* supra laudatum, et CARPZOVIVM *in Pract. Crimin. P. I. Q. 46, p. 248,* in consilium adhibeant.

Constet itaque, Imperatores de sua magis, quam de Deorum injuria sollicitos fuisse, cum illos, qui per Genium Caesaris pejerant, fustibus, addita admonitione ~~perpetuis in ignem~~ puniri jubeant, sicut SEVERUS et ANTONINUS (*in L. 13. §. 6. de jurejur.*) (*) rescripserunt, Inde lepide apud TERTULLIAN,

Apo-

(*) Haec lex, quomodo cum nobilissima illa *L. 2. C. de Reb. Credit. concilietur, monet CUIACIUS Obf. L. VIII, Cap. 7.*

Apolog. Cap. 28. ad Romanes. Citius apud vos per omnes Deos, quam unum Genium Caesaris pejuratur. Conf. OTTO in *Differt. de Perjur. per Gen. Princ. Cap. III. §. 3. (Differtat. P. I. p. 281.)* Atque ita, ad REUSNERI, juris Romani lenitatem probantis, sententiae dijudicationem pervenimus.

Ut tutela, sic procuratio Reipublicae, ac cura justitiae, ad utilitatem eorum, qui commissi sunt, gerenda est. Itaque, cum saepenumero, Reip. causa, contra maleficos severitas, sine qua nulla facile societas administrari queat, sit adhibenda, boni judicis, qui juris aequabilitatem exercere cupit, esse censetur, pro magnitudine sceleris, modo mansuetudinem atque clementiam, modo animadversionem et castigationem, severam illam, et crimine congruam exercere. Recte itaque homicidae capite plectuntur? cur autem Deorum vindictae soli perjuri relinquantur, me intelligere non posse profiteor. Nam iccirco illud posse obtineri, quod ultio divina, poena sit satis gravis, non

equidem affirmare audeam, cum ab istiusmodi rationatione haec confectio duceretur, omnes homicidii, adulterii, similiumque criminum animadversiones Deo esse permittendas. Nullae ergo leges, nulla judica, nulla iudices, nulla denique, quam profitemur, jurisprudentia.

Porro, cum iudices ab ipso Deo constituti sint, ut, quaecunque divinae voluntati contraria peragerentur, animadverterent, iisque magnam auctoritatem Numen Supremum tribuerit, non iccirco ipse juri suo renunciavit, quo nimirum omnes malefici aequae ac perjuri in suam vindictam inciderent; si itaque a iudice puniuntur homicidae, poena quoque affiendi sunt perjuri, et, an violatum jusjurandum severius animadvertere velit, Deo relinquendum est. Praeterea, si ad societatis utilitatem rem referre velimus, opinionem perniciosissimam qui perjuro nullam poenam infligant, in civitatem inducere, vere mihi videentur. Inprimis, cum omnes fere gentes, quam diversam in hoc a Romanorum legislatoribus
sen-

sententiam sequerentur, suis legibus probarint. Hanc in rem exempla satis multa collegit OTTO in Dissertatione, plus semel laudata, *Cap. III. (Dissert. P. I. pag. 292.)* Conf. CARPZOV. *Pract. Crimin. P. I. Quaest. 46. pag. 296. et 298.*

Caeterum hodie plerumque arbitrariam poenam perjuris infligi, cum amputatio digitorum, a CAROLO V. constituta, (*) non in omnibus casibus obtineat. (**) Apud Frisios autem perjuri puniuntur secundum statuta, *aan lyf, eer, en goed* teste HUBERO *Hedend. Rechtsgel. L. VI. C. 20. Art. 6.* Ubi hanc in rem excitat *Ordonnant. II. XVI. Art. 3*, qui tamen locus huc referri nequit: vid. modo Ampliff. HAMERSTER *Statut. van Friesl. P. I. pag. 306.* Si tamen poenae perjurii in Frisia exempla anquiras, legas HUBERI *Praelecti. ad L. XLVIII. D. Tit. 10.* Atque

N 5

hoc

(*) *Vid. LEYSEK Meditat. ad D. T. VIII. pag. 629.*

(**) *Vid. CARPZOV. Oper. Citat. pag. 300.*

hoc loco minus notam GEORGII Saxon. Duc. et in
Frifia Gubernat. Herod., legem repraesentabo e libro,
qui inscribitur: Dit zyn die statuten en landt Herf-
ten van den landen van Oost Vrieslandt by die
Sassensche tijden. &c. ubi inter alia haec leguntur:

Item die wetende eenē quade recht sweert sal xi.
dagen lanc vasten te water en doot/ en noch soe-
nen Jaer leuen in grote penitencie en gheen sacra-
menten ontfangen/ eer dat hi zijn penitencie volbrachyt
heeft/ dan alleen in die hze zijns doots. Item me-
neebicheyt en dootslach te zyn na den rechten/ al
ijc oft gelijc na den rechten. Item die eenen raet
tot eenen quaden recht/ doet groter sonde dan oft hy
een dootslach dede/ want in eenen wilschen rede
dootmē een siele/ die duisentmaal beter is dan dat
lichaam. etc.

Item die meyneedich is die is een eerloos man en
en mach nimmermeer/ rechter/ hoorspraakē/ tuge/
noch

nach oßen wesen/ nach gheen bigniteijt zyn dage
ontfangen.

Plura hac de re in medium proferre, non cadit in
Observationum tenuitatem. — Haec ergo haec-
tus.



THE-

T H E S E S.

I.

Decemviros in Legg. XII. Tabb.
omnino corporum sectionem per-
misisse statuo.

II.

Quod attinet ad pugnam L. 3. inter
et L. 14. D. de Transact.
non dubitamus facere cum Cl.
VOORDA Elect. C. 1.

III.

Legem 22. C. *de Negot. Gest.* con-
jectura sollicitari non debuerat
BYNKERSH. in Obs. Jur. Rom.
L. 1. C. 7.

IV.

IV.

Nulli populo alterum, propter malos mores, bello persequi licitum esse existimo.

V.

Torturam, quae dicitur, detestabilem esse immanitatem adfirmare non dubito.

VI.

Mulieres ad tuendam pudicitiam moderamine inculpatae tutelae gaudere existimo.

VII.

Comites, Magistratibus in Hollandia legum ferendarum Jus concedentes, nunquam tamen suam imperii maiestatem iis tradiderunt.

D'ESCURIO

S U O

JO. AD. NODELL.

Lauru, non satis est, Apollinari,
Nexisque Aonidum manu corollis
Ornatum in Claria nitere turba,
D'ESCURI, tibi! nec satis, politis
Ingens carminibus decus tulisse!
Sacerdos Themidis cupis vocari,
Astracaeque sacris initiari,
Et castis manibus pios odores
Sanctis Justitiae cremare in aris.
Quin nomen, Latia prius Camena et
Culto carmine jam celebre multum,
Docto, Jupiter! evehis libello
Famam ad Cujacique, Grotiique,
Et quos praeterea Themis peritos
Legum jactitat eruditiores.

Sic,



Sic, Henrice, decet, decus parentum
Rebus, quas proprias voces, tueri! —
Jam Lares patrios brevi revisas,
Fac, quaeso, & Grunicas relinque terras,
Ut Phoebum simul, & simul colamus
Castas Pierii jugi Puellas;
Et libris Latiis, librisque Graiis,
Chartisque Aonidum manu politis
Iucunda oria dehinc simul teramus.
A vulgo procul, et procul pudendis
Seculi deliciisque, ineptiisque.
Huc, huc, fac properes, Amice! Sic te
(Quamquam, falsiloquas, doces, puellas,
Et perjuria crebra blandientum
Nil curare Deos Deasque Olympi)
Nunquam falsiloqua ardeat puella
Lusisse infidiis dosisque amantem.

Rotterodami MDCCXCIV.

E I D E M.

S.

Itala quem fovit, fovit quem Graeca Venustas,
Quem nivea Charites perpoliere manu,
Quemque aequas juvenem juris formavit ad artes
Aufonis ornatu Suada decora nov,
D'ESCUR! oblatos tibi jam gratarer honores;
Edit at incultos ic̃ta chelys numeros:
Nam satis auxilii mihi mens, et dextra recusant,
Ic̃tibus haec impar, nec capit illa modos.
Gaudeat Orpheo testari gaudia cantu
Pieris ad laudes officiosa tuas;
At mihi, tum Musae voces, tum publica vota,
Quolibet applausu continuare, sat est.
Ergo Gruniacae Phoebæ in nemore lauri
Surgite, Pierio grata latebra Deo,

Otia



Otia sub vestris ducens D'ESCURIVS umbris

Gruniacis condet carmen Hamadryasin.

Pomiferis quondam veluti cantavit in hortis

Cilnius, Etrusco sanguine natus eques.

Seu Latii volvet gratissima carmina vatis,

Scriptaque, quis merito terra Pelasga timet.

Talis Alexander, victricia quo tulit arma,

Maeonii fertur scripta tuliste senis.

Seu modo discutiet iustas a Caesare leges,

Romulei versans nobile juris opus:

Ut queat, ad patrias Astraea ubi confidet aras,

Incluta legisferi jura referre fori.

Scilicet est aliquid, pretiosa per otia Phoebum

Demeruisse, Themis demeruisse simul.

Non secus immanes populos flexere poetae

Legibus, ac mores perdomuere, suis:

Threicii ad numeros ita vatis venit Oreas,

Adstuit et fufis Naias uda comis.

O

Gra-



Grajugenum arcentes rabidis perjuria jambis
Edocuere datam non temerare fidem.
Ergo, caufidicus dum Baldi aenigmata volvit,
Clamofoque loquax latrat agyrta foro;
Tu potius, prifci detectis fontibus aevi,
Numen utrumque pari religione cole!
Talibus auspiciis quaevis minitaberis alta,
Res quoties promptam publica pofcat opem,
Et tibi, luctantum non affimilanda tropaeis,
Perpetuas grates, Patria dona feret,
Et domus, a cujus titulis fulgebis auitis,
Aeternum lauros, quas geris ipfe, geret.

A. HAAKMA TRESLING,
ICTus Groning.

GENE-

GENEROSISSIMO JUVENI

HENRICO COLLOT
D'ESCURY,

J. U. DOCTORI CREATO.

Te mea, D'ESCURI! Patriae spes inclyta nostræ!

Præclara hâc vellet Musa beare die,

Hei mihi sed justæ defunt in carmina vires,

Adderet haud famæ laus quoque nostra tuæ;

Carmine pollentem quem doctus jam stupet orbis

Cujus et æternâ tempora fronde virent.

Quem simul ante alios Themis alma agnoscit alumnos

Juridici famam quis neget esse fori?

(✚)

Hoc probat assidua quam sedulitate parasti

Nunc Tibi per doctos palma tributa viros,

Huc pede felici redeas, charissime! dum te

Excipiat plausu patria læta pio,

Doctrinæque tuæ multos hinc carpere fructus

Detur, et his ferus gaudeat usque nepos,

Vive diu felix Pyliosque beatus in annos

Proque tua moveant vota salute Deum!

H. C. HABBEMA,

Litt, Stud,



COG-

COGNATO EXOPTATISSIMO

HENRICO BARONI
COLLOT D'ESCURY.

Musarum, o dilecte mihi, Phoebique Voluptas!

Et praeclara Deae gloria legiferae!

En tibi, quam toties optasti, candida fulget

(Lumine felici fulgeat usque) dies.

Scilicet haud vitam voluisti ducere inertem,

Desidiaequae piger castra inhonora sequi,

Ipse Themis summo, delapsa per aethera, coelo

En nivea gestat, ferta decora, manu.

Huic

(♣)

Huic se Pierides, huic se formosus Apollo;

En jungunt comites, nec tua Pallas abest;

Teque suum decorant Themis, et cum Pallade Musae,

Haec merito violas porrigit, illa rofas.

Ergo Numinibus tot multum perge placere,

• Maximus arte fori, maximus arte lyrae.

J. C. DU TOUR,

J. U. Stud.

Praeter vitia, a nobis notata, Lector ipse reliqua,
pro sua benevolentia corrigat.

Pag. 43. vs. 8. *Excisc.* scribe *Ercisc.* pag. 56. vs.
10 et 11. *prosit profint praebeat praebeant.* pag. 87.
vs. 1. *et* PUFFEND. *ad* PUFFEND. pag. 131. vs. 8.
Anglum deleatur.

7/20
15



THE NEW YORK PUBLIC LIBRARY
REFERENCE DEPARTMENT

**This book is under no circumstances to be
taken from the Building**

[illegible]

APR 14 1927



